

6 444

INQUISITIO
IN
ORACULA SIBYLLARUM
DE
CHRISTO,

Occasione Orationis anno 1662. in
pervigilio Natiuitatis salutiferæ de iisdem
habitæ,

Per Annotationes varias institutæ

à

TOBIA WAGNERO, D.
Ecclesiæ Tubingensis Præposito, &
Universitatis Cancellario.

TUBINGÆ,

Impensis Johannis Georgi Cottæ,

M. DC. LXIV.

GENEROSO NOBILISSIMOq;
DOMINO,
CHRISTOPHORO Mann-
Teuffel/

Hæreditario in Gandelin, &c.

SERENISSIMI WIRTEMBERGIÆ
DUCIS CONSILIARIO STATUS INTIMO,
& in Secretiori Confessu Pro-Præsidi, nunc Ejusdem ad Im-
perii Comitæ comiti eminentissimo, Domino ac Mæcenatj
honoratissimo.

Omniem animæ ac corporis prosperitatem!

SI, GENEROSE ac NOBILIS-
SIME DOMINE, mihi met un-
quam succensui, certè superiori an-
no me id fecisse profiteor, cùm de
Generosæ Tuæ Nobilitatis connubio nihil re-
sciscerem, donec per os famæ percrebuit, Nobi-
lissimum Dominum Manteufelium Oberkirchæ
celebrare nuptias, & Serenissimum Ducem EBER-
HARDUM Celsitudinis Suae præsentia tæda-
rum Orgia serenare. Causa, cur tantùm
non tum vapulaverim à me, erat non contem-
nens, sed non advertens neglectus capillatæ
frontis, quam tunc porrexerat occasio, quâ ani-
mi mei lætitiâ publicis votis potuissem ex-

plicare, quibus, ut cardiognostes, precum nostrarum exauditor, testis est, nullo non die pro Generosæ Tuæ Nobilitatis salute, clauso ostio, Numini privatim lito; quem neglectum soli labores, & laborum curæ concatenatæ diluunt, quibus exulcerato hoc seculo ita subigor, ut interdum tantum non ecstático fiam similis, dum mei oblitus nihil præ oculis habeo, quàm foris Turcam, domi Universitatem & Ecclesiam. Quicquid tamen sit, reum me fisto peccati ignorantiae, quòd Generosæ Tuæ Nobilitati, *Mecænatum Optime*, Dominæque Sponsæ, jam costæ conthorali, quâ tam virtutum symmetriâ, quàm Generis Nobilitate in Mundo nihil lectius, publico tunc voto non acclamaverim; quod peccatum ut expiem, præsentem in Oracula Sibyllarum de Christo Inquisitionem, cujus publicationis ἀφορμὴν epilogus aperit, Generosæ Tuæ Nobilitati loco arietis immaculati, quem pro ignorantiae peccatis Mosaica lex offerre jubet, offero, tum ut neglecta votorum compleam, omnesque benedictiones Vobis Neogamis apprecer, quas Laban cum familiâ sorori Rebecca, Isaaco desponsatæ, & Bethlehemiticus populus apprecatus est Booz, Ruth in uxorem ducenti

centi, tum ut officio pietatis, quia aliud non
suppeditat, Generosam Tuam Nobilit. denuò
demerear, ut non possit non continuare ha-
ctenus mihi exhibitam gratiam & favorem;
& ego vicissim non possim me non profiteri
Ejusdem obligatum clientem. Quod reliquum
est; sospitet Deus, qui est Magnus consilio
& operibus, tum Per-Illustris ac Generosissimi
Dn. Comitis à Castell, *mei Abdia*, tum Ge-
nerosæ Tuæ Nobilitatis, *Abedmelechi mei*, con-
silia, quibus Serenissimo Duci EBERHARDO
in præsens Ratisbonæ, ut & aliàs semper, estis
intimi, ut Turcâ profligato in patriam sitis re-
dituri: Et omnis populus dicat amen! Scripsi
Tubingæ 11. Febr. Anno 1664.

Generos. T^a Nobilit.

devotissimus

Tobias Wagner D.

DECANUS
ET FACULTAS THEOLOGICA UNIVERSI-
TATIS TUBINGENSIS

Lectoribus S. D.

Quanto Regnorum applausu natiuitates filio-
rum Magnatum, imprimis si primogeniti sunt, & unige-
niti, excipiantur, historia loquuntur, & testis est expe-
rientia, dum vocibus gratantium Cæli orare, & imbres votorum
æthere decidere videntur. Quid enim tum non tentant acclaman-
do Oratores, ad exequandam, si possibile esset, ipsius Euphratis
affluentiam rheumate oratorio, in affundendis bonis verbis pro
incremento natorum! Quid non Poëta? quorum vena tunc abys-
sus est, & inexhausta votorum scaturigo, ut exemplo est Virgilius,
cui, cum Asinio Pollioni, Romano Consuli, Duci exercitus Germa-
nici, filius, Saloninus nasceretur, nullius Oratoris, nedum Bucoli-
ci scriptoris ingenium, nec uila humana dicendi vis & majestas
in canendo genethliaco ad imitationem suffecit, quemadmodum
alias in Bucolicis Theocritum, & in Aeneide Homerum feliciter
fuit imitatus, à Macrobio Homericæ per omnia perfectionis
imitator ideò dictus; dum altiore, nempe vaticini flaminis sty-
lum mutuauit à vaticinio, quod Cumæa de Christo fudit, & Ec-
clogam quartam Poëta constituit, in hunc Pollionis filium de torto,
factâ promissione, si vita suppedita verit, se in describendis huius
Salonini rebus gestis nulli Poëtarum, neque Orpheo, neque Lino,
neque Apollini, natis quamvis Poëtis, cessurum esse, quando scribit:

O mihi tam longo maneat pars ultima vitæ,
Spiritus, & quantum sat erit tua dicere facta,
Non me carminibus vincet nec Thracius Orpheus,
Nec Linus; huic mater quamvis, atque huic pater adsit
Orphei Calliopæa, Lino formosus Apollo.
Pan etiam Arcadia mecum si iudice certet,
Pan etiam Arcadia dicet se iudice victum;

Tam effusa sunt in genethliacis Magnatum scribendis, & bonis ver-
bis cordiculis dicendis ingenia, ut etiam verborum vim, & ge-
stum gratiam sibi deesse querulenter, quibus gaudia mente con-

cepta gestiunt eloqui & significare : Vt alia consummata letitia signa hic transeant, quæ tum passim per provincias dantur, portis alibi virentibus sertis coronatis, die alibi accensis funalibus aucto, compitis undique festis pyris illustratis, illic aëre missilibus ignium coruscante, isthic tellure repetitis tormentorum fragoribus mugiente: Et quidem omnia meritò; quia bona, quæ ex fecunditate Principum sperari possunt, melius non intelliguntur, quàm ex luminibus Imperiorum extinctis, quando regnantium occasus improles accidunt, mutationibus iis post se plerumque tractis, quæ haud rarò interitum Regnis atque provinciis minitantur; De quibus spaciosus dicendi campus se offerret, si institutum præsens id permetteret, nec in longè, & quidem infinitè altioris Magnatis, nempe ipsius Omnipotentis Dei filij genethliacum & natales oculi nostri unicè defixi essent, ad inferendum, si tam consummata gaudia misceantur nato Rege, qui homo est, qui mortalis est, & immortalitem, si etiam Alexander Magnus, Philippi Macedonis filius is esset, nobis donare non posset; quantò consummatius gaudeamus nato Rege, qui Victor Mundi & Diaboli est, qui Redemptor ex inferno est, qui Restitutor immortalitatis, & Reparator vite æternæ est: Verbo; qui omnia in omnibus est, nempe meritissimus Salvator noster Iesus Christus: Cujus natales Ecclesia futuro 25. Decembr. die devotione eâ; quam de nobis meruit, hoc est, quâ fieri poterit, profundissimâ & summâ celebrabit. Ad quam excitandam Universitas nostra antiquitus constituit, ut à Facultate nostra in Vigiliis tanti festi, quæ in antecedaneum diem incidunt, Oratio de natiuitatis Sacratissima Mystério habeatur, quam in Auditorio nostro, aut si aër durior ob hyemis inclementiam urserit, in majori conclavi Senatorio, pro meridiana nonâ sollemnitate debitâ habebimus. Mandamus igitur omnibus ac singulis, qui jurisdictioni nostræ subiecti sunt, ut hoc devotionis æρεόαπα dicto die & horâ frequentes, eâ quâ par est, devotione, visitent: Cateris verò, quibuscunque Salvator cordi est, suammet propriam devotionem instar magnetis fore speramus, cuius tractu sint apparituri, juxta illud, quod Ecclesiæ erga Salvatorem familiare est: Trahe me, & post te recurremus. Dabamus sub Sigillo Facultatis nostræ. d. 21.

Decembr. Anno 1662.

IN-

VIRO

*Amplissima Dignitatis, atque Inclyti
latè nominis,*

DN. TOBIÆ WAGNERO,

SS. Theol. Doct. & Prof. Publ. Ecclesiæ

Tubingensis Præposito, & Academiæ
Cancellario, &c.

IN ORACULA SIBYLLARUM

inquirenti,

Quid recti fictique tegat cortina Sibyllæ,

Sen Cumæa magis, sive Erythræa valet;

Inscriptasque notas foliis, & didita mundo

Carmina, WAGNERI pendit acuta bilanx.

Quæ tibi, Roma, Viri Geminive, Decemve, velut

Curavere, Sacris arbiter unus adest. (tra,

Christophorus Caldenbach.

Erratum in erratis ad calcem omissum.

Pag. 16. lin. 19. pro subsistentia lege substantia.



Magnifice Rector, Per-Illustris Baro; Viri admodum Reverendi, Nobilissimi, Excellentissimi, Consultissimi, Celeberrimi: Tuque Studiosorum Corona Nobilissima, Florentissima, Ornatissima:

Quemadmodum diris omnibus meritissime devovendus, & ut reus majestatis unco injecto ad gemonias pertrahendus esset, si quis regis alicujus primogenito statim sub genethliaco ortu quæstionem natalium movere, eosque legitimos esse negare aude-
ret; & quidem nunc temporis aut Infanti in Hispania, aut Delphino in Gallia; quid enim tam desperatè audax ingenium aliud ageret, quàm ut, quantum in se, novaculâ maledictæ linguæ eam subditorum spem decollaret, cujus defraudatio integris regnis non posset non perplexissime periculosa accidere (a): Ita multò magis extremum impietatis gradum excessisse judicandi sunt illi, à quibus ipsius Filii Dei, carnem per magnum mysterium pietatis induentis, natales tuti non sunt, imò σημείον ἀντιλεχόμενον, hoc est, *signum contradictionis* sunt; dum eos vel prorsus negant, ut negavit *Arius* (b); vel ad solam humanam naturam, divinâ exclusâ, referunt, ut retulit *Nestorius* (c), & qui ex Rasis & Reformatis cum illo in eadem domo habitant; vel, ut alii plures transcant, apertè blasphemant, ut juxta Judæos (d), conductos blasphematores partus virginei, blasphemavit (e) autor libri, titulo tenus plus justo famigerabilis, nempe *de tribus summis Impostoribus*, quos *Mosen, Christum, & Machometem* fuisse, quantum ad *Mosen & Christum*, desperatus furcifer ex infernalibus faucibus eructavit,
A dignus,

dignus, qui flammâ ignis, non elementaris, sed sulphurei, quo Sodoma & Gomorrha conflagrarunt, imò infernalis, quo dæmones cum damnatis æternùm ardebunt, concremari debuisset; ut mirum non sit, si in medio tritico seminati verbi tam epicurea zizania succrescant, quibus prædicatio de Christo fabula est, ut sanctissimo, si diis placet, Pontifici Leo-
ni X. fuisse fertur, cùm de felici indulgentiarum aucupio profanissimâ voce, *En quantum fabula de Christo nobis profuit!* sibi fuisset gratulatus: quod genus hominum, si quis diabolo, qui καὶ ἐξοχὴν πονηρὸς dicitur, pejor esse posset, profectò ipsis diabolis pejus ac profanius esse asserere nullus dubitarem, quia constat, diabolos non tantùm, ut Jacobus asserit, credere, sed etiam Christum in evangelio filium Dei confessos, & per decantatissima Sibylarum oracula, eo nondum nato, confessos fuisse, de quibus oraculis, quia non contemnendam speciem divinæ revelationis præ se ferunt, hoc sancto salutiferæ nativitatis pervigilio, cum vestrâ veniâ, auditores omnium ordinum honoratissimi, aliquid differere, & an ad astruendum incarnationis mysterium ἱς θεὸν π, & roboris aliquid insit, inquirere constitui; quod dum facio, nihil à sacræ Theologiæ studio, quod in veris Dei oraculis scrutandis occupatur, à me alienū fieri arbitror, quia Theologi interest, pretiosum, ut cum Propheta loquar, à vili secernere, & ostendere, quid distent æralupinis. Orationem tædio carituram esse, sperare me jubet, si non materiæ singularitas, saltem, si cætera omnia injucunda sint, dicendi brevitās, quo nomine aures, si non lubentes, saltem patientes, à vobis flagito, quæ timidiùs dicenti παρρησίαν conferent, & orationis filum, quod spondeo, in rem vestram promovebunt.

Advocis Sibyllæ etymon quod attinet, non est, ut multum in ea tricemur, quod Lactantius ex Varrone aperit, Sibyllas à consiliis Deorum nunciandis æolicâ dialecto dictas esse; Æoles enim Σιῶς Deos, non Θεῶς, & consilium non βελήν, sed βουλὴν

ORACULIS SIBYLLARUM.

3

Πυλὴν appellarunt, ut Sibylla dicta sit quasi *Θεοβέλη*, *Dei consili-
um*, aut *Consiliaria Dei*, appellatione hac omnibus fatidicis
fœminis vindicatâ, quas veteres *Sibyllas* vocarunt: hanc ety-
mologiam Peucerus in commentario de præcipuis divina-
tionum generibus præ ea approbat, quam Varro etiam ab
unius Delphidis nomine deducit. (f) De voce *Kabala* quod
idem addit, longius petitum est, quàm ut ei *Sibylla* etymon
suos natales debere putemus. *Sibyllas* autem ullas unquam ex-
titisse qui negant, (g) historiæ veritatem, quæ Sol temporum
est, negent necesse est; quarum de Christo oracula à Chri-
stianis supposita fuisse, statim in primitivâ Ecclesiâ gentilium
fuit exceptio, cùm juxta Scripturam etiam carminibus Sibyl-
larum à Christianis urgerentur, quos refutavit Lactantius,
Varronis, Ciceronis, & aliorum ex veteribus, qui Christo na-
to antiquiores fuerunt, autoritate ipsis objectâ: ut Socinum
Antitrinitarium meritò pudere decuisset, qui in suo *An-
ti-wieko* existentiam Sibyllarum dubiam reddere conatur,
verisimile esse, perhibens, *narrationes de Sibyllis fabulas esse*,
*& credendum potius videri, eas nunquam extitisse, quia ipsa-
rum tempore nemo quicquam de iis scripserit.* Atqui quis ante
& post diluvium usque ad Moysen quicquam de Protoplastis
& Patriarcharum familiis scripsit? num propterea creden-
dum videtur, eos nunquam extitisse, & Genesin Mosaicam
pro fabulâ habendam esse? nonne carmina earum Varro, Ci-
cero, & alii, qui ante Christum natum vixerunt, legerunt? utut
diversæ circumstantiæ de illarum historiâ à diversis scriptori-
bus referantur; quod fabulam protinus non arguit, aut sub-
stantiam historiæ tollit; nisi maximam partem veritatis histo-
ricæ elevare, dubiamque reddere velimus (h). Livium, quod
Socinus addit, de libris à Cumæâ Tarquinio Prisco vendi-
tis silere, verum est; quid tum postea? quotaquæque sunt,
quorum ille non meminit! quæ tamen fabula aut infecta
non sunt, quia ab aliis fide dignis scriptoribus referuntur, inter

quæ referenda est hæc ipsa librorum Sibyllinorum, à Cumæa Tarquinio venditorum historia, quam Plinius, Dionysius, Solinus, Gellius, Servius, alii referunt, qui Livio in candore calami historici fasces nullatenus submittunt, ut ut in relatione circumstantiarum differant, etiam quod numerum & personas earum concernit, dum alii, ut Castellio, saltem unam Sibyllam faciunt, quæ etiam vulgi est sententia, quod permulta, quæ adhuc complenda restent, Sibyllæ vaticiniis simplici credulitate tribuit; alii, ut Marcianus Capella, duas, alii ut Plinius, tres, quarum statux Romæ erectæ steterint, nominav. Solinus refert, *Cumæam*, *Delphicam*, *Erythræam* eas appellans; alii, ut Ælianus, quatuor, *Erythræam*, *Sarniam*, *Ægyptiacam*, ac *Sardiniam*, duabus aliis, *Judaâ* & *Cumanâ* auctas; quibus omnibus demum Varro in libris divinarum rerum, ut Autor est Lactantius, adhuc quatuor alias addit, numero earum in denarium extenso, quarum nomina modò laudatus Lactantius recenset. Peucerus (*i*) in Commentario singulas ferè gentes Sibyllas, hoc est, vaticinas feminas habuisse, suasque religiones, quas ex primâ quidem verâ, sed pro suis affectionibus depravatâ, instinctu diaboli exstruxerint, fovisse judiciosè demonstrat, quæ quia Helenas nostras, Sibyllas putata, de quarum oraculis amphora est instituta, obiter tantum lambunt, nunc missa faciamus, id potius acturi, quod intendimus; ex Sibyllinis carminibus producturi testimonia, quibus hebræus puer *Christus* tam à Sibyllis prædictus, quàm à Prophetis revelatus esse videtur, in quocunque vel tandem tripode principium hujus revelationis (de quo deinceps agemus) sit quærendum. Et quidem ne oratio, si singulas producere vellemus, justo prolixior evadat, tantum duarum, quæ reliquis celebritate nominis illustriores sunt, *Cumæa* & *Erythræa*, totidem de nascituro nostro *Iesulo* vaticinia in præsens producam, quarum alterum, quod *Cumæa* est,

ORACULIS SIBYLLARUM.

5

est, *Virgilius*, alterum, quod *Erythrae*, *Eusebius* posteritati expendenda reliquerunt.

Cumæam (k) ex *Cuma* Opicorum oriundam, quod concernit, refert de ea ex autoribus *Lactantius*, quod novem carminum libros ad regem *Tarquinius* attulerit, sed quia trecentos philippæos pro iis postulaverit, & ob pretii magnitudinem à rege fuerit derisa, tres de iis combusserit, & cum idem pretium pro sex reliquis peteret, denuò à rege insuper habita, tres alios in ignem conjecerit; donec pro tribus reliquis *Tarquinius* pretium postulatum, in quo illa perseveraret, dederit, quos *Capitolio* resecro cum magnâ veneratione curaverit asservari: Hujus *Cumææ* versus *Virgilius* *Ecloga* IV. inter alios translatione ad *Saloninum Pollionis*, *Consulis Romani* recens natum filium ita exprimit:

*Ultima Cumæi venit jam carminis ætas,
Magnus ab integro sæclorum nascitur ordo;
Iam redit & virgo, redeunt saturnia regna,
Iam nova progenies cælo demittitur alto,
Tu modo nascenti puero, quo ferrea primum
Desinet, & toto surget gens aurea mundo,
Casta fave, Lucina, tuus jam regnat Apollo, &c.
Te duce, si qua manent sceleris vestigia nostri,
Irrita perpetuâ solvent formidine terras, &c.*

Et post graphicam descriptionem regiminis hujus novæ de cælo demissæ progeniei:

*Aggredere, ô magnos (aderit jam tempus) honores,
Cara Deûm soboles, magnum Iovis incrementum.
Aspice convexo nutantem ponderemundum,
Terrasque, tractusque maris, cælumque profundum;
Aspice, venturo latentur ut omnia sæclo, &c.*

Quot versus , tot testimonia , hujus Cumææ carmina de nascituro Christo fuisse authentica , quocunque flamine inspirata ; sed & quacunque intentione à Marone usurpata , qui *puerum non hebraeum , sed latinum* , non Dei & Mariæ , sed Pollionis , Consulis Romani filium , adeoque *Saloninum* , non *Christum* recenter natum pro objecto applicationis habuit , ad quem styli quidem imitatione eruditâ , sed sensus detorsione , à Cumææ scopo longè alienâ , Cumæum hoc carmen , divinitatem nascituri Messiae apertè spirans , quasi per apotheosin quandam transtulit. Quis enim Salonino nato *aureum seculum* , quod Poëta per *ultimam Cumæi carminis ætatem* intelligit , venisse , & quod è vestigio subjungit , *auream gentem toto mundo surrexisse* asserat ? cum *ferreum* potius *seculum* , Babylonix Regi in somno per tibias ferreas colossi monstratum , tunc adesset , quod ad monarchicum axioma evertedum omnia diminueret & domare incipiebat (l) , ut sola pax spiritualis cum Deo , per prophetas phrasi à Cumææ stylo , ut Poëta eum exprimit , non multum abludente , descripta reliqua esset , quam *Sarschalom* Christus de cælo nobis attulit. Quid *Virgini* cum Salonino , nato Pollionis filio ? Atqui cum Christo permultum ; quippe quem juxta Esaiaë vaticinium (m) *Virgo concepit , virgo peperit* , statim in evangelio paradisiaco (n) per *mulierem* , cujus semen caput serpentis erat contritum , intellecta. Quo sensu vel tandem Poëta Saloninum pro novâ cælo demissâ progenie vendicare potuit , nisi tam latè anagogico , quo vix umbra veritatis in applicatione remansit ? cùm e contra Scriptura de Christo nil disertius asserat , quàm *Dominum eum esse de Cælo* (o) , ac *vitæ panem , qui de cælo descendit* (p) : ut uterque , & *Christus* , Dei ac Mariæ , & *Saloninus* , Pollionis , Consulis Romani filius sub Imperatore Augusto , quem Maro per regnantem Apollinem innuit , fuerit natus , quod Salonini mortalitati nihil addit , Christi divinitati nihil detrahit ; qui sceptro de Ju-

ORACULIS SIBYLLARUM.

7

da jam pridem per Pompejum ablato venire debuit (*q*); *Summatim*, non *Saloninum*, *latinum*, sed Christum, *hebraeum puerum* hunc Pamphilum esse, perquem divini Numinis gloria & Majestas stetit, & propter quem cœlum ipsum, & universi mundi machina gestire, ejusque natalem gratulari debuit, & quod præcipuè in rem universi generis humani est, solus vestigia scelerum nostrorum irrita reddere, ac terram perpetuâ formidine solvere potuit, hoc omnes versus, etiam (ut habet *Anton. Guibertus* in suo *Apologetico*) omnes tropi, quibus poëta utitur, evincunt, & vitæ Salonini brevitatem confirmatur, quem statim, ac in lucem fuit editus, risisse, suoque risu vitæ brevitatem sibi met præfagiisse scribunt; nedum ut pro Dei, tantorum honorum capace progenie fuerit habendus. Longum esset referre, quàm devoto Commentario Eusebius (*r*) totam hanc eclogam juxta Cumææ mentem ad Christum applicet, cui calculum adijcit Augustinus (*s*), pernegans, imprimis hos duos versus,

*Te duce, si qua manent sceleris vestigia nostri
Irrita, perpetuâ solvent formidine Terras,*

alteri, quàm Domino Christo genus humanum dicere posse, quos ex Sibyllino carmine Virgilius fassus sit se transtulisse.

Fuit vaticinium *Cumææ*, cui tam disertim astipulatur acrostichis *Erythrææ* (*t*), ut ipsum nomen Salvatoris *Ἰησὺς Χρῆστος* *Ἰεῦς υἱὸς Σωτῆρος* initialibus versuum literis, cum utroque Salvatoris, adventu exprimat, cujus initium, ut apud Eusebium loc. cit. extat, ita habet:

Ἰδρώσθ' ὃν χθὼν, κείσε θεὸς σημεῖον ὅτ' ἔσται,
Ἡξεί δ' ἐργασθῆναι βασιλεὺς αἰῶσιν, ὁ μέλλων
Σάρκα παρὼν κείναι πάσιν, καὶ κόσμον ἅπαντα δεῖ.

Hoc

Hoc est:

*Sudabit enim terra, quando judicij signum erit,
Veniet autem de cælo rex per secula, qui futurus est
Omni carnem præsens judicare, & omnem Mundum.*

Magnum authoritatis momentum accedet Sibyllis, si hæc acrostichis authentica esse probabitur: Quis enim Prophetarum tam syllabatim in uno & eodem vaticinio Salvatoris titulum exprimit, sicut in hac acrostichide expressum habemus? quanquam διηρημένως apud Prophetas αὐτολεξεῖ, ut infra demonstrabo, extare, negari non possit: Authenticam autem esse, probabile argumentum est, quòd Cicero ante natum Christum affirmavit, se carmina Sibyllæ vidisse, quæ literis initialibus certam reddant sententiam, quod genus carminis ἀκροσυχῆς appelletur (u)! sed, inquit Calovius; intelligi eam, quam commemorat Eusebius, non apparet (x): Contrà Jacobus Martini; Manifestum est, quum alia Sibyllæ carmina, quorum literæ capitales aliquid certi significant, non extant, Ciceronem hac ipsa legisse (y): cui sententiæ præ illa ferè astipulor, in qua me magna vigilantia confirmat, quâ Romani, imprimis Augustus antè, & Tiberius post Christum natum, quàm curatissimè caverunt, ne libri Sibyllini sine delectu reciperentur, & recepti promiscuè ab omnibus legerentur, ut Tacitus & Suetonius, scriptores gravissimi testantur: Suetonius quidem de Augusto; quod is post mortem Lepidi suscepto Pontificatu, super duo millia vaticiniorum librorum, græci & latini generis, de quorum autoribus non constiterat, cremaverit, ac solos Sibyllinos retinuerit, sed & hos quoque delectu habito, quos duobus forulis auratis sub Palatini Apollinis basi condiderit (z): Et Tacitus de Tiberio; exprobrasse eum Caninio Gallo, quòd de libro quodam Sibyllæ, inter ceteros ejus vatis recipiendo, incerto autore, ante sententiam collegij, non, ut assolebat, lecto per magistros, æstimatoque carmine apud infrequentem

Senatum egerit ; Admonitione insuper hac additâ ; quia multa vana sub nomine celebri vulgabantur, sanxisse Augustum, quem intra diem ad prætorem deferrentur, neque habere privatim liceret, quod à majoribus quoque decretum fuerit post exustum Sociali (dicere debuisset Civili) bello Capitolium, quasitis Samo, Ilio, Erythris, per Africam, ac Siciliam, Italicas quoque colonias carminibus Sibylla, datoque Sacerdotibus negotio, quantum humanâ ope potuissent, vera discernere igitur tunc quoque notioni quindecim virum eum librum fuisse subiectum (Aa). Eandem Sibyllinis libris, etiam à Christianis adhibitam vigilantiam, testatur Eusebius loc. cit. adversus eos, qui hanc ipsam Erythrææ acrostichidem authenticam esse negarunt, & pro supposititiâ habuerunt; veritatem, inquit, fuisse in propatulo, eò, quia nostræ religionis viri tempora diligenter & exactè collegerint, ut non potuerit conjecturâri, hæc carmina olim à Sibylla non esse prædicta : Imò fuisse etiam in confesso, Ciceronem hoc poemata legisse, illudque in latinam dialectum transtulisse, & intulisse suis Commentariis : ut hîc Christianis, illîc Ethnicis vigilantibus, vix locum habere potuisse videatur tam momentosi carminis denascituro & nato Christo suppositio : quanquam Sibyllinis libris nihil additum, suppositumve fuisse, non dixerim, ob argumenta nullatenus contemnenda, quæ à viris doctis in contrarium afferuntur, & ex ipsis Sibyllarum inter se commissis libris ipsis desumi possunt.

Quid ergò? inquitis, Auditores omnium ordinum honoratissimi, si hæc Sibyllarum carmina de nascituro olim Messîâ sunt revelata & authentica, annon etiam divina, æquiparanda prophetarum oraculis? & si hoc; añon consequenter canonica? maximè, quia Clemens Alexandrinus (Bb) Sibyllarum libros ab Apostolo Paulo Christianis, ut eos legerent, commendatos fuisse scribit; & Bellarminus (Cc) peculiarem classẽ argumentorum pro asserenda divinitate filii Dei contra Photinianos ex earum oraculis producit. Hîc verò os obstruere, & ne

Scripturæ sacræ, quæ citra controversiam *ῥιόνος* est, consequenter *Canonica*, ullum sub cælo scriptum, aut librum æquiparemus, æquiescere nos jubet non Plato, quem quidem lectorem, ut etiam in legibus scribendis, imitorem Mosis fuisse autores tradunt; multò minus Plutarchus, qui referente Peucero (*Dd*) de origine Oraculorum, ut cæcus de colore judicat, & vim eorum non *εἰς θεὸν, ἢ δαίμονας, ἢ ἥρωας*, hoc est, in Deum, aut demones, aut heroas, sed prorsus ad impetum quendam naturalem terræ incitata retulit; ut ostenderet, se tanquam ethnicum, neque angelum, neque spiritum (*Ee*) credidisse; sed ipsa diaboli tyrannica praxis, & horrenda in oculos incurrens obsessorum subactio, dum malignus spiritus, cum hujusmodi oracula ederentur, halitibus circumdatus in has vates & pythias involavit, easque partim furentium, partim ebriorum, partim trementium, partim ridiculè gestientium motibus exagitavit, nonnullis eorum corpus, ceu articulis tormento ligatis enervavit, ac palpitantium musculorum speciem induxit (*Ff*), ut furori fanatico *θεῖόν τε*, quod diabolicum erat, subesse videretur: quæ divinitatem inspirationis tam non arguunt, quàm Belial non arguit Christum, & tenebræ non arguunt lucem (*Gg*); quippe sibi è diametro oppositas, & nunquam in eadem domo cohabitantes, quantacunque vel tandem pietatis specie, dicerem debere, fugo malitiæ (*Hh*) *ὁ μὲν ἰοτεχνίτης* vera falsis, & divina humanis miscere fuerit visus, ut mundus, cui glaucomata hæc obijcit, dum charitatem veritatis, ut salvus fiat, non recipit, quasi in bivio stans nesciat, cui tandem plus fidei tribuendum sit; Deo, an diabolo?

Tum demum autem (*Ii*) immeditatè *θεῖόν τε* hæc Sibyllarum vaticinatio spirare posset argui, si sagacissimus dæmon eam pro profundissimâ suâ *ἀγνοίᾳ* ex jam antè sanctis DEI hominibus factâ revelatione propheticâ colligere, collectamque in pratum diabolicæ fraudis derivare, & ad regnum

ORACULIS SIBYLLARUM.

ri

regnum suum dilatandum convertere non potuisset: verbi gratiâ; (Kk) puerum, quem *hebraum* appellat, vocatum iri *Iesum*, toties ex Vetere Testamento concludere potuit, quoties prophetæ voces *יְשׁוּעָה* & *יֵשׁוּעַ* de futuro Messia terminanter usurpant; ut David in Psalmo: *Dic tu anima mea, יְשׁוּעָה יֵשׁוּעַ Iesus tuus ego sum* (Ll): Annon *Χριστός* ipsissimum nomen *יֵשׁוּעַ* est? Atqui quàm frequenter Prophetæ id ingeminant, ut nec Samaritanam ea latuerit, agentē; *Scio, quia Messias venit, qui dicitur Christus* (Mm): de quo David suam fiduciam tam certam esse prædicat, ut se nuncupet *Virum יְשׁוּעָה לְיָ אֱלֹהֵינוּ substantiatum super Messia Dei Iacob* (Nn): *filium Dei* fore, annon expressè litera iacet? *Filius meus es tu* (Oo): Et in promissione; *Ego ero ei in patrem, & ipse erit mihi in filium*; & quæ sunt id genus collationes horum vaticiniorum cum prophetis oraculis adhuc plures, quas brevitatis temporis glomerare non permittit: Et dæmonem, divinitatis simiam, hæc non intellexisse, & suppositâ revelatione prophetica his pythiis ad opinionem divinitatis ambiendam inspirare non potuisse putemus! ut taceam Sapienciam habitualiter non introire, nisi in animam castam, Deo, non dæmoni devotam: talem autem Sibyllarum, verbi gratia, *Erythrææ* fuisse animam, quomodo probabitur, quæ, ut alia argumenta in præsens transeant, *Apollinis Sacerdotem se profitetur* (Pp): *Si Apollinis, ergò dæmonis*; non Numinis, quia, ut Rex & Propheta pronunciat, *Gentium Dii sunt demonia* (Qq); ut intrepidè affirmare auserim, *eam, si hodie viveret, pro lamia habitum, & secundum Carolinam, imò Mosaicam constitutionem igni adjudicatum, atq; combustum iri*; quod severius, sed ratione solidâ nixum iudicium cum pace venerandæ antiquitatis latum velim; ut constet, quid obstet, quò minus vel *Cumæam*, vel *Erythræam*, ac Sibyllas reliquas pro vatibus à Deo inspiratis habeamus; utut Eusebius illam *divinâ inspiratione refertam* celebret, quam è vestigio intus in ipsis adytis importunâ superstitione

ne occupatam appellat (*Rr*): quæ certè dissociabilia sunt, & non cohærent.

Quæ ergò vel tandem est hujus fidei utilitas, si dæmoni non Numini tribuenda sunt vaticinia, quæ de Christo nascituro fuderunt *Cumæa* & *Erythræa*, Sibyllarum Biga celebratissima? Num diabolo de Deo credamus, qui fidem statim Deo in paradiso detraxit, cùm lapsus retia Protoplastis tenderet (*Ss*)? num ex ejus buccâ veritatem expectabimus, qui pater mendacii est, & in veritate non stetit (*Tt*)? qui ergò adhuc flosculi, aut fructus sunt, quos ex hætenus habito discursu colligamus, ne curiositati potius, quàm pietati *litteræ* velle videamur, sed ut ad ἀκμὴν ædificationis, maximè sub exitu, deveniat nostra oratio? Συλλήβδω, vel tandem ad quid profunt hætenus laudata Sibyllarum carmina, (*Vu*) Sibyllis ipsis culpatis, & pro instrumentis diaboli habitis?

Profunt primò maximè ad notandam, & declinandam calliditatem diaboli, qui ut plurimum nocet, quando prodesse se simulat; mentitur, quando vera loquitur; sicut se Deum esse fuit mentitus, cùm per has Sibyllas, suas amasias, Christum Dei filium assereret; omninò ut Apostolus ejus unguis hoc malitiæ schemate obtectos exprimit, appellando eum *Satanam* εἰς ἀγγελον φωτός μετασχηματίζόμενον, *in angelum lucis transformatum*, ne securi simus, aut nimium credamus color; & γὰρ αὐτὰ νοήματα ἀγνοῦμεν, dicente Apostolo (*Xx*); *nobis non incognita sunt ejus νοήματα*, quæ tanquam *monstra* perditionis alit (*Yy*).

Profuerunt *deinceps* imprimis καὶ ἄνθρωπον ad convertendos gentiles ad Ecclesiam, quibus alioquin prædicatio de Christo fabula fuit, & perhibente Apostolo *stultitia* (*Zz*), ut saltem diabolis, quorum prophetissas venerabantur, de Christo vaticinantibus, crederent, donec ad verum fontem Propheti-
corum oraculorum per sanctam vocationem, à tenebris εἰς τὸ φῶς αὐτὰς perducerentur, quâ de causâ in magno quo-
que

que pretio fuere Justino Martyri, Athenagoræ & Lactantio, patribus antiquissimis statim post Apostolorum tempora, refertque Justinus Apol. 2. instigantibus dæmonibus à Romanis leges fuisse, latas, quibus capitali supplicio fuerit additus, quisquis de populo libros Sibyllinos legeret.

Profunt porro, si non ad convertendos, saltem ad confundendos Epicureorum conceptus, quos sub introitu orationis tantum non peiores diabolis habuimus, qui ut plurimum in cordibus suis dicunt, *non esse Deum* (α); quos vel diaboli, qui DEUM per suas prophetissas confitentur, refutent, donec & ipsi cum diabolis in inferno justum, & βασιλεύοντες Deum sentiant, sed &, quod Jacobus ad diabolorum fidem addit, *Φρύσσωσι, stantibus quasi comis contremiscent.*

Profunt maximè, (β) ut Deo pro prophetico sermone, quem Apostolus ipsa in monte sancto auditâ patris voce, *hic est filius meus dilectus*, βεβαιώτερον deprædicat, eò impensius habeamus gratias, quo fucatiùs mundum à diabolo per has phæbades, & lymphatica earum oracula habitum fuisse observamus, quia ex hoc verbo jam scimus, *cui credimus, & certi sumus*, ὅτι δυνάστης ἐστὶ πᾶσι τοῖς ἐχθροῖς ἡμῶν φυλάττει εἰς ἐκείνους ἡμετέραν. Sicut enim diabolus ψεύστης ἐστὶ, καὶ πατὴρ αὐτῶν: ita Deus est Deus veritatis, ejusque verbum est *veritas*, in qua, intercedente pro nobis Christo, *sanctificamur.*

Et vel tandem profunt eo ipso, quia non amplius sunt, atque nato Christo *Puero*, quem appellavit dæmon, *hebraeo* obmutuerunt, templis eorum partim fulmine everfis, partim terræ tremore concussis, antrisque halantibus obstructis, & fontibus atque fluentis, quæ vim divinandi habere videbantur, exsiccatis, ac ne vestigiis quidem eorum amplius relictis (γ): in indubitatum argumentum, *Parvulum Iesum, qui natus est nobis, & filium, qui datus est nobis*, ad cujus nativitatem debito devotionis ardore celebrandam hoc ipso per-

vigilio corda nostra disponimus, esse ipsum filium Dei, qui apparuit, ut destrueret opera diaboli (δ), qui ἀπεκδυσάμενος τὰς δρχας, καὶ τὰς ἐξουσίας ἐδειγμάτισεν ἐν παρρησίᾳ, & λαμβεύσας αὐτὸς ἐν αὐτῷ: hoc est, expolians principatus & potestates traduxi palam, triumphans illos in seipso (ε); ut maiestatem novæ, cæloque demissæ, progeniei Apostolici styli maiestate exprimam, quod triumphatum spiritum ita ussit, ut indignationem coram ipso Augusto Cæsare dissimulare non potuerit, quando sciscitanti de successore in Imperio, respondit:

Παῖς ἑβραῖος κέλεται μὲ θεοῖς μακάρεσσιν ἀνάσσειν,
 Τὸν δὲ δόμον περιπεῖν, καὶ αἰδῶ αὐτῆς ἱκεδῶν,
 Λοιπὸν ἀπὸ σιγῶν ἐκ βωμῶν ἡμετερείων.

Hoc est:

*Puer hebraeus jubet me, qui beatis diis imperat,
 Domum relinquere, & in infernum reverti,
 Quod reliquum, abi hinc silens ab aris nostris.*

Nos, quod reliquum est, omnipotenti, opera diaboli omnipotenter destruenti P A R V U L O cum magnâ voce in cælo à Johanne (ζ) auditâ læti acclamamus: Nunc facta est salus, & virtus, & regnum Dei nostri, & potestas Christi ejus; quia projectus est accusator fratrum nostrorum, qui accusabat illos ante conspectum Dei nostri, die ac nocte: & ipsi vicerunt eum, propter sanguinem agni, & propter verbum testimonij sui, & non dilexerunt animas suas usque ad mortem. Propterea letamini cæli, & qui habitatis in eis! Tibi ergo scitissime, melitissime, sanctissime, ac de genere humano meritissime J E-
 S U L E, benedictio; & honor, & gloria, & potestas, in
 secula seculorum

Annotations variæ
In
PRÆCEDENTEM ORATIONEM,
De
SIBYLLARUM
ORACULIS.

N Ales (a. pag. 1.) nebulones, qui os contra majestates in cœlum ponunt, Petrus innuit, quando 2. Epist. cap. 2. v. 10. inquit: Καὶ κυριότητος κατὰ φρονεῖντας. Τολμιτὰ, αὐθάδεις, δόξας ἔχοντες, βλασφημῶντες; Qui gloriâ præcellentes non verentur convitiis incessere & contemnere, quos Scriptura Filios Belial appellat 1. Sam. 10. v. 27.

(b. pag. 1.) A R II hæresin imprimis Athanasius dedit perpexam, & utut dederit, sermo tamen ejus instar gangrænæ serpsit, ut, inquirente Hieronymo contra Luciferianos, *totus mundus ingemuerit, & Arianum se esse cognoverit.* Ejus blasphemiarum, ut passim apud Athanasium videre est, erant: *Patrem* (primam Personam Trinitatis) non semper fuisse Patrem; *solum esse ἀρρητον, solum non habere similem, non ὁμόδοξον; solum immortalem, ἀναρχον, æternum; ἀχρόνητον, Deumque, ubi opponatur filio, vocati; Ut omnium, ita proprii filij creatorem esse, qui filium fecerit principium; cujus alia, quàm filij, aut Spiritus Sancti sit substantia, Filio invisibilis, per quem res alia idè non sint creatæ, quia ipsius manum nequiverint ferre: Vicissim λόγον, sive filium esse Deum creatum, creaturam & facturam, πρῶτον τῶν omnium creaturarum, primum creatum ex nihilo, naturâ suâ mutabilem, etiam ad malum, si vellet; cui Pater, quia eum præviderit præstiturum integritate, gloriam dederit, Deum non verum, sed λόγον, ut alij sint λόγοι, quos Deus loquatur; creatum à Patre, cum is proposuisset nos creare, & tum à Patre λόγον, & Sapientiam nominatum, ut nos per eum crearet, quia meram Patris manum creatura ferre non potuerint, & quæ sunt id genus blasphemiarum βδελύγματα adhuc plura, quæ homo insensatus cruci-*
στα-

Etavit, donec justo Dei judicio, cum latrinam ingrederetur, ruptus viscera effudit, & ab Eusebianis complicibus sepultus fuit cum pudore &c. Hujus blasphemias superiori seculo per vulgò dictos Photinianos denuò in scenam reproduxit mendaciorum spiritus, quarum innovationem noster Hasenrefferus p. m. ultimum diaboli conatum adversus Evangelij resplendescentem faculam auguratus est; cui Theologorum nostrorum calamus hactenus sanctissimo zelo eo eventu sese opposuit, quem verba sapientium, tanquam stimuli & clavi in altum defixi in recessu habent, verba, inquam, quae per Magistrorum consilium data sunt à pastore nro, Eccl. 12. v. 11. 12.

*De errore Nestorii, etiamnum in Ecclesia
grassante.*

Tom. 2. miscell.
Ant. p. 1052.

(c. pag. 1.) Pauci Nestorii errorem rectè intelligunt. Sunt, qui putant, Nestorium apertâ professione duas in Christo naturas separasse, ac personam ejus divisisse: quod Nestorio tribui non potest, quippe qui ad tertium anathematismum Cyrilli, ut videre est Tom. 1. Concil. fol. 3035. ita respondit: *Si quis non secundum conjunctionem unum dixerit Christum, qui est etiam Emanuel, sed secundum naturam, ex utraque etiam subsistentiâ, tam Dei verbi, quam etiam ab eo hominis suscepti in unam filij connexionem, quam etiam nunc inconfusè servamus, minimè confiteatur, anathema sit.* In hoc autem luto utrumque crus impactum habuit, quod à Christi ex matre nativitate divinitatem planè exclusit, concedendo quidem, Virginem Mariam esse *Χειρόλογον*, hoc est, peperisse Christum; negando autem esse *Θεόλογον*, hoc est, etiam peperisse Deum; quia propria naturarum non possint communicari, etiamsi amba naturae in unam personam sint unitae; quae unio salva maneat, etiamsi propria naturarum mutuo non communicentur. Huic opinioni ducenti patres Concilii Ephesini se graviter opposuerunt, & firmiter statuerunt, quod *salvâ Vnionē personali in Christo communicatio idiomatum negari non possit*, & Nestorium, hanc communicationem negantem, consequenter damnarunt, quod *Vnitatem personae solveret, & Christum in duas Personas divideret*, ut ut in animo nihil minus, quam hujusmodi divisionem foverit, & sanctè contrà semper fuerit protestatus, se unum Christum, ex duabus naturis conjunctis & unitis religiosè statuere atque credere; Usus etiam vocabulo *Persona*, ut in-

nu-

Innueret ; *Persona*, tanquam termino, ad conservandam ejus unitatem, omnia adscribi debere, ita tamen, ut quæ sunt divina, tantum natura divina, & quæ sunt humana, tantum natura humana, sine ulla communione naturarum adscribantur : An, per amorem Christi? ovum ovo similis est, quàm similes sunt in hac quæstione Jesuitæ Nestorio? Annon unam per conjunctionem naturarum in Christo Personam his allegatis verbis tam confessus est Nestorius, quàm confitentur Jesuitæ? sed & communicatione priorum, verbi gratiâ, ἰδιωματισμός, ad quam etiam τὸ posse nasci pertinet, ab iisdem tam negatâ, quam negavit Nestorius : Quid enim est, ἰδιωματισμός, scribit Forerus in Manuali c. 2. pag. 199. quàm appropriatio? perinde igitur est, ac si dicas, per & propter appropriationem λόγος omnia, quæ carnis sunt, verè & realiter sibi appropriavit. Nugæ, subjungens, nugarum. Sed & sicut divisionem Personæ ex negatâ communicatione Idiomatum sequi negavit Nestorius, magnâ contentione asseverans, se in Christo etiam post incarnationem Personam conjunctione naturarum unam sanctè credere; ita Jesuitæ, cùm Nestorio communicationem Idiomatum negantes, hanc ipsam illationem inde consequi cum Nestorio pernegant, prætendentes; Personalem communicationem immediatè solum esse communicationem Personæ, non naturæ, aut proprietatum naturalium.

Aridæ, quæ Forerus cap. cit. p. 203. quærit, ficus folia sponte sua de arbore doctrinæ Jesuiticæ decidunt: *Isthæc*, inquit, nostra Catholica & orthodoxa doctrina tantum abest à Nestorianismo, ut ei è diametro opponatur. Nam I. inquit; nos docemus Christum non purè hominem, sed divinâ hypostasi subsistentem, è virgine natum, & mortuum; secus docuit Nestorius. Quomodo secus? ubi nam secus? Annon Mariam γενετήριαν esse, hoc est, Christum, adeoque hominem personaliter cum Deo conjunctum, ac divinâ hypostasi subsistentem, è virgine natum & mortuum docuit? II. inquit: Docemus: verâ substantiali unionem unitam esse humanitatem personæ: id negavit Nestorius; ratus filium Dei unitum esse homini non substantialiter, sed accidentaliter, per inhabitationem & dilectionis affectum. Respond. Confessus est Nestorius, & statuit, Christum conjunctione unum; Christum, inquam, qui est Emanuel secundum naturam, ex utraque etiam substantia, tam Dei verbi, quam etiam ab eo hominis suscepti, in unâ filij connexionem: Si igitur naturarum in Christo conjunctio ex sensu Nestorii tantum accidentaliter est, ut Forerus non procul à vero arguit, mul-

tò magis talis erit ex sensu vel hypothese Jesuitarum, quippe qui vel substantiam assumptæ carnis tantum per sustentationem explicant, quando propositionem personalem, *Homo est Deus*, exponunt: *Filius Dei, sustentans humanam naturam, est Deus*: Disput. 4. Gerlachii de Persona Christi Salvatoris, contra Busæum thes. 158. pag. 281. 282. III. Inquit: Nos, quando dicimus, Christum, ut Subjectum Quod, esse natum & passum, includimus, hypostasim increatam; Nestorius inclusit solum creatam, & verè humanam. Resp. Forerus, inquiendo, Christus, ut Subjectum Quod, est natus, passus, increatæ personæ Filii Dei hæc humanæ naturæ propria realiter tribuit, aut non tribuit. Si tribuit, habemus, quod volumus, nempe realem Communicationem idiomatum à naturâ ad naturam, quia hypostasis increata Filii Dei à naturâ Filii Dei characterisatâ nec essentialiter, nec realiter, nec formaliter differt, ut id, quod increatæ hypostasi realiter est appropriatum, non possit non realiter appropriatum intelligi etiam ejus naturæ; quæ consequentia procedit etiam in ὁμοούσιος, hoc est, in communicatione priorum assumentis naturæ Divinæ, respectu assumptæ naturæ humanæ, ex hoc fundamento; quia hæc hypostasis tam increatum, immensum, & independens quid est, quam sunt reliqua attributa absoluta divina. Si ergò id increatum, immensum, independens esse Personæ Verbi non obstat, quo minus ipsa fuerit communicata assumptæ naturæ humanæ, quod Forerus cum suæ Societatis contribulibus admittit & fatetur; nulla utique ratio dari potest, cur hoc ipsum increatum, immensum, & independens absolutorum Idiomatum obstitit, quò minus etiam ipsa assumptæ naturæ humanæ communicari potuerint. Ubi frustrâ est Forerus, quando & Ratione & Instantiâ hanc consequentiam à Personâ ad Naturam in Manuali p. 202. infringere allaborat. Ratione quidem; Quia personalis Communicatio sit immediatè solum communicatio Personæ, non naturæ, aut proprietatum naturalium: Hinc fieri, ut si quæ attributa divina & humana recipiuntur, recipiuntur immediatè tantum de Personâ, non de naturâ, & prædicentur tantum in Concreto, non Abstracto. Frustrâ, inquam, est hæc Foreri exceptio, quæ est latens sub vocabuli Personæ æquivocatio, ac si per hypostasim seu Personam à naturis in Christo unitis Tertium quiddam distinctum, aut Personalitas aliqua Metaphysica intelligenda esset; quæ ex seipso purè philosophica est, hujus mysterii profunditatem ne quidem lam-

lambens, nedum tangens, in quo Persona & Natura Verbi differentiam realem purè respuunt, & in hoc mysterio pari passu ambulare arguuntur: Ut taceamus, prædicationem personalem etiam in Abstracto, ob communicationis naturam absolutè non rejiciendam esse, non solum ob simplicissimam Verbi, *quod caro factum est*, naturam, in qua Deus & Divinitas simplicissimè sunt *τὸ αὐτὸ*, sed & ob assumptæ humanæ naturæ veritatem, quæ etiam abstractivo *humanitatis* vocabulo, non equidem præcisione abstractionis per intellectum metaphysicè, sed per communicatam hypostasin in Christo *existens* exprimitur, & prædicationis naturam in concreto induit: à quâ tamen prædicatione, ne Eutychetis errori, cujus *Iesuitæ & Reformati*, sed falsò, nos accusant, favere videamur, abstinemus, quia tam loquendum est, ut multi, quàm sapiendum, ut pauci; Et sic Ratio Foreri cadit, quia verâ ratione est destituta. *Instantia*, quâ consequentiam à communicatione Personæ ad communicationem ad Naturam, infringere laborat, speciem habet, sed non fundamentum. Si, inquit, propter Personam communicatam, aut appropriatam utrumque prædicatum utrique naturæ rectè tribuitur, licet natura ipsa immediate inter se non uniantur, cur non etiam liceat ratiocinari? Pater communicat Verbo naturam divinam; Ergo Pater est Filius, & Filius est Pater: item, Pater generatur, & Filius generat; quia Paternitas & Filiatio eandem naturam communicant, etsi Paternitas & Filiatio inter se distinguuntur. Resp. 1. Falsâ nititur hoc argumentum hypothese, quâ supponitur, *naturas ipsas immediate inter se non uniri*. Imò naturas immediate uniri in personâ, tanquam in termino, analogia hujus mysterii evincit; quia *persona*, propriè loquendo, *non est uniri*, sed assumere; Personam enim assumplisse naturam rectè dicimus, Personam autem naturæ uniri aut unitam minus rectè & commodè, quia Unio Personalis non dicitur *unio Persona & Natura*, sed *unio duarum naturarum in Persona*, tanquam in unionis termino. 2. Manifesta committitur Fallacia *τὸ ἐπὶ μέρους* quia argumentum à naturâ ad arguendam certam Personam in divinis non stringit, sicut stringit à persona ad arguendam naturam; Ut ut enim in argumenti regressu identitas personæ & naturæ eadem sit attamen à naturâ, ut in Foreri argumento fit, statim ad determinatam vel Patris, vel Filii, vel Spiritus Sancti Personam non valet, ut validum est à Personâ ad arguendam naturam ejusq; proprietates & idioma; quia Natura in Divinitate tribus Personis est communis, quam econ-

tra Personæ suis Characteribus determinant, & determinatam ad singularitatem divinæ subsistentiæ restringunt, ut in Trinitate quidem sit *ἄλλος καὶ ἄλλος*, alius atque alius, non *ἄλλο καὶ ἄλλο* aliud atque aliud, quod ad allatam instantiam Foreri enervandam sufficit. Si autem Forerus, inquiendo, *Christus, ut Subjectum Quod, est natus & passus*, increatae Personæ Filii Dei hæc humanæ naturæ propria realiter non tribuit, intus & in cute Nestorianus est, ipsi Nestorio injuriam inferens, ac si is prædicando de Christo, ut *subj. cto Quod, quod sit natus, passus*, solum creatam & verè humanam hypostasin inclusisset: Affingit hoc Forerus Nestorio: cui duæ hypostases in Christo, creata & increata, nunquam in mentem venerunt, utut Patres Concilii ex ejus hypothese de negatâ Communicatione Idiomatum hanc personarum dualitatem, per legitimam consequentiam, concluderint; cujus expressa verbain Aët. Conc. Ephes. tom. I. cap. XIII. fol. 952. ita habent, *quod nomina Iesus Christus, Unigenitus humana divinæque natura ex a quo convenient, & quod etiam Apostolus τὸ Christus nomen utriusque naturæ commune ponat, quo idem Christus patibilis simul, & impatibilis citra fidei discrimen concipi queat; illud quidem secundum humanam naturam, hoc verò secundum divinam; non secus, ac Jesuitæ faciunt, qui dicendo, Christus, quia Deus, non est Mediator (hoc est, pro nobis non est passus & mortuus) non excludunt divinæ naturæ conjunctionem & præsentiam, sed solum physicam influentiam specialem illius per modum proprii principij activi Quo, ut Foreti verbain Manuali p. 211. expressè habent; quod utique examussum Nestorianum est, quia Nestorius à nativitate, passione & morte Christi divinæ naturæ conjunctionem & præsentiam non exclusit, sed tantum illius physicam influentiam per negatam communicationem idiomatum, ut hæretica (ex asse Iesuitica) ipsius verba loco citato Concilii Ephes. tom. I. C. XVIII. fol. 953. habent: *Vbicunq; igitur, inquentis, divinæ Scripturæ dominicæ dispensationis mentionem faciunt, cum incarnationem, tum ipsam quoque mortem & passionem non divinæ, sed humanæ Christi naturæ semper tribuunt. Quapropter si rem diligentius consideremus, sacra virgo non Deipara (Θεοτόκος) sed Christipara (Χριστοτόκος) appellanda erit: Tantum abest, ut Forerus hoc pacto Nestorianismum à se amoliatur, ut potius instar foricis, se Nestorianum esse prodat.**

Sed quia etiam *Reformatos* cum *Nestorio* æquè, ac *Rafos*, puta, *Iesuitas*, quoad hoc ἀκρόμα in eadem domo habitare diximus, operæ pretium est, etiam horum ficulnea folia expendere, quibus hanc maculam tegere laborant. Audiamus *Maresium*, qui novissimè in suæ *Sylloges Disputationum selectarum* parte secunda, disput. I. ex professo contra Anonymum quendam Nestorii defensorem tria capita tractanda suscepit, quorum duo posteriora sunt; 1. *Nestorium ab hæresi liberari non posse*; & 2. *Mariam Virginem Θεοτόκην appellari debere contra Nestorium*: Primum, quod concernit, refutare laborat *Maresius* hunc Anonymum, qui scripsit; *Distinxisse quidem naturas in Christo, sed non separasse Nestorium, & Christum verum, unumque Dei filium duabus naturis, divinâ & humanâ, in unam personam convenientibus, agnovisse*: sed & quod secundum punctum de virgine Maria attinet, eundem rectè negasse, eam Θεοτόκην, hoc est, *Deiparam dicendam esse*. Prius *Maresius* intrepidè negat, asserens contrà, omninò *Nestorium* Dominum nostrum Iesum in duos divisisse filios, & alium esse dixisse Deum ex Deo Patre: alium, qui ex sancta semper virgine natus: adductâ authoritate *Vincentij Lirinensis*, qui *Nestorio* fuerit coævus, & *Communit. I. c. 17.* scribit: *Nestorius contrario Apollinaris laboravit morbo, dum sese duas in Christo substantias distinguere simulat, duas introducit repentè personas, & inaudito scelere duos vult esse filios Dei, duos Christos, unum Deum, alterum hominem, unum, qui ex patre, alterum, qui sit generatus ex matre. Atque ideò asserit, sanctam Mariam non Θεοτόκην, sed Χριστοτόκην esse dicendam, &c. quia scilicet ex ea non ille Christus, qui Deus, sed ille, qui erat homo, natus sit &c.* Addit insuper *Maresius*; *Nestorium non alio sensu ἐν ὧσιν πρὸς ὁμοιωσιν in Christo admisisse, quàm quomodo due persone distinctæ, v. g. vir & uxor, in unumquid coalescere possint, ut Christum ex virgine natum non tam Deum, quàm Θεοφύρον Θεανθρώπων statuerit, uti ex Ephes. Can. anath. 5. liqueat; nec aliam ἐν ὧσιν naturarum admisserit, uti videre sit Can. sive anath. 4. Concilij quinti, quàm κατὰ τὴν ὁμοιωσιν ἢ ἐνέργειαν &c.* Resp. Verisimile est, *Maresium* Consilio Ephes. non inspecto hæc scripsisse; nec enim gry de viri & uxoris conjunctione in allegato anathemate habetur. Neq; 2. *Nestorius* suo sensu naturas in Christo separavit, sed ut *Maresii* Anonymus rectè ait, distinxit, Christumque duabus naturis, divinâ & humanâ in unam personam convenientibus, quemadmodum suprâ ejus confessio fuit producta, agnovit, planè

ut agnoscit *Maresius*, 3. Communicationem idiomatum Nestorius negavit, planè ut negat *Maresius*. 4. Hoc tamen non obstante, unitatem personæ asseruit, concedendo, Mariam Θεοτόκον esse, Christum peperisse, planè ut concedit *Maresius*. 5. Christum Θεοφύπον esse & ἐνωσιν καὶ ἀπαρξιν ἢ ἐνέργειαν Nestorius statuit, planè ut statuit *Maresius*, thesi XXXVI. Anonymo adversario respondens, *humanitatem Christi tantum adjunctum personæ sustentantis esse*; quod adhuc levius est, quam Nestoriana duarum naturarum in unam personam, licet citra priorum communicationem, conjunctio. 6. In eo, ut dicamus, quod res est, *Maresius* Nestorio adhuc iniquior, quia Nestorius negatâ communicatione idiomatum consequenter rectè negavit, Beatam Virginem Θεοτόκον, Deiparam esse, ipse v. Deiparam esse, magno, ut videri vult, Zelo, propugnat, utut Nestorianæ communicationis Idiomatum negationi, tanquam polypus saxo, inhaereat, Anonymumque adversarium, Θεοτόκον cum Nestorio negantem, magnâ opum vi refutare præsumat. Qui enim Deipara esse potuit Beata Virgo, si divinæ Christi naturæ per unionem personalem humanæ naturæ proprietates (inter quas etiam τὸ potuisse ex Maria Virgine nasci referendum est) non sunt appropriatæ? sicut *Maresius* cum suis Reformatis contrâ syncrètè Evangelicos appropriatas esse mordicè negat, quos ob assertam hanc appropriationem *Eutychianismi* accusat, & tamen per syncrètismum in communionem eorum Ecclesiæ recipi desiderat: num in communionem ejus Ecclesiæ, quam damnatâ *Eutychetis* hæresi contaminatam esse diffamat? Tantum abest, ut Reformati à Nestorii errore sint immunes. Quod ad duas personas attinet, quas Nestorium introduxisse Antiquitas constanter testatur, & quidem *Vincentius Lyrinensis* disertum; sciendum est, *Maresium* studiosè confundere Nestorii hypothese de conjunctione duarum Naturarum in Christo in unam personam citra communicationem idiomatum, unde B. Virginem Θεοτόκον, Deiparam esse negavit, cum consequentiâ, quam Patres Concilii Ephesini de divisione personæ Christi in duas personas legitimè ex Nestorii sententiâ intulerunt, quam consequentiam tamen Nestorius nunquam admisit, Ἀπαρξίν negando, quòd Christus in duas personas dispescatur, etiamsi communicatio idiomatum negetur, & divinæ naturæ tantum divina, ac humanæ naturæ tantum humana propria adscribantur, planè ut *Maresius* unitatem personæ in Christo confitetur, inquirendo, ejus *humanitatem personæ sustentantis adjunctum esse*; contra

erâ verò negando, quòd ex negatâ communicatione Idiomatum duæ personæ sequantur; quod si Nestorianum non est, quid vel tandem erit? Et quidem tantum de errore Nestorii etiamnum in Ecclesia grassante.

(d. pag. 1.) Tàm execrabiles sunt Judæorum blasphemiæ, quibus Christum, qui *Sanctus Sanctorum* est, proscindunt, ut sola eorum recitatio culpâ non carere videatur, etiam in Matrem ipsius, Virginem semper gratiosam, Maledictionum telis vibratis, quam *Hariam*, hoc est, *sterquilinum*, Christum verò *Mamsar*, hoc est, *spurium*; *Talui & Thola* hoc est, *suspensum* appellant, ad cuius nomen, si soli sunt, ter in terram expuunt, dicentes *immach Shmo*, hoc est, *deleatur nomen ejus*: Traditione insuper ex diabolicâ malitiâ excogitatâ, Christum quotannis hac ipsâ, quâ festum natalitiorum celebramus, nocte omnes cloacas perreptare cogi, ut domesticis suis terrorem incutiant, ne istâ nocte e cubiculis suis audeant prodire &c. *Fiat habitatio eorum deserta, & in tabernaculis eorum non sit, qui habitet* &c. Psal. 69. v. 26.

(e. pag. 1.) Autorem hujus de Tribus Impostoribus libri equidem summe detestatur *Thomas Broune*, quem in suo libello, cui titulum fecit; *Religio Medici*, sect. XIX. his diris devovet: *Monstrum illud hominis, Diis inferis à secretis scelus, Mosarj illius tractatus de Tribus Impostoribus author quantumvis ab omni religione alienus, adeo ut nec Iudæus, Turca, nec Christianus fuerit*; utrum autem consequenter judicium suum de eo ferat, quando subjungit; *planè tamen atheus non erat*, videre non possum: qui enim ab omni religione alienus est, quomodo atheus non est? siquidem solius religionis est, *Deum esse* affirmare; hac ergò negatâ, negatur omnis de Deo confessio; & hac negatâ, quid præter Atheismum remanet? qui tum demum directè Atheistarum mentes occupat; *cum quasi omnem cognitionem, sensum atque fidem Numinis in corde suo, quantum in se est, extinxit*; ut *Spizelius* in *Scrutin. Atheismi* pag. II. cum ab effectu describit. Porro, quod ad Scholiasten *Thoma Broune*, nempe *Levinum Nicolaum Molkeum* attinet, qui annotationes in ejus libellum satis eruditae scripsit, auguratur ille, authorem hujus pestilentissimi libri fuisse *Bernhardum Ochinum*, qui fuit Italus, librumq; itidem pestilentem de Polygamia scripsit, quem Beza refutavit; cujus etiam Campanella *Poggius Florentinus*, in *Atheismo triumphato* suspectum reddit; *Mersennus* a. Comm. in *Genesin* ex singulari cujusdam amici, qui librum illum legit,

& stylum cognovit, indicio *Aretinum* esse refert; quem utut *Paulus Jovius* in *Elog. Doct. Viror.* fol. 19. Græcarum literarum decus celebret, & de literis meritissimum, tamen Atheum & Atheismi Doctorem fuisse, Itali ipsi, quorum pullus erat, tacere non potuerunt. Non absimilis procul dubio, foetus est liber, quem de *Nullitate Religionis Christianæ* Bodini cerebrum, obstricante Diabolo, parturisse ajunt: hos talesque libros cum authoribus infernali busto, nedum ultricibus nostri foci flammis adjudicandos esse, nemo, cui Christus cordi est, negabit; quam sortem expertus est *Julius Caesar Vaninus*, cujus etiam *Molkius* in *Annot. Relig. Medici*, l. c. & *Spizelius* in alleg. *Scrutin Atheismi* pag. 19. mentionem faciunt, itidem Italus, patria Neapolitanus, infamis Atheorum aquila, qui, ut *Mersennus*, l. c. scribit, cum Tolosæ ob impietatem vivus combureretur, fassus est, tredecim Neapoli fuisse emissos, qui per omnem Europam *Atheismum* spargerent, sibi autem Lutetiam contigisse, ubi spartam suam egregiâ impietate exornaverat; & quidem satis callidè, disputationibus primum adversus Atheos virus suum tegendo, viâ autem hoc pacto ad illud spargendum stratâ, atque autoritate, in suo *Amphitheatro Æternæ Providentiæ Divino Magico* sibi conciliatâ, in quo Providentiam Divinam adversus veteres Philosophos, Atheos, Epicureos ita defendit, ut potius eam prostituerit, & prostituendo infirmiores in præsentissimum dubitationis salum conjecerit; donec ut anguis in herba cognitus, & nullo poenitentiae signo dato horrendum supplicium vivicomburio exolvit, supplicium, inquam, quod ἐμεινεία decollationis aut suffocationis per laqueum antecessæ fuisset moderandum.

(f. pag. 3.) De etymo vocis *Sibyllæ* autores passim tradunt, imprimis *Onuphrius* lib. de Sibyllis, *Peucerus* in Commentario de præcip. divinat. generibus, *Erasmus Schmid* in Sibyllinis Orationibus, statim Orat. I. *Jacobus Martini* in Exercit. Metaph. lib. 2. Exercit. pag. 726. & seqq. *Boissardus* in Opere Posth. de divinat. & Magic. præstigiis fol. 5. Ut & de numero Sibyllarum locis cit. de quo Autores valdè discrepant. Sunt, qui vocem *Sibyllæ* ante tempora Tarquinii, cui *Cumæa* sua carmina vendidit, ignotam fuisse putant.

(g. pag. 3.) Petulantiae, non ignorantiae est, negaro, *unquam Sibyllas fuisse*; Nubes testium præ oculis est, eas & fuisse, & furore percitas oracula fudisse, *Plato, Aristoteles, Diodorus, Strabo, Plu-*

*Plutarchus, Ælianus, Pausanias, Scholiastes Aristophanis, Hermias Philo-
sophus, Cedrenus, Suidas, Procopius, Agathias, Iamblichus, Virgilius,
Livius, Ovidius, Tacitus, Plinius, Solinus, Arnobius, Lactantius, ex Var-
rone; Ambrosius, Hieronymus, Augustinus, Amm. Marcellinus, Martia-
nus, Cappella, Donatus, Servius in Virgilium, Isidorus, & recentiores
Theologi ex his, inprimis ex Lactantio, Sibyllas & fuisse, & oracula fu-
disse, & sua antra occupasse, & alia plura, calamo, utut quoad circum-
stantias differente, quoad rem tamen unanimi, asseverant & testantur;
sed quod ad authenticam oraculorum, quæ illæ fuderunt, & quemad-
modum in octo libris digesta adhuc extant, attinet, quæstio gravior
est, de quâ de hinc in genere; quod autem Cumæ & Erythræe speciatim
de Christo edita, & à nobis in habitâ Oratione producta oracula concer-
nit, deinceps de iis agemus.*

*(b. pag. 3.) Confer Historicæ nostras Institutiones lib. i. cap. XIII.
Ubi Canon. num. VI. hic traditur. In historiæ lectione dispari-
tas Circumstantiarum unius & ejusdem historia à diversis descripta lecto-
rem non terreat, ut historiæ talem protinus fabulam esse suspiceretur. De-
claratur simul inibi hic Canon ratione & exemplis.*

*(i. pag. 4.) vid. Peucerum de præcipuis divinationum generibus, im-
primis de Θεομαντεία pag. 119.*

*(k. pag. 5.) Quæstio generalis præmissa: An Sibyllina Ora-
cula, sicut octo libris comprehensa hodie extant, sint
authenticæ, & non potius, in iis præsertim, quæ Christi
nativitatem, miracula, passionem & mortem concer-
nunt, pro supposititiis sint habenda?*

*Sunt, qui authenticæ esse affirmant: sunt vicissim, qui contrarium sta-
tuunt, & supposititia esse dicunt; Utrunque viri magni. Qui authenti-
cæ esse dimicant, sunt, sicut ex Oratione habitâ l. c. constat, ipse Eu-
sebius, fidus antiquitatis perillustre: quem sequutus est Baronius in An-
nalibus; Bellarminus, qui, ut meminimus, hæc oracula Photinia-
nis, divinitatem Christi negantibus, opponit, item Jacobus Martini
in Exerc. Metaph. Erasmus Schmidius in Sibyllinis Orat. tertiâ, Notis
in Nov. Test. annexâ; Boissardus in Tractatu posthumo; D. Gerhardus
in Tomis; D. Franzius de interpr. Scripturæ; alii. Audiamus ergo, quæ
singulorum sit sententia.*

Eusebii sententiam quod concernit, subjecitis quatuor libris de vita *Constantini Orationem* sub nomine *Constantini*, τῷ τῶν ἀγίων συλλόγω in scriptam, cujus pars de divinitate Christi etiam extraneorum testimoniiis astruendâ absolvitur, in quibus etiam illa ἀκροστιχίς affertur, cujus initiales literæ Salvatoris nomen & crucem exprimunt; quam etiam nos in hac Oratione, ut deinceps audiemus, pro authentica habuimus. Hanc acrostichidem postquam *Eusebius* recitavit, adeo eam pro authentica habuit, ut subdiderit: *Et hac virgo perspicue vaticinari potuit. Hanc ego quidem beatam judico, quam Servator providentiæ suæ erga nos vatem elegit.* Etiam refutatis, qui eam pro supposititia habuerunt, quando pergit: *Verum multi sunt, qui hanc ista vaticinatam esse non credunt, quamvis Sibyllam Erythraam vatem fuisse confiteantur, sed suspicantur, aliquem nostræ religionis, poetica Musa non expertem, hæc condidisse carmina: νοῦνεοδὸς τε αὐτῇ, hoc est, esseque illa adulterina, cum utiles sententias habeant, multam voluptatum licentiam amputantes, & ad temperatam, & honestam vitæ conversationem ducentes.* Est autem, pergit, veritas in propatulo, eo quod nostræ religionis viri tempora diligenter & exacte collegerunt, non posse conjecturari, quod poema hoc à quopiam sit post Christi factum descensum & judicium. Est enim in confesso, *Ciceronem* hoc perlegisse, illudque in Romanam dialectum transtulisse, & commentariis suis inseruisse; denique hunc imperante *Antonio* interemptum &c. Longum esset referre, quæ de quartâ Eclogâ *Virgilii* ex *Sibyllæ Cumanæ* carmine desumptâ, in hanc sententiam idem commentatur, ex quibus præsumptio, quæ suppar est demonstrationi, hæc sumi tur; Si ex mente *Eusebii* hæc de Christo acrostichis authentica est, & pro adulterina non habenda, omnino etiam *Sibyllarum* carmina, quæ tum temporis circumferebantur, & adhuc extant, reliqua pro authenticis esse habenda, nec rejicienda inter supposititia.

Quæ *Baronii*, ejusque *Epitomatoris Spondani*, & *Bellarmini* de horum carminum ἀνθετίκῃ sit sententia, brevitatis causâ tantum ex *Spondani* verbis colligamus, quæ A. Chr. 19. num. 11. hæc sunt: Anno verò Domini decimo nono, quo creati sunt Coss. (*Cælius Rufus* & *L. Pomponius Flaccus*) cum vana quadam oracula, tanquam *Sibyllina*, de Urbis interitu, anno nongentesimo ab ejus origine obventuro ferrentur, idem *Taberius Imperator* tanquam falsa redarguit, eaque occasione omnes fatidicos libros inspiciens, legitimos ab spuris selegit. Quod etiam olim

V A R I Æ.

27

olim ante Christi adventum jussu Augusti de iisdem Carminibus Sibyllinis, toto orbe conquisitis, factitatum auctores (Tacit. l. 5. Suet. in Octav. c. 31. Dio lib. 34.) testantur. Nec est dubium, quin ista magnâ providentiâ contigerint, ut qua adversus Gentiles Christiani ex iisdem libris de adventu Christi citarent, nullâ imposturæ suspitione accusari jure possint. Quid pro authenticâ horum carminum dici potest disertius? Bellarmini fiducia, in authenticam horum Carminum posita, ex eo colligenda est, quòd l. 1. de Christo c. 2. peculiarem classem argumentorum pro asserenda Deitate Filii Dei contra Photinianos ex illis produxit; asserens, Sibyllas multa clariùs prædixisse, quàm ullus Prophetarum prædixerit; simulque provocans ad Clementis testimonium, quod Paulus gentiles sit hortatus ad carmina Sibyllarum legenda. Ex quo consequens est, eum, si quoad claritatem non certiozem, saltem quoad certitudinem non minorem authenticam his oraculis tribuere, quam Scripturæ tribuit; secus quâ Deitatem Christi contra Photinianorum blasphemias ex iis probare conatus fuisset?

Hanc ipsam sententiam fovit etiam, ut paulò suprâ dictum, Erasmus Schmidius in Oratione tertiâ, Notis ejus & animadversionibus Novi Testamenti annexâ, ubi post sollicitam remotionem à statu quæstionis eorum librorum, qui annis 81. ante Christum natum cum Capitolio exusti fuerunt, & in quæstionem amplius venire non possunt, tandem de illis octo libris, qui tempore Augusti paulò ante Christum natum passim ex toto mundo comportati, & censuræ XV virorum Romæ subiecti fuerunt, fol. 1506. scripsit: Ego verò pro genuinis Sibyllinis carminibus eos acceptare non dubitem; cum operoso conatu solutionis argumentorum, quæ contra eorum *αὐθεντία* à præstantissimis viris afferuntur, inquam solutionem, qualis nam sit, deinceps inquiremus.

Nec de hac ipsa authenticâ dubitat Jacobus Martini in Exercit. Metaph. l. 2. p. qui acrostichidem, quæ ab Eusebio Erythrææ adscribitur, pro ea habet, quam Cicero l. 2. divin. sibi lectam testatur; nec Wolfgangus Franzius, qui Eusebio calculum in Tractatu de Interpret. Script. pag. 203. & seqq. imprimis de acrostichide liberaliter adjicit; nec Gerhardus, cui ideò horum Carminum autoritas suppositionis suspecta esse non potuit, quia in dedicatione Harmonia Evangelicæ de passione & crucifixione Christi præfixâ, ea, quæ de Christo apertissimè loquuntur, intrepidè, ac si eorum *αὐθεντία* omni scrupulo careret, al-

legat; nec, ut alios multos præteream, *Ianus Iacobus Boissardus Vossianus*, qui in *Tractatus posthumi de divinatione & magicis prestigiis* epistolâ dedicatoriâ ipsum *Spiritum Sanctum* nonnunquam per Sibyllas locutum fuisse autumat, ut nomen *Iesu Christi*, tempus item ejus adventus, locum nativitatis, vitam, miracula &c. apertissimè exprimerent; addito: *Non esse, quod harum scriptis quidam fidem derogent; allegatis simul verbis Eusebii, quibus suppositionis scrupulum in agnoscendâ æternâ lectorum animis eximere allaborat.*

Econtra qui hæc carmina authentica esse negant, & pro supposititiis habent, sunt gravissimi viri, quibus cerebrum non in calcaneo est, viri in antiquitatis nemore versatissimi, rationibus ducti gravissimis, quæ omninò dignæ sunt, quibus animus advertatur.

Hos inter meritò primo loco numerandus est *D. Iohannes Opsopans*, qui Sibyllina Oracula, quæ octo libris impressa extant, ex vett. codd. aucta, renovata, & notis illustrata anno 1607. magnâ diligentia Parisiis edidit, & in præfatione ad Lectorem eorum authenticæ ea argumenta opponit, quæ solertissimis ingeniis negotium facessunt, nec dum à quoquam solidè soluta extant; exempli gratiâ: *Testari Patres, Iustinum Martyrem, Tatianum, Clementem, Alexandrinum, Eusebium, ac ceteros Scriptores Ecclesiasticos, nullam Sibyllam Mose priorem fuisse; Et tamen Sibyllam nostram lib. 3. de Mose vaticinari, diluvium prædicere, ac profiteri, se cum suo marito, socero ac socru, cum leviribus & glossibus in diluvio jactatam fuisse; quod atque insolens sit; & vaticinium tanquam postres gestas prolatum vanum reddat.* Porro quod plurima ex his libris oracula post Christum natum sint conscripta, tria argumenta affert. 1. *Quia libro V. Sibylla asserat, se alterum incendium adis Vestalis vidisse; quod teste Eusebio in Chronicis sub Imperatore Commodò contigerit, quo cum Vestæ adibus etiam Palatium & plurima urbis pars solo sint equata.* 2. *Quia non statim tempore Apostolorum, sed primum circa Antonini & Commodi Impp. tempora, adeoque circa annum Christi 160. hæc Sibyllarum Carmina antea, quantum sciarur, Christianis ignota, in vulgus effervi, & à scriptoribus ejus ætatis citari cœperint.* 3. *Quia opiniones, post Christum natum demum à Christianis excogitatae, his libris expresse inserta depræbendantur: videlicet impios post aliqua secula ex æterno supplicio liberatum iri, quod oraculum lib. 2. horum carminum habeatur; quæ fuerit Origenis*

genis sententia, ut August. l. 21. de C. D. c. 17. habet. Item, Neronem subtra-
 ctum suo tempore revelatum iri, Anti-Christum fore; (quod in his Car-
 minibus passim inculcetur, ubi de Nerone fit mentio) qua nonnullorum,
 ut iterum August. l. 24. 20. de C. D. 29. scribat, fuerit ex 2. Thessal. 2. de
 tum temporis jam operante Mystero Iniquitatis capta opinio. Quis non
 arguat, hæc carmina à quodam Christiano his opinionibus infecto,
 qui, ut infra dicetur, Montanus fuisse præsumitur, esse facta atque pacta?
 Pergit Opsopæus: Sibylla carmina, ut referat Iustinus, esse inconcinna,
 obscura, mutila, ne quidem ab ipsa intellecta, quia cum furore effusa; hos
 autem octo libros Sibyllinos fere perpetuum ordinem servare, librum pri-
 mum, de creatione, de ætatibus, de Noe, de diluvio, fere ut Genesin; Tertium
 de Saturno & Titanibus, de Mose, de lege, de captivitate Babylonicâ; quar-
 tum de quatuor Monarchiis; Quintum quindecim Imperatorum historias
 continere; Ergo oracula non esse &c. Sed nec dictionem ipsam, sive phrases
 horum carminum Oracula à Sibyllis edita spirare Opsopæus demon-
 strare pergit; recitans catalogum vocum, quæ partim insolentes sint,
 partim nova, partim è sacris literis desumpta, partim ineptis etymologiis
 effusa, quas longum esset hîc exscribere; nedum ut Homericam majestatem
 iis insit, quam Diodorus illis inesse scripserit, testans, ipsum Homerum plu-
 rimos versus ex Sibylla oraculis in sua opera transtulisse; cum econtra
 in his Sibyllinis libris, qui hodie extant, vix sex vel septem hemistichia
 Homericis similia reperiantur: Summatim; carmina esse ut plurimum
 sibi dissimilia, dura, coacta, ex Scriptura, Orphæo, Hesiodo, oraculis Apol-
 linis, Phocylidis, & cæteris gnomiis poetis confarcinata. Ad res ipsas
 in his Oraculis expressas quod attinet, modumque, quo referuntur,
 iterum demonstrat Opsopæus ad oculum, tam planè & copiosè eas in
 his libris describi, ut facile conjicere liceat, illas non prædictas, sed prius vi-
 sas, auditas, aut lectas his scriptoribus fuisse, historias, non oracula esse; verbi
 gratiâ: Vaticinium Esaie, Ecce virgo concipiet, & pariet filium, Sibyllam
 nominetenus exprimere: Ecce Virgo Maria pariet puerum Jesum in Beth-
 lehem. Quis credat Sibylla, Apollinis sacerdoti, mysterium Incarnationis
 filij Dei clariùs fuisse revelatum, quàm propheta Φερομένη, inquit porrò,
 ὡς ἔπνευματός ἐστις? Quis prophetarum Baptismum Iohannis in Ior-
 dane, apparitionem Spiritus Sancti in Columba specie prædixit? nullus: At-
 qui Sibyllis, si credere fas est, hæc prædixisse, sicut libro VI. horum Oracu-
 lorum sit videre. Sic Oracula de Christo, & de XV. Imperatoribus, quo-

rum singula nomina & facta statim ab initio libri V. referuntur, meram relationem historicam de rebus prateritis esse; quomodo ergo oracula de rebus futuris? quamvis nomina tantum capitalibus literis Græcis designentur, ut agnoscata potius, quam historica relatio esse videantur: quæ fraus quandoq; etiam in iis oraculis deprehendatur, quæ futura prædixisse videntur, quando autor eorum ex numeris, qui ex nominum literis exurgunt, harioletur; verbi gratia, quando libro VIII. Romam dicit perituram, postquam numerum nominis sui compleverit &c. Haftenus Opsopzi argumenta, quibus αὐθεντία horum Oraculorum impugnatur.

Opsopzi argumenta reassumit Casaubonus Exercit. I. ad Apparatum Annalium Baronii, Num. XVIII. fol. 72. 73. 74. Ubi ex claritate horum Oraculorum de nascituro Christo è virgine, de passione ipsius & cruce, de regeneratione per Baptismum in vitam æternam &c. ita infert: Ego verò suspicionem meam hoc loco dissimulare non possum. Nam æquidem ingenuè profiteor, omnia hujus generis sive oracula, sive nuntiata, quod apertiora sunt, ed fieri mihi suspectiora. Rationes, quibus Casaubonus se moveri, ut sic sentiat, profitetur, compendio proponam. L. inquit, Verbo Dei contrarium videri, tam profunda mysteria Gentibus, quàm Dei populo peculiariter dilecto, ac suamet voce per prophetas erudito, clariùs fuisse proposita, quia sciamus, quàm exiles scintilla veritatis priscis temporibus populo Iudaico illuxerint; ut Apostolus tempora ante Christum χρόνος ἀγνοίας, tempora ignorantia. Act. 17. v. 30. appellet, & saepe repetat, doctrinam de salute generis humani ante Christi incarnationem fuisse mysterium, quod absconditum à seculis & generationibus, nunc autem manifestatum est sanctis ejus, Coloss. 1. v. 26. confer. Rom. 16. v. 25. Ephes. 3. v. 9. Quomodo ergo Sibyllina oracula, quæ Iesum sine ambagibus aut anigmatis, ipso etiam nomine indicant, facta illius narrant, Iob. Baptistam venturum nuntiant, & præconium illius, quale in Evangelio habetur, commemorant, pro non supposititiis habeamus? Tàm claram ne lucem gentibus affulsisse putemus, cum adhuc populus ille οὐρανός in tàm densis tenebris jacebat? Quod argumentum vel ab ipso Apostolo confirmari videtur, quando Rom. 3. v. 2. scribit, quod λόγια Dei Judæis præ cæteris credita fuerint, quibus hæc Goshen fuit illustrata, cum tristissimæ tenebræ reliquo orbi terrarum incumberent. 2. Se moveri, inquit porrò Casaubonus, ut his oraculis diffidat, quod apud Platonem, Aristotelem, Theophrastum, & res alios è paganis curiosissimos om-

nium disciplinarum scrutatores eorum, quæ hodie apud Mercurium & Sibyllas miramur, nullum penitus extat vestigium; Et 3. vehementer se etiam moveri, quod primis Ecclesiæ temporibus quàm plurimi extiterint, qui facinus palmarium judicaverint, cœlestem veritatem figmentis suis ire adjutum, quod facilius nova doctrina à Gentibus sapientibus admitteretur: quæ officiosa mendacia, bono fine excogitata vocaverint; ex quo fonte sexcenti alij libri sint orti, quos illa ætas viderit sub nomine etiam Domini Iesu, & Apostolorum, aliorumque sanctorum publicatos, quorum plurimos Gelasius Papa in Decreto suo, & Romani Concilij enumeret; hoc factum, inquit Casaub. vehementer esse reprehendendum, cum admiratione magnâ, quod Patres ejusmodi scripta (qualia Sibyllina sint) tantâ facilitate receperint, & ad fulciendam Cœlestis veritatis auctoritatem testimonia ex illis proferre non dubitaverint; quemadmodum etiam alios constat, libros à Iustino, Clemente Alexandrino, Tertulliano, & aliis Patribus sæpe fuisse laudatos, quos jam nemo, vel mediocriter studiis Theologicis imbutus, Apocryphos fuisse dubitet; Paulum Græcos ad libros Sibyllinos, ut de Filio Dei veritatem inde discerent, rejecisse, quod Clemens Alexandrinus scribat, Traditionem esse, nullâ fide dignam. Quod denique de Testimonio Eusebij & de acrostichide Erythræe adscriptâ, ut & de Virgilio addit, mortem & passionem Christi ei non fuisse probè notam, inferiùs libabimus, ubi de utriusque & Cumæ & Erythræe allatis oraculis sigillatim agemus. In Casauboni sententiam pleno gradu concedit Boxhornius in Histor. universali pag. 12. & seqq. statuens, quò apertiora sint hæc oracula, eò magis illos, qui Sibyllis ea tribuunt, falsos deprehendi, cum pleraque sint *ψευδόμενα*.

Tandem in authentiâ Oraculis, sub nomine Sibyllarum etiamnum extantibus, *Μετρήσιμα* abjudicandâ omninum rigorosissimus est Dn. Ioh. Henricus Bæclerus in sua Dissertatione in Bucolicon Virgilij Quartum, in qua pag. 7. Alberico Gentili, putanti, non dubitandum, quin Virgilius confecerit versus plures hinc de Sibyllinis versibus, respondet; Non possumus (puta, quod Gentilis innuit) avidè amplecti, qui *Σιβυλλικὰ* penitus ignoramus; quâ assertione in ventos abijt horum Oraculorum universa autoritas: Quod enim penitus ignoratur, ejus autoritas & respectus non potest, quoad nos, non pro non ente haberi.

Possent, si hæc non sufficiunt, adhuc aliæ rationes afferri, quibus, si nonnulla, tamen dubia reddi posse videtur horum oraculorum autoritas;

toritas : inter quas non negligendum est, quòd authentica eorum exempla non potuisse videntur venire in Christianorum manus arctissimam custodiam, quâ Sibyllini libri à Romanis secretissimè fuerunt habiti, primùm per *Duumviros Sacerdotes*, quorum officium erat, hos libros Romæ in delubro Junonis, quod erat in templo Jovis Capitolini, in cella quadam subterranea arcæ lapideæ inclusos custodire, eosque, si Senatus consulto juberentur, adire, & quæ propositæ quæstioni appositæ invenissent, Senatui fideliter referre; quibus Duumviris additi fuerunt duo ministri publici, qui juxta sua ministeria etiam illorum fidem observarent, quia absque Senatus consulto hos libros adire, vel aliis legendos aut describendos concedere tantâ severitate fuit prohibitum, ut Rex *Tarquinius Priscus M. Aurelium*, Duumvirorum alterum culeo bubulo insutum, tanquam parricidam, in mare projecerit, quia libros Sibyllinos *Petronio* cuidam contra Sacerdotii fidem describendos dedit, adeoque patriæ sacra & secreta prodidisse fuit visus; qui Duumviratus post exactum *Tarquinium Superbum*, à Consulibus in Decemviratum, & sub *L. Cornelio Sylla* Dictatore annis 79. ante Christum in XV Decimviratum, tandemq; in XLviratum, retento tamen *XVvirum* nomine, hac de causa excrevit, ut Sacerdotium hoc ad Sibyllinos libros habendos, & custodiendos publicâ autoritate sanctius certius, & inviolatius redderetur, quemadmodum in Oratione habitâ exemplum custodiæ horum librorum sub Augusto, cùm duobus forulis auratis sub Palatini Apollinis basi conderentur, ex Suetonio fuit adductum. Quomodo ergò certa, & indubia exemplaria horum Carminum in Christianorum manus pervenire potuerunt?

Hæc argumenta quemadmodum non sunt contemnendi roboris; ita robur illorum incrementum sumere videtur ab infirmitate solutionum, quas assertores autoritatis horum carminum tentare solent, & imprimis *Erasmus Schmidius*, olim Professor Wittenbergensis, Vir, cùm vita maneret, de græcis literis optimè meritus, pro Sibyllis proponit, dum in *Sibyllinis*, Operi posthumo *Notarum & Animadversionum in Novum Testamentum* annexis, Oratione tertiâ magnâ equidem pietate, utinam tantâ soliditate, aliquot argumenta, quæ authenticæ huic opponuntur, solve conatur. Videamus ergò.

Ad argumentum, quod quidam afferunt, *Erythraam* oracula sua græcâ linguâ conscribere idèò non potuisse, quia profiteatur, se cum Noab
im

in arca diluvii fuisse, cum græca lingua nondum, sed unum labium in universa terra esset, nempe hebræam &c. ad hoc, inquam, argumentum respondet Schmidius; Hanc Erythraam fuisse uxorem Iapeti, cum quo post Babyloniam linguarum confusionem in insulas, per quas Europa, & imprimis Græcia intelligatur, commigraverit, quod græcam linguam, quam in confusione Babylonicâ acceperit, ipsa & maritus Iapetus transtulerint; hinc etiam ejus oracula in hac linguâ fuisse scripta: sed quàm laxè hæc, & quæsitè!

Nam posito, quod ad græcæ linguæ dialectum attinet, rem ita se habere potuisse; an revera se ita habuerit, hoc est, de quo ambigitur, ob rationes in mensa solis positas. 1. Quia mera conjectura est, hanc Erythraam Iapeti conjugem fuisse: quomodo hoc probabitur? quia nondum probatum est, eam cum Noha in undis diluvii fluctuasse. Nec refert; hoc ipsam Erythraam in suis carminibus profiteri, testari: hæc ipsa enim carmina sunt, quorum veritas & autoritas in dubium vocatur, ut hæc instantia sit manifesta petitio principii. 2. Si fuit Iapeti uxor; ergo non virgo: atqui Eusebius expressè eam vocat virginem: *ἡ παρθένω Ἰαλάδῃ θεόθεν ἐπέστ' ὡρῶν-Εὐζοῖ*. hoc est: ut habet versio; Et hæc virgo perspicuè vaticinari potuit. Hæ enim Phæbades sive Pythia, scribit Boissardus in Opere Posthumo cap. II. fol. 4. à principio ex virginibus tantum eligi erant solitæ, donec una illarum ab Echerate violata est: post hunc incestum sancitum est edicto populorum, ne in posterum ulla Pythia oraculis præficeretur, nisi atate jam profectâ, ut testatur Palaphatus lib. 1. Et denuo 3. si cum Noha, tanquam nurus Nohæ in arca fuit, & consequenter non Ethnica, sed ex familia & ecclesia Nohæ, in qua promissionum de Messia frequens fuit memoria & consideratio, quas etiam posteris suis illa diligentissimè voluit inculcatas, quod eò felicius præstare potuerit, quò rectius de iis informata, & simul dono prophetia divinitus instructa fuerit; ut Dn. Schmidius in orat. d. fol. 1508. scribit, quomodo sexta post diluvium ætate vixisse; imò quomodo Apollinis Sacerdotem, propter dementiam parentum tali cultui traditam, & dedecorosis furiis agitatum fuisse (quæ omnia Eusebius in vita Constantini de ea refert) credamus? Num Nohæ, ejusque procul dubio pientissimæ uxori ullam adscribamus dementiam, quâ filiam furioso & dedecoroso cultui tradere, & ex cā

Sacerdotem Apollinis, hoc est, Dæmonis facere voluisse putemus? Ut alia plura transeant?

Ad argumentum ex rhapsodia & inconcinnitate Sibyllinorum carminum respondet; *Est*, inquit, fol. 1507. *sanè in carminibus Sibyllinis* (Ὁφάλματ'α descriptorum semper excipio) *ea Græcismi puritas, ut nulli Poëtarum Græcorum aliquid concedere videatur. Stylus profectò Homericus, Sibyllino ita similis est, ut ne ovum quidem ovo similius esse possit &c.*

Atqui contrarium Opsopæus in Notis in hæc carmina passim, ut infra audiemus, ad oculum demonstravit: quod etiam quilibet Græcam linguam mediocriter doctus ex collatione horum carminum cum Homeri caractere observare potest, ut mirandum sit, hunc insignem, de græcis cum primis literis meritissimum virum præ facilitate credulitatis in hac Phœbade non vidisse ea styli Ὁφάλματ'α, quæ non descriptoris negligentia, sed scriptoris ignorantia commisit: Ut dicere quis posset de hac devotione erga hanc Pythiam: *Quisquis amat ranam, ranam putat esse Dianam.*

Ad argumentum de nimia temporis diuturnitate, ad quam vita Erythræa, si ea cum Noha in arca, ejusque nurus fuisse statuitur, extendenda esset, quia etiam de Ilij excidio & Græcorum victoriâ, imò de ipsius Æneæ adventu in Italiam, & fatalis terræ Inventionis oracula tradat, Hectore atque Priamo, Peleo & Achille nominatis, quorum ætatem utiq; attingere non potuit. Ad hoc argumentum, quod insolubile videtur (hoc enim pacto hæc Erythræa Trojanum excidium attigisset, ac ultra millenarium vixisset, quia diluvium, in cujus undis se profitetur cum Noha in arca fuisse, in annum Mundi 1656. Trojæ a. excidium in annum 2721. incidit) ad hoc, inquam, argumentum hæc Schmidij est responsio: *Sibyllæ oraculum non eo sensu esse accipiendum, ac si illa αὐτὸ πρὸς ὧπας Græcis adversus Ilium victoriam, Æneæ contra Italiam promississet; sed hos eventus in illius oraculis predictos, à Græcis deinceps ex his ipsis Oraculis collectos fuisse. Non obstare, quod Hector & Priamus, Peleus & Achilles nondum nati, fuerint nominati: Neque enim in Prophetiis infrequens esse, Nomina personarum ante Personas extare, sicut Cyrus sive Cotes diu ante nativitatem fuerit nominatus.*

Sed respondemus, si obtineri posset hæc assertio, in *Prophetiis infrequens non esse, nomina personarum ante personas extare*, solutio, hæc Schmidiana argumentum obiectum clumbe redderet? Sed quando, quod postulatur, obtinebitur? Unicum exemplum de Cyro ante nativitatem ab Esaia nominato non facit regulam, sicut una hirundo non facit ver: quot urbibus minatus est Deus excidium & everfionem, verbi gratia; Ipsi Hierosolymis, everforibustamen, v. g. Nebucadnezare ac Tito Vespasiano multo ante tempore nominatenus non expressis; exinde argumentum non topicum, sed necessarium est, quando argumentamur: *Erythraa in Oraculis de excidio Trojae Hectorem atque Priamum, Peleum atque Achillem nominatenus exprimit: Ergo etiam eorum tempora attigit, & consequenter cum Noah in arca non potuit esse.*

Ad argumentum de materia, *Non esse verisimile, extra Ecclesiam Dei esse de Christo & Anti-Christo tam expressa vaticinia, qualia huic Erythrae adscribantur*; respondet: *Neque hanc Erythraam fuisse extra Ecclesiam, consequenter nec Ethnicam, sed ex familia Nohe, & Tapeti conjugem &c.* Sed hoc modò fuit dilutum. Magorum & Bileam exemplum nihil efficit, quod tanquam singulare solennitatem vaticinandi, qualem oracula tum Erythrae, tum reliquis Sibyllis his octo libris adscripta, præ se ferunt, nondum arguit.

Tandem argumentum à claritate & perspicuitate horum oraculorum desumptum, quod Casaubonus suprà potenter strinxit, Schmidius in dicta orat. fol. 1508. ita solve tentat: *Tantà claritate miseris Gentilibus, qui in tenebris ignorantia sederint, opus fuisse. Elucescere inde bonitatem Dei, seriamque voluntatem, ut omnes ad filium suum convertantur. Secus gentes scire non potuisse, virginem parituram esse, nisi tam clara vaticinia habuissent. Esaiianum Oraculum, Ecce Virgo concipiet &c. Gentibus ferè ignotum fuisse, & vix à Iudæis non in dubium vocatum &c. sine his oraculis nec Ovidium scripturum fuisse de Casare Augusto, quod visurus sit prolem sanctà de virgine natam &c. licet hoc de Tiberio, Livia ab Augusto adoptato filio intellexerit; quod & Virgilius in quarta Ecloga fecerit. Nec tam clara fuisse hæc oracula ante eventum, ut jam sint per Christum completa, utur circumstantia à Sibyllis fuerint expresse, quas Evangelista de miraculis, de passione & morte Christi referunt, Venturum esse Regem de Cælo, qui inter alia miracula quinque milia hominum quinque panibus, & duobus piscibus sit satiaturus &c.*

Piè hæc videntur scribi, sed causæ præsentī parum analogæ: fortius argumentum à *Casaubono* est adstrictum, quàm hîc à doctissimo *Schmidio* solutum. Cur gentes majori claritate revelationis opus habent, quàm cives sanctorum, & domestici Dei? Annon naturales tenebræ, de quibus in admirabile lumen Dei vocamur, utrobique sunt uniusmodi, solo revelationis lumine dissipandæ, discutiendæ? Si ex hac majori claritate horum miraculorum erga gentes elucet Dei bonitas, consequens erit, bonitatem Dei erga populum suum in Ecclesia minorem fuisse, quàm erat erga gentes extra Ecclesiam: Imò vocationem ad gratiam etiam extra Ecclesiam (extra quàm tamen non est salus) quàm in Ecclesia clariorem esse, quæ quis admittat? Quid enim respondebimus. Regio Psalti, bonitatem Dei erga Ecclesiam ob revelationem sermonis soli Ecclesiæ, seclusâ omni natione aliâ, prædicanti, quando inquit: *Qui annuntiat verbum suum Iacob, iustitias & iudicia sua Israel. Non fecit taliter omni nationi, & iudicia sua non manifestavit eis*: Psalm 147. v. 19. 20. Gentes citra Erythrææ oracula scire non potuisse, Virginem parituram esse filium, falsum est, quia aditus ad Ecclesiam etiam in V. T. ipsis non fuit occlusus, in qua hoc mysterium, ex Esaiâ αὐτολεξεῖ discere potuissent, ut constat ex aggressu profelytorum ad Ecclesiam, qui frequentissimus fuit in V. T. Et esto, sciverint hoc ex his oraculis, Virginem parituram esse filium, quid profuit eis hæc scientia, quæ idè salutaris non fuit, qui solertissimi inter eos, quales fuerunt poetæ, *Ovidius* & *Virgilius*, iste de *Tiberio*, hic de *Salonino*, Pollionis filio, id fuerunt interpretati; Messîâ ipsis planè manente incognito. Vaticinium, quæ κατὰ τὸ ῥητὸν eventum sine ægumatis cum omnibus circumstantiis describunt, ut nihil, nisi quod futura sunt, ab historia, quæ factum refert, differant, quemadmodum multa oracula Sibyllina se habent, in illis claritatis gradus non habent, sive futura sint, sive completa coram oculis versentur: quod de vaticiniis prophetarum dici non potest, quorum vix ullum clarius est, quàm Esaiarum, *Ecce Virgo concipiet, & pariet filium*: Quod tamen Erythræa (si quidem id Erythrææ est) & nomine Deiparæ, & loco nativitatē illustrat; *Ecce*, inquiens, *Virgo Maria pariet puerum Iesum in Bethlehem*. Hactenus de argumentis pro authenticâ octolibrorum Sibyllinorum carminum, ut extant, & Sibyllarum nomine circumferantur.

*Decisio questionis hætenus in utramque
partem disputata.*

Quid concluditur ex argumentis hætenus pro & contra reciprocatis? Ergone octo libri, oraculorum, qui Sibyllarum nomine publicati extant, non sunt Sibyllarum, sed Sibyllis suppositi? quod quidem ex disputatione, hætenus ex gravissimis auctoribus, ut & gravissimis rationibus agitata, sequi videtur?

Quò major est autoritas eorum, qui hanc quæstionem affirmant, & pro authenticâ horum librorum iraciestant, ut ea omninò maxima est, quorum nomina Ecclesiz lumina sunt, ut juxta antiquos Scriptores, *Iustinum Martyrem, Theophilum Antiochenum, Athenagoram, Clementem Alexandrinum, Firmianum Lactantium*, & alios, quos hæc oracula contra gentiles allegasse legimus, etiam sunt nostri & nostrates, *Franzius, Iacobus Martini, Gerhardus, Iacobus Boissardus*, & cujus argumenta modo ventilavimus, *Erasmus Schmidius* (quanti Theologi, quanti Philosophi & Philologi) quò major, inquam, est horum virorum autoritas, eò durius est, & reprehensioni proximius, hanc quæstionem negare, & his libris abjudicare autoritatem authenticam qualiscunq; vel tandem illa sit, quos antiquitas & superior ætas ferè unanimi consensu pro Sibyllinis habuit, iisque Θεῶν ἔμπεσε fuisse opinata; à quorum consensu sine rationibus urgentissimis discedere modestum ingenium nefas ducat, ut tacere malit, quàm loqui eum eorum præjudicio. Verùm quid agamus, ubi progressu temporis, quod multa aperit, in propatulo est veritas, & Sol in horizonte nostro verticaliter radiat, magnisque nominibus non tam ignorantia, quam credulitatis aliquandiu imposuit facilitas, ut supposititios libros pro genuinis habuerint, qui vel tandem pseudepigraphi sunt deprehensi? quemadmodum *Casaubonus* loc. sup. allegato, Apparatus Num. XVIII. fol. 73. plurium adhuc librorum mentionem facit, qui sub nomine etiam *Domini Iesu & Apostolorum, aliorumque Sanctorum* fuerunt publicati, quos *Gelasius Papa* in suo, & *Romani Concilii* decreto enumerat, sed ab Ecclesia tandem fuerunt rejecti. Non tamen levis, sed ratione tum temporis nixa fuit Patrum in recipiendis his libris facilitas, quæ tempore opus habuit, donec vel tandem, ut nunc est, veritas fuit manifestata: quod etiam *Casaubonus* vel tandem agnoscit, quando l. c. paginâ versâ subjungit: *Sed tempore opus erat, ut fraudes detegeretur.*

Restat, ut ambage semotâ edifferamus, quæ nam vel tandem de his libris & oraculis sit nostra sententia. Statuimus ergò, nec omnia, nec nulla in iis extantia oracula, Sibyllis esse tribuenda: Non omnia, ob argumenta superius allata, quæ maximæ parti horum librorum suppositionis larvam detrahunt; Non nulla; quia dubium non est, quicquid in his libris genuinè Sibyllarum est, tincturam esse eorum, quæ supposititia sunt, ne figmenta colore careant. Quod nec ipse *Casaubonus*, quamvis acris hujus suppositionis censor, negat; Scio, inquit, *Origenem contra Celsum*, qui hoc nomine Christianos acriter suggillabat, ad vetustæ exemplaria provocare, in quibus inveniantur. Neque nos sanè negamus, multa divinitus potuisse dici à paganorum vatibus, (quod ipsum cum grano salis accipiendum est) non minùs, quàm ab asina *Balaam*; illa tantum rejicimus, quæ arcana religionis nostræ apertius explicant, quàm factum sit unquam à Dei Prophetis. Quam ipsam, tanquam mediam sententiam etiam *D. Calovius* in *System. Locorum* de Sibyllarum autoritate pag. 444. 445. liberali manu dat; Nec fabulosa, inquit, omnia, vel conficta de Sibyllis statuentes, nec omnia, quæ sub Sibyllarum nomine adducuntur, pro veris certisque admittimus; cui sententiæ, statim subjungit, ut calculum nostrum adjiciamus, ab istâ quidem parte autoritas fide digna, ab hac verò ratio pregnantissima suadet &c. In quam eandem sententiam in suo *Zoroastre Bactriano* pag. 226. etiam *Dn. Ioh. Henricus Vrsinus*, pleno gradu concedit; quando scribit: Dissimulare tamen non possum, eorum nec (sphalma est, ut contextus evincit typographi, nec pro me exscribentis) accedere sententiæ, qui hæc Sibyllina carmina, quæ hodie extant, libris octo comprehensa, de quibus questio agitur, maximâ sui parte supposititia esse censuerunt. Certè qui negaverit, pleraque post Prophetas, post Evangelium, excogitata, verbotim ex sacris literis delibata; ille idem Solem lucere mero meridie negare audeat. Tractaverunt hoc argumentum *Casaubonus* contra *Baronium*, & vindex ejus *Capellus* contra *Rosweydem*, ut & *Opso- paus* &c.

Quia autem non tam facile est vera invenire, quàm falsa, ut inquit *Cicero*, redarguere, inaximè in iis, quæ sunt meræ revelationis, & humanâ ope difficulter dignosci possunt, operæ pretium est in hac disquisitione ad sequentem regulam inconnivis oculis attendere;

Quæcunque oracula sub nomine Sibyllarum ante Christum natum, aut seculo proximè subsecuto à scriptore ethnico, aut non Christiano allegata inveniuntur, illa indubiè præsumuntur genuinè esse Sibyllina?

Ratio est, quia suppositionis Christianorum suspicione carent: exempli gratia, lib. tertio Oraculorum habetur oraculum, non procul ab initio, de turre Babylonica, quod ita habet:

Ἀλλ' ὁπότεν μεγαλοῖο θεῷ τελέοντα ἀπὸ λαῶν,
 Ἄς ποτ' ἐπηπείλησε βροτοῖς, οἱ πύργον ἔτευξαν
 Χώραν ἐν Ἀσσηρίῃ ὁμόφωνοι δ' ἦσαν ἅπαντες,
 Καὶ βέλον' ἀναβῆν' εἰς οὐρανὸν ἀστερόεντα
 Αὐτίκα ἀπέναντι *.

Πνεύμασιν. αὐτὰρ ἐπεὶ τ' ἄνεμοι μέγαν ὑψόθεν πύργον
 Ρίψαν, καὶ θνητοῖσιν ἐπ' ἀλλήλους ἔριον ὤρσαν,
 Τένεκα τὸν βαβυλῶνα βροτοὶ πόλει ἔνομι' ἔθεντο.

Hoc est:

*Sed cùm Magni Dei fiebant mīna,
 Quas olim minatus fuit mortalibus, illi turrim adificarunt.
 In terra Assyriaca; unius soni verò erant omnes,
 Et volebant ascendere in cælum stelliferum,
 Continnò immortalis *
 Flatibus: Verùm postquàm venti magnam de super turrim,
 Projiciebant, & mortalibus invicem lis fuit mota,
 Propterea Babylonis miseri civitati nomen imposuerunt.*

*Hoc oraculum genuinum, non supposititium esse, ex eo concluditur, quia Josephus l. i. Antiq. Jud. C. 5. sequentibus verbis hoc allegat. De turri autem hac, deque linguis hominum mutatis, meminit & Sibylla his verbis: Cum universi homines uno eloquio uterentur, turrim adificarunt quidem celsissimam, quasi ad cælum per eam ascensuri. Dii verò procel-
 lis immisis turrim subverterunt, & suam cuique linguam dederunt, qua
 causa fuit, ut urbs ea Babylonis vocabulum accepit. Annon, si Sibyl-
 linus*

linus textus hiatu mancus non esset, ferè *αὐτολεξεί* cum allegatione Josephi hoc oraculum consonaret? Quis verò Judæum, qui Josephus erat, aliquid, quod in Christianorum religionis favorem cedit, supposuisse credat?

Hac regulâ observatâ etiam acrostichis, quæ *Erythraæ* ab Eusebio tribuitur, absque dubio pro verè Sibyllinâ habenda esset, si certum esset, esse illam eandem, cujus Cicero mentionem facit libr. II. de divinatione; cujus primis versuum literis aliquid connectebatur, ut in quibusdam Ennianis, quæ Ennius fecit: Tum temporis enim, Christianis nondum extantibus, à Christianis nulla fieri potuit suppositio. Sed de hac acrostichide infra suo loco ex professo.

Sic etiam si carmen *Cumææ*, quod Virgilius *Ecclogâ* IV. imitatus est (quicquid, ut mox audiemus, in contrarium affertur) etiamnum in his Sibyllinis libris ita synopticè extare demonstrari posset, ut modò oraculum de Turri Babel & linguarum confusione à Josepho allegatum demonstravimus in libro tertio horum oraculorum, non procul ab initio extare, planum esset, esse illud per hanc ipsam regulam consequenter genuinè Sibyllinum; quia hoc in passu idem ex *imitatione* sequitur, quod regula nostra ex *allegatione* sequi tradit, ut è vestigio ex Virgilio *Eccloga* sumus demonstraturi. Et hæc quidem de quæstione, supra de libris octo Oraculorum, Sibyllis adscriptorum, propositâ sufficiant: Conferri tamen possunt, quæ *Maresius* in Syllog. disput. part. secund. pag. 489. seqq. thesi XXVII. & seqq. de hoc ipso argumento prolixè, & in plerisque solidè disputat, atque thesi XXXIV. & seqq. probabiles rationes & argumenta affert; ea, quæ sub Sibyllarum nomine *Ἀδελφίχαφα* sunt, & circumferuntur, *Montanum* hæresiarcham confinxisse: ad quæ, quia prolixiora, sed & lectu digna sunt, lectorem remittimus.

De Eclogâ IV. Virgilio.

Verum Poëta in illa carmen aliquod Sibyllinum fuerit imitatus?

(*k. p. 2. & seqq.*) Historiam de Sibyllâ Cumæâ, quæ novem libros Tarquinio Prisco pro certo pretio obtulit, sex eorum combussit, tres tan-

tandem vendidit, scriptores ferè unanimi calamo testantur, utut Li-
 vius eam non recitet, quod veritati hujus historię nihil demit, quia
 in historicis ab autoritate negativè argumentari non licet: quod ipsum
 de diversitate circumstantiarum historię, tum hujus, tum Sibyllarum in
 genere observandum est, eam substantiæ rerum gestarum negationem
 non inferre, verbi gratiâ, quod *Lactantius* ex *Varrone* refert, hanc à Cu-
 mæâ fatidicorum librorum venditionem factam esse regnante *Tarqui-
 nio Prisco*, quam *Plinius*, *Gellius*, *Servius*, alii de *Tarquinio Superbo*
 referunt, qui multis annis post *Tarquinium Priscum* regnavit. Quæ-
 stio principalis, quàm expressimus, nunc nostra *Helena* sit; *Vtrum Virgi-
 lius in Ecloga indigita, cujus initium est, Sicelides Musæ &c. Sibyllinum*
quoddam Carmen fuerit imitatus, nec ne? puta transferendo id, tum ad
Saloninum, recens natum *Polionis*, Consulis Romani, filium, tum ad
Cæsarem Augustum ipsum, certo respectu ad utrumque habito. Hanc
 enim quæstionem si affirmando obtinebimus, inviolabiliter consequens
 erit, Sibyllam Cumæam de Christo Jesu nascituro, regnaturo, populum
 salvaturo, aliquod oraculum protulisse: probato enim, Virgilium tale
 aliquod carmen fuisse imitatum, probatum erit, ipsum id legisse; se-
 cus quî illud imitari potuisset? probatum simul erit, omne abfuisse sup-
 positionis à Christianis factæ periculum, quia Christiani tempore *Au-
 gusti*, quo Poëta floruit, nondum fuere: quod argumentum me mo-
 vet, ut huic, saltem per imitationem à Poëta expresso Carmini in
 asserendis Sibyllarum oraculis de Christo ferè plus tribuam, quàm
 reliquis *Sibyllarum* fere universis, ut quidem ea octo libris expressa
 circumferuntur: Et hoc quidem ob duas urgentissimas rationes con-
 sequentiæ; tum quia prædicata, quæ Poëta vel *Salonino*, vel *Augusto*
 in hac Ecloga per quandam *amphorin* tribuit, in ipso Cumana Ora-
 culo de progenie novâ, cœlo descendente, idèò propriè sunt intelligen-
 da, quia quæ tropicè transferuntur à subjecto ad subjectum aliud, ex natu-
 râ analogiæ propriam significationem in subjecto, à quo fit translatio,
 necessariò præsupponunt; tum quia, ut dixi, *Cumana* carmen tum tem-
 poris ab omni suspitione suppositionis de Christianis præsumendæ,
 fuit immune.

Hic in contrariam ferè sententiam ire observamus *Cl. Dn. Iohannem*
Henricum Bæclerum, celeberrimum temporis nostri Criticum, Virum, de
 re literariâ meritissimum, qui in *Dissertatione in hoc quantum Bucolicum*

non ita pridem publicatâ, inter alia pag. 7. equidem rectè negare videtur *Virgilium in laudando Cumæo Carmine ad supposititia Sibyllina*, ut nunc extant, respexisse, sententiam tamen suam ita proponit, ut, licet videri possit, quod oraculum aliquod ex Sibyllinis libris, sive fatalibus, qui perierunt, proditum agnoscat, id tamen non, nisi de instauratione magnâ, & instauratore sive regio, sive divino aliquo Romanorum, quod Virgilius sententiis seculo *ἡγεμονικῶν*, sive aureo describendo usitato extulerit, intelligendum esse putet: addito, Albericum Gentilem putare, non dubitandum esse, quin Virgilius confecerit versus plures de Sibyllinis versibus; quod idè avidè amplecti non possit, quia *Σιβυλλικὰ* penitus ignoremus. Imò, addit porro, quid? si Probi explicatio proba sit, qui Cumæum carmen pro Hesiodæo accipiat; Hesiodum enim Cumæum esse, juxta Suidam in voce *Ἡσίοδος*. in adolescentia Ascræam Bœotiae translatum, cui sententia Stephani testimonium de Urbibus congruat, ut Cumæum carmen poeta eodem sensu dixerit, quo alibi Ascræam, neque enim Ascræam magis, quàm Cumæum esse Hesiodum, apud quem doctrinam de successione ætatum accuratè descriptam habeamus, unde & Virgilius aliqua in hanc Eclogam eruditâ imitatione transtulerit, sicut annotaverit Fulvius Ursinus. Nec de cætero ineruditam esse *μετὰ Φράσιν* in græco versu, cùm dicit; Oraculi Cumæi sortem eis *τέλος* ad finem venisse: Ultimam enim ætatem Cumæi Carminis non esse illam auream, quam hac Ecloga celebrat, sed eam, qua antecesserit, & attulerit, seu portenderit instaurationem rerum. Hactenus verba penè formalia Dn. Bæcleri. Expendamus singula breviter, calamo à veneratione Viri minimè alieno.

I. Transeat, Virgilium in laudando Cumæo Carmine ad supposititia Sibyllina, ut nunc extant, non respexisse; nec nos respexisse opinamur.

II. Hoc ipsum est, quod nos statuimus, non nisi ex eo, quod de hujus Sibyllæ carminibus perditum est, hanc Eclogam esse desumptam: id autem, ex quo desumpta est, non de Christo, sed tantum de fatalibus Romani status agere, in quæstione est, τὸ κερνόμενον est: Nos argumento, ex analogia Comparatorum desumpto modò contrarium demonstravimus.

III. Annon αὐτὰ sunt; concedere, hanc Eclogam ex eo carmine Cumæo esse desumptam, quod perditum est: Et affirmare, Poetam nullos ver-

sus,

sus de Sibyllinis versibus confecisse? Ratio, quæ additur, non arguit, quia negatur. Neque enim probari potest, nos *Σιβυλλικά* penitus ignorare; Qui enim falsa cum veris tolerat, quod *Opsopæus*, judiciosus in hanc rem inquisitor, de octo libris horum oraculorum agnoscit, quando scribit: *quia tam facile vera invenire, quam falsa redarguere non liceat, falsa cum veris, & mala cum bonis toleranda esse*; is profectò vera penitus ignorare non potest: Nec, concessio, nos vera *Σιβυλλικά* penitus ignorare, consequens est, Virgilium nihil Sibyllinum, verbi gratia, *Cumæum*, in hoc Bucolico imitatum esse; quia sufficit, *Cumæum Carmen* ad imitationem sui Bucolici Virgilio non incognitum fuisse, utut nobis à priori incognitum sit, dummodo constet, ipsum id imitatum fuisse.

IV. Affectatè quæsitum est, quamvis speciem habens, quod de Hesiodo affertur, illum tam *Cumæum*, quam *Ascræum* fuisse, ut proba videatur esse *Probi* explicatio, quâ per *Cumæum* carmen *Hesiodæum* sumatur: negatur hæc explicatio esse proba; quia in eo ipso carmine, in quo Hesiodus de successione ætatum agit, nempe in *Operis*, *Ascræus* inscribitur, non secus, ac Christus, non à loco nativitatis Bethlehemiticus, sed educationis Nazaræus vocatur, Matth. 2. v. 23. Ut taceamus, in Hesiodo nec volam extare, nec vestigium ullius inventionis in realibus, quod *de quopiam, ex virgine nascituro, de cælo descensuro, longè latè que regnæuro, terras ob sceleris nostri vestigia perpetuâ formidine soli uturo*, Virgilio in hoc Bucolico materiam imitationis promere potuisset, utut de aureâ ætate aliquid extet, ad quod illa verba, *Et toto surges gens aurea Mundo*, alludere videntur. Hinc nec *Boxhornius* in *Hist. Universali*, in qua à p. 19. usque ad 25. accuratè de hac Ecloga agit, disputat, *Cumæum Carmen, quod Virgilius imitatus est, Cumæa non esse*; hoc saltem negans, quod origine Sibyllinum, & non potius Propheticum sit; quod & nos damus, in hoc saltem distantes à *Boxhornio*, quia nos Sibyllam vaticinatam esse statuimus inspiratam à diabolo, qui hæc de Christo vaticinia longè acutiùs, quam Sibyllæ, ex prophetiis concludere potuit; è contra *Boxhornius* putare videtur, Sibyllas hæc sua de Christo oracula tantummodo ex conversatione Judæorum, & ex prophetis habuisse.

V. Nodus in scirpo est, qui in *μετὰ Φράσει* græci versus quæritur, quo Oraculi Cumæi sors *εἰς τέλος* ad finem venisse dicitur. Quomodo enim probabitur, ultimam ætatem in Cumæo carmine non esse illam auream, quam hæc Ecloga celebrat? quia carmen Cumæum non amplius extat,

ex quo etiam ordo ætatum, quem *Cumana* observavit, colligi posset: quin omninò probabile est, eam ideò per *ultimam ætatem* in carmine suo *auream*, quam hæc Ecloga innuit, intellexisse, quia vaticinia de regno Christi, ex quorum collectione diabolus Sibyllis sua Oracula inspiravit, sub imagine seculi *ἡγεμονικῆς*, eam felicitatem novissimorum sub Messia temporum promittunt, quæ *plus, quam aurea* est, ad innuendam regni Christi felicitatem spirituales, consistentis in *justitia, pace, & gaudio in Spiritu S. Rom. 14, 17.* ut rem acu non tangat, qui putat, Cumanam eam ætatem intellexisse quæ *anteceßit, & attulit*, seu *portendit instaurationem rerum.*

Stat ergò sententia, & argumentum, quod Sibylla de Christi natiuitate, passione, morte, & regno vaticinata fuerit, vix certius haberi, quàm hanc ipsam Virgilii Eclogam, ob indubitatum, & à suspitione suppositionis omninò liberam *αὐθεντικῆς* Cumæi carminis, cujus imitationem, & applicationem ad *Saloninum, Augustum, & Augusti tempora*. Poëta apertâ confessione profiteretur, inquiens,

Ultima Cumæi venit jam Carminis ætas!

Utut nihil minus, quàm Christum in animo habuerit, cùm hanc Eclogam scriberet, & ad *Saloninum* atque *Augustum* Cæsarem applicaret; quemadmodum Cl. Bœclerus Eusebium l. c. rectè corrigit, opinantem, Poëtam non ignarum mysterij, de Christo fuisse, ac veritate occultatâ verbis ad usitatam Ethnicorum religionem pertinentibus, usum esse; quæ sententia etsi pietati credulitatis Eusebianæ sit tribuenda, tamen censoriam virgulam meritò sustinet.

Porro valdè operosus est Dn. Bœclerus in maximâ parte suæ *Dissertationis* refutando Eusebii explicationem, quâ tota Ecloga ad Christum applicatur, & κατὰ τὸ πρῶτον de nemine alio, nisi de Christo intelligi posse demonstratur; διαρρήδην negans, quòd vel Christus, vel nova aliqua *Ἀγδοχὴ* populi Christiani in ea ex Virgilii intentione describatur; e contra omnes & singulos versus partim ad *Saloninum*, Pollionis ἀπὸ γυῖον filium, partim ad *Augustum Cæsarem*, partim ad *felicem statum ἡγεμονικόν* sub Augusto ex Poëtæ intentione referens; in qua refutatione & demonstratione iterum calculum ejus interpretationi liberaliter adjicimus; posthabito Eusebio, qui etiam Virgilio incarnationis mysterium cognitum fuisse pientiùs, quàm solidiùs ex hoc poemate collegit: Quod autem in intentione inspiratoris & revelatoris hujus Carminis, quicumque vel tandem ille fuerit, nec Christus,

nec

nec nova *Δαδοχή* populi Christiani τὸ σήμερον περιλεγόμενον fuerit, & quod tale quid ex hac Ecloga hoc argumento, quia Virgilius Cumææ Carmen eruditâ ad Saloninum, & ἡγεμονικὸν sub Augusto statum imitatione transtulit, per consequentiam concludi non possit, hoc est, in quo Clar. Bœclerus nos dissentientes habet. Si enim hæc consequentia admitteretur; Virgilius ea, quæ de novâ progenie à cælo descensurâ, & ex virgine nasciturâ Cumæa Sibylla prædixit, ad Saloninum, ad Augustum & ἡγεμονικὸν sub Augusto seculum transtulit: Ergo Cumæa nihil de Christo, nihil de ejus regno, & novâ *Δαδοχή* populi Christiani prædixit; hæc, inquam, consequentia si valeret, quæ non incommoda consequerentur? optandum esset, ut authenticum Cumææ Carmen, quod Virgilius, Augusti interioris admissionis cliens, procul dubio ex singulari indultu sibi communicatum habuit, & in hac Ecloga imitatus est, adhuc extaret, ne tantum de typo ex quasi antitypo, & de corpore ex umbrâ judicium ferendum esset.

Interim habemus consentientem etiam Maresium in suprâ cit. Syllog. part. secund. pag. 494. thes. XLIII. ubi inquit: Idem omninò judicium faciendum de illo Sibylla Cumæa vaticinio, quod extat apud Virgilium Ecloga 4. & ejus scribenda occasionem & materiam aliquam, citra dubium, ex libris Sibyllinis, qui tunc extabant, aut pro talibus venditabantur, ingeniosus Poeta desumpsit. Desumptam, addit, dico ex libris Sibyllinis, qui tunc extabant. Item, Constantinum magnum justo humanius de Virgilio, ac si & is in scribenda hac ex Sibyllino carmine de Messia Ecloga cogitasset, sensisse; ac Sibyllam astu demonis, illa suis nugamentis inseruisse thesi XLVIII. scribit: allegatis simul planè in nostram sententiam Ludovico Vives ad c. 27. l. 10. de C. D. August. & Vsserio eruditissimo ex Tom. 2. Annal. V. T. an. 40. ante Christum. Et hæc quidem de Ecloga Virgilii.

(l. pag. 6.) vide Institutiones nostras Historic. lib. 2. c. 2. in quo quaternarius numerus Monarchiarum ex Dan. c. 2. v. 31. & seqq. probatur, & capp. seqq. usque ad finem libri contra Bedini plausibiles objectiones defenditur.

(m. pag. 7.) Esa. 7. v. 14.

(n. pag. ead.) Genes. 3. v. 15.

(o. pag. ead.) 1. Cor. 15. v. 47.

(p. pag. ead.) Joh. 6. v. 38.

(q. pag. ead.) Genes. 49. v. 10.

(1. pag. 7.) Eusebius de vita Constantini Imp. lib. V. fol. 227. & seqq.
 (5. pag. ead.) Augustinus Epist. 156. ad Martianum.

(1. pag. 7.) *De acrostichide, ab Eusebio Sibyllæ
 Erythrææ adscriptâ, an ea sit authentica,
 nec ne?*

Fuit authentica *Cumææ Carminis* de Christo; utinam acrostichis, ab Eusebio Erythrææ adscripta, tam extra teli jactum, ac illa, constituta esset, & dubitationis aleâ careret, ut eam carere arbitratus sum, cum Orationem hanc haberem, & tantum non intrepidè profiterer, nihil in contrarium suspicandum esse. Cur enim fucum lectori faciam, aliter scriptam, quam habitam Orationem exhibendo, quem Auditor protinus animadvertet? Cardio quæstionis est; *sit ne hac Acrostichis Erythrææ genuina, an supposita?* Cur in affirmativam inclinaverim, movit me, ut lector in oratione videt, tum ratio, tum testium tam veterum, quam recentiorum autoritas, quæ & ipsa, imprimis quod ad Eusebium, ratione non contemnendâ nititur. Annon solidum argumentum videtur, quod ex vigilantia Romanorum est desumptum, præ quâ vix quicquam potuit in his carminibus admittendis esse non genuinum; quam vigilantiam etiam Onuphrius lib. de Sibyllis ex Lactantio, & aliorum veterum scriptis testatur; Horum, inquit, librorum custodia II Viris primùm, deinde XV Viris, postremò XV Viris sacris faciundis commissa fuit, eosque ab aliis præter eos aspici, aut legi nefas erat, ut Lactantius tradit: Atque ut paucis verbis multa comprehendam, nihil Romani neque sanctum, neque sacrum, ita custodiebant, quemadmodum hæc Sibyllina divinitus (ut existimabant) missa oracula; & cum Dii immortales de rebus adversis consulendi essent, remediumque aliquod malis querendum, uti de aliquâ intestinâ civilique seditione, vel bello externo, aut pestilentia urbem vexante tollendâ, de sanestorum exitiabiliumque casuum remediis, ut Cannensis claudis, pacis Caudinæ, de prodigiis expiandis, ceterisque rebus adversis, hos libros quasi ad Oraculum præsentaneumque remedium XV Viri sacris faciundis adire solebant, in his omnium malorum remedia inveniri posse existimabant. Quod ipsum dum Eusebius à Christianis post Christum factum esse testatur, refutans eos, qui hanc acrostichidem *voσεύεσθαι* dixerunt, simulque asserens, Ciceronem eam legisse, suisque Commentariis intulisse; quis quæso de ejus authenticâ dubitandi,

tandi, vel suppositionem à Christianis factam suspicandi locus reliquus esse potuit? Num carmen, quod ante Christum natum ex Eusebii testimonio extitit, à Christianis nondum extantibus suppositum esse credamus? accedente etiam Augustini testimonio, qui Eusebio calculum adjicit, & l. 18. de C. D. c. 23. de hac, ipsa acrostichide scribit: *Vir Clarissimus Flaccianus, qui etiam Proconsul fuit, homo facillima facundia, multa quoque doctrina, cum de Christo colloqueremur, græcum nobis codicem protulit, carmina esse dicens Sibylla Erythrae &c.* En codicem græcum, in quo hæc acrostichis de Christo extitit, non à plebeo sublestæ, vel suspectæ fidei Christiano, sed à Proconsule Romano, Augustino prolatum & communicatum! Summatim tantæ autoritatis apud veteres Christianos fuit hæc acrostichis, ut ex ejus literis initialibus *Ιησους Χριστος θεος υιος σωτηρ* fecerint nomen *Ιησους*, quod *piscem* significat, ut exinde Christianos Baptismo regenitos *Pisciculos*, & Baptisterium *Piscinam* appellaverint, ut *Tertull.* de Baptis. *Optat. Millevit.* l. 2. contr. *Donat.* testantur. Quid igitur mirum, si non tantum Papistæ, quibus quicquid antiquitatis veneratione splendet, aurum est, sed etiam orthodoxi nostrarum Ecclesiarum Theologi, *Franzius*, *Gerhardus*, *Martini*, ac reliqui ferè omnes, hanc ipsam de Christo scriptam acrostichidem pro genuino *Erythrae* foetu habuerunt, & pro fatidicâ unanimi ferè calamo sunt exosculati? ut qui cum multis, tam apud veteres, quam neotericos maximæ autoritatis viris aut errant, aut titubant, non infimum gradum excusationis mereantur, si progressu temporis meliora docti, de assertâ sententiâ aut dubitat, aut cum *Penelope* sententiæ telam retexuit, quod ipsum quando in remittendâ sententiâ de hujus acrostichidis authenticâ me facere non dissimulo, desultoriæ credulitatis, quod spero, reus non habebor. Supposititiâ a. eam esse, *Opsopæus* in Dissertatione, editioni Parisiensis *Χρησµων* præfixâ, ut & in notis in hæc Oracula, argumentis minime contemnendis demonstrasse videtur. Videamus ergo, ne quod incertum, uti non pro nullo, ita nec pro certo, habeamus. Ita autem habent verba *Opsopæi* pag. 63. 64. in allegatis notis: 1. *Hujus Acrostichidos ab Aldo & Giraldo olim edita nulli veterum, præter Augustinum & Eusebium meminerunt, eandem tamen eruditi censent, quam Cicero viderit, & legerit, ut Colligunt è loco lib. de Divinatione secundi, quem supra pag. 120. præmisimus.* Sed quia de illo Carmine Cicero dubitat, hæc ei *Castalio* respondet. Quod dicit Cicero, Sibyllam hominum temporumque

Definitionem callidè sustulisse, non verè dicit. Nam ea ad finem secundæ libri apertè dicit, tum venturum esse illum Regem immortalem toti orbis dominaturum, cum Roma Ægypto imperare cœpisset: id quod accidit paulò post Ciceronem, sub Augusto, quæ religio jam hominum animos occupaverat, cum de reducendo in Ægyptum Ptolomæo ageretur (ut est in prima Familiarium epistolarum Ciceronis) qui Ptolomæus à Gabinio reductus est, Et paulò post: Quod autem dicit de Acrostichide Cicero, malè omninò colligit. Quasi verò sit difficilius, Deo vates agitati talia fundere carmina ex tempore, quàm Ennio adhibito & tempore, & diligentia. His à Castalione repositis Opsopœus ita respondet: Ego verò etsi lubens erudito doctorum virorum consensui subscribo, duo sunt tamen, quæ assensum inhibere possint. Primum, quod Iustinus Martyr, Theophilus Antiochenus, Athenagoras, Clemens Alex; & Firmianus Lactantius, crebri Sibyllinarum oraculorum laudatores, ne verbo quidem hujus Acrostichidis usquam meminerunt. Ac de prioribus quidem excusatio forsàn aliqua afferri posset, de posteriore verò, hoc est, Lactantio quid dicemus, quatuor versus tribus libri 7. intervallis sigillatim adducente, qui in hac Acrostichide perscripti extant? Putemus ne virum diligentissimum, & adhibendis Sibyllæ testimoniis accuratissimum, rem tanti ad Gentilium ora obstruenda momenti silentio fuisse præteriturum? Imò audaciter Acrostichidis seriem inversurum, & auctoritatem ejus temerè elevaturum? Nam qui versus ordine octavus per &c. incipit, πρὸς τοὺς, apud Lactantium per T. præfixum scribitur τῶν πρὸς τοὺς. Deinde dissensio est inter Lactantium & Augustinum, atque Eusebium de auctore istorum versuum. Hi duo Acrostichidem Erythrææ tribuunt, ille versuum, quos citat, auctorem aliam ab Erythræa expressè ponit. Sed & Augustinus ab Eusebio dissidet in Acrostichidis titulo è versuum capitibus proveniente, quod hic vocem σωπὸς superaddit, ille omninò non agnoscit, neque in libr. de Civ. Dei, neque in Oratione ad Catechumenos. Ista inquam, concludit Opsopœus, me dubitare faciunt: sententiam suam forte interponent alij. Omnia modestè. Quod dubium ex quaestione, suprà sub litera (b) de authenticâ horum oraculorum in genere motâ, vires acquirit, in primis, si, quæ Casaubonus ex nimia vaticinandi claritate eis objicit, cum hac acrostichide, ipsum nomen Iesu Christi αὐτολεξεί, cum ejusdem σωπὸς exprimentē conferamus, ubi audivimus arguentem, & ingenuè profitentem; Omnia hujus generis oracula, sive enunciata, quæ apertiora sint, eò fieri sibi suspectiora; rationibus

bus iis subjunctis, quæ ab analogiâ charismatis prophetici minimè abhorrent. Hæc cum ita se habeant, fateor, me de hujus Acrostichidis authenticâ post habitam Orationem multò parciùs sentire, quàm sensi, cum calamus eam conciperet, & memoria ejus propositioni coram auditoribus fuit commodata: ut jam per me cuilibet licitum sit, in eâ vel asserendâ, vel de eadem dubitando ingenio abundare suo; quod etiam D. Carolus in Systemate Locor. part. I. de Sibyllarum autoritate pag. 447. facere videtur, ubi de hac Acrostichide equidem scribit; *Non apparere, intelligi eam, quam Eusebius commemorat; quanquam ea faciliùs admitti possit, quàm Sibyllarum de aliquot nominatis Christi miraculis, de spineâ coronâ, de scisso templi velo medio, de trium horarum tenebris in morte Christi adducta carmina, cum hæc Acrostichis nihil contineat, quod à Prophetis antea non fuerit prædictum.* Et hæc quidem de Acrostichide ab Eusebio Erythrææ adscriptâ

(Bb. pag. 8.) Verba Clementis Alexandrini, quem Maresius in Sylloge Disp. part. sec. p. 493. thes. XXXIX. credulitatis nimie vitio laborasse ait, quibus libros Sibyllarum ab Apostolo Paulo commendatos fuisse scribit lib. IV. Stromat. ita habent; *λάβετε τὰς ἐκκλησιαστικὰς βιβλάς, ἡπὶ γνωσθε Σιβυλλὰν, ὡς θεοῦ ἑνὸς θεοῦ, καὶ τὰ μέλλοντα ἔσεσθαι: Sumite Græcos codices, legite Sibyllam, quæ unum Deum, & res futuras declarat.* Non autem intempestivum est Casauboni judicium, quod de hac Clementis, Iustini, Tertulliani, & aliorum Patrum laudatione, qua Sibyllarum libros æstimant, in Exercit. contra Baron. Num. XVIII. fol. 73. fert; *Quis ignorat, inquit, Iustinum, Clementem Alexandrinum, Tertullianum, & alios Patres libros sæpe laudare, quos jam nemo vel mediocriter studiis Theologicis imbutus dubitat Apocryphos fuisse, & quidem nota aliquando non optima, ac proinde jure optimo à Papa Gelasio, & Concilio Romano postea esse damnatos? sed tempore opus erat, ut fraus detegeretur.* Refero in hunc censum illa oracula Sibyllina, de quibus dixi. Nam quod Clemens Alexandrinus Paulum ipsum inducit Græcos rejicientem ad libros Sibyllinos, & ad Hydaspis Oracula, ut de filio Dei veritatem inde hauriant, traditio ea est, nullâ fide digna: nedum ut θεῖόν τι, aut κανονικόν eis adscribendum esse putemus; quin approbemus & sequamur Augustini Consilium, quod lib. XVIII. de C. D. cap. 47. dat, ubi scribit: *Quæcunq; aliorum Prophetia de Dei per Christum Iesum gratia proferuntur, possunt putari à Christianis esse conficta*

fiat. Idèd nihil est firminus ad convincendos quoslibet alienos, si de hac re contenderint, nostrosque fulciendos, si rectè sapuerint, quàm ut divina prædicta de Christo proferantur, quàm in Iudæorum scripta sunt codicibus.

(Cc. pag. 9.) Vide Bellarminum l. 1. de Christo c. 2. ubi asserit, Sibyllas multa clariùs prædixisse, quàm ullus prophetarum; provocans etiam ad ipsum modò ventilatum Clementis testimonium. Atquì hæc ipsa claritas argumento est, *ψαδενίχαφα* hæc tam apertè de Christo vaticinantia carmina esse; quia prudenter credibile non est, hominibus paganis, Apollini, aliisve deastris servientibus, ante adventum Christi revelatum fuisse mysterium, quòd discipulis ipsis Servatoris nostri, qui tertium jam annum illi operam dederant, institutiq̃ue ab ipso fuerant, paucis diebus ante Domini mortem erat occultum & ignotum. Neque tamen nos, inquit l. c. Casaubonus, sanè negamus, multa divinitus potuisse dici à Paganorum vatibus, non minus, quàm ab asina Balaami: illa tantùm rejicimus, quæ arcana religionis nostræ apertius explicant, quàm factum sit unquam à Dei Prophetis: nedum ut præsumamus, ex his carminibus contra Photinianos producere argumenta, qui Scripturæ, imprimis N. Testamenti autoritatem canonicam agnoscunt, & argumenta à nostris Theologis ex ea eludunt; quid non cavillare putemus in iis, quæ ex Sibyllis producuntur, quemadmodum suprâ in Oratione Socinum ex suo *Anti-Wieko* audivimus, negare ipsam Sibyllarum existentiam, verisimile esse, narrationes de Sibyllis fabulæ esse, & credendum potius videri, eas nunquam extitisse &c. ut Bellarminus hæc operâ demonstrationis de Christo eleganter supersedere potuisset.

(Dd. pag. 10.) etiam Cicero l. 2. de divinât. hanc Plutarchi Philosophiam ridet, quando hic in libro, *Quare miracula expiraverint*, inter alias rationes etiam hanc assignat; *Vetustate evanuisse vim loci ejus, unde anhelitus ille terra fieret, quo Pythia incitatâ mente oracula ederet*; quam rationem Cicero lib. cit. ita exhibilat: *De vino, inquit, aut salsamento putes loqui, quæ evanescunt vetustate, de vi loci agitur, neque solum naturalis, sed etiam divinâ; quæ quo tandem modo evanuit? Vetustate, inquit. Quæ vetustas est, quæ vim divinam conficere possit? Quid tam divinum, quàm afflatus ex terra mentem ita movens, ut eam providam rerum futurarum efficiat, ut ea non modò cernat multo antè, sed etiam numero versuque pronunciet? Quando autem ista vis evanuit? An postquam homines minus creduli esse cœperunt? Cæterum de origine horum oraculo-*

culoum nemo melius Iano Iacobo Boissardo in Tract. posthumo de divinat. cap. II. fol. 4. tractat., ubi ita scribit : Quo tempore Deus inter Israelitas oracula reddebat per suos sanctos Prophetas, Satan operum Dei emulus & imitator, responsa quoque dabat hominibus in templis & Idolis, quæ jam sibi erigi ubique curaverat, illudebatque miseris mortalibus, eorum mentes miraculis fascinans, ut eos ad suum cultum alliceret. Tunc quoque celeberrimum fuit per totum orbem terrarum Sibyllarum nomen, non solum quamdiu in hac vita superstites fuerunt, dum oestro demonum percita, & insano furore ac enthusiasmo extra se rapta plurima eventura pronuntiabant, sed etiam post obitum scripta quadam reliquerunt, quibus populi adhaerunt, & pro sacris testimoniis voluntatis divinae habuerunt &c. De hoc enthusiasmo Proclus ad Porphyrium ita scribit: Sibylla, qua Delphis est, Deum in se admittit duobus modis; vel subtilissimo vapore calido, & sicco ignee nature, qui exhalat ex hiatu speluncae: vel sedens in sanctuario, in abeneo tripode sacro Apollini: utroque modo exponit sese inspirationi divinae, quâ illustratur & occupatur radio ignis divini. Fitq; interdum, ut flamma ingens subito evolans è specu Phœbadem involet & repleat Spiritu divino: Aliquando sedens in tripode sacro, in quo se Deo venienti accommodat, vaticinationi firma se componit: Et sive hoc, sive precedenti modo Pythia Deo tota repletur. Hinc Ammianus Marcellinus in princ. libri 12. ait; Sibylla crebro se dicunt ardere, torrente eas vi magnâ flammarum. Confer eundem Boissardum cap. III. fol. 10. ubi etiam de Diaboli miraculis, quibus honorem Deo debitum ad se derivare laborat, agit, & tandem in hæc verba erumpit: Divinatio illa, qua ex Demonum revelatione capitur, cum nullas in natura causas habeat, sed superstitione nefariâ erroreq; mentis, & usu tantum temporum probata colligatur, prorsus est rejicienda. Adjicit etiam calculum Hieronym. Jordanus, Brunswic. Medicus, libro de eo, quod divinum aut supernaturale est in morbis, cap. XVII. ubi agit de ecstasi, raptu, prophetia, visionibus, & divinationibus; & pag. 69. inter alia scribit: Ad ecstasin & divinationem Diabolicam refero Sibyllas plerasq;, oraculorum Sacerdotes, Lappos, aliosq; vates Septentrionales, & Occidentales Americanos &c.

(Ee pag. 10.) Astipulor hîc Religioni Medici, ut ut non nuspiam suo sensu licentiosè abundantis, cui sect. XXIX. p. 182. 183. monstri simile videtur, hæc omnia, quæ passim de Oraculis referuntur, nondum dubiam

illam de Spiritibus, & Sagis sententiam expulisse: *Qui sagas, inquit, tollunt, tollere etiam Spiritus, nec aliud esse quàm indirectè. & consequenter, non incredulos sed atheos, putantes, ut subdit Añotator Levin. Nicol. Molkius pleraq; de spectris esse commenta, aut hominum imposturas, ut quidā Mundus, Paulina stuprator apud Iosephum l. 18. antiquit. Iud. cap. 6. Arnubidem se simulavit, aut Φάσμα, aliosve naturæ lusus, quas cùm homines simplices videant, spectra se vidisse evulgent; quale quid de speculo aeris Rheginorum in freto Siculo, quod in aëre offert theatrum multarum rerum varietate, columnis, edificiis, bestiis, hominibus ornatum Athanasius Kircher l. 10. p. 2. c. 1. de arte lucis & umbra refert; aut vehementem imaginationem, quæ spiritus conturbet; aut pavorem, quæ cùm aliquem invasit, aliquid, quod non ita revera est, apparere faciat. Sed quid verba audiamus, ubi videmus facta? Esto seposita Scripturæ autoritate & revelatione, Spirituum existentiam à priori probari non posse, quomocunque suum acumen in tentandâ hac demonstratione Scholastici exercent; num propterea à posteriori nulla in medio erit demonstratio, ut hos, quamvis invisibiles leones, ex unguibus discere non possimus? An phantasma est, si homines à loco in remotissima loca momento temporis per aërem deportantur, quam deportationem Hieronymus Jordan. lib. supr. citato cap. VIII. solidissimè demonstrat; quis eos deportat, si à Spiritu non transportantur? exempla sunt in promptu. Num ex corporis debilitate delirum minusq; cordatum dicemus Brutum, cùm intentis oculis noctu ad lucernæ lumen emarcentis speciem viri, immani magnitudine, diroque aspectu horribilem videret, & rogaret, quisnam esset? Spectrum autem responderet, Tuus, Brute, genius malus; in Philippis me videbis: Brutus autem fortî animo subderet: videbo? quod spectrum deinceps Philippis noctu Bruto se denuò ob oculos stitit, cū ille amisâ victoriâ postero die αὐτόχειρ interiret, ut Plutarchus in vita Cæsar. sub finem refert. Exemplorum in hunc sensum copiam fatiscimus.*

(Ff. pag. 10.) De admiranda dæmonum in homines potestate, si Deus eam illis indulget, testatur etiam Scriptura pluribus in locis; in Jobo, in obsessis, quorum multa exempla Evangelica historia refert: Et paulò suprà ex Boissardo c. 2. pag. 4. quædam documenta allegavimus. Imprimis etiam de hoc commate lectu dignus est modo laudatus Brunſwicensis Medicus Hieronymus Jordanus per multa capitali bri de eo, quod divinum aut supernaturale est in morbis corporis, cap. VIII. Quid Damon possit

in corpus Cap. IX. p. 32. Quid possit in animam; ubi simul de phantasia, memoria, intellectu & voluntate, item de prædictionibus. Imprimis cap. XVII. supra allegato, de Ecstasi, raptu prophetia, visionibus, divinationibus, & prophetiâ violenter influente &c. quæ omnia accuratè inibi tractantur, & lectu dignissima sunt.

(Gg. pag. 10.) Denuò remittatur lector de discrimine Prophetiæ, divinæ & Ecstasæως, seu divinationis diabolicæ ad modò laudatum Hieronymum Jordanum cap. XVII. pag. 68. 69.

(Hh. pag. 10.) Hunc dæmonum finem in dementandis per oracula hominum animis, & causâ indultus divini Boissardus Tract. posthumo cap. III. pag. 10 ita exprimit: *Horum (puta Dæmonum) conatus licet ad certos limites redegerit Deus, quos excedere non illis permittitur: tamen propter hominū ingratitudinem multa illis indulget, ut efficacius salantur, qui Dei verbi fidem & reverentiam præstare recusant.*

(Ii pag. 10.) Ex his manifestum evadit, hæc, Sibyllis quomodocunque inspirata oracula, quot quot non sunt Ἀδελφεία, ex immediatâ, revelatione ortum non traxisse, quia à Diabolo ipsis inspirata fuisse ex hæcenus dictis constat, qui tanquam simia divinitatis, & nec tendis ex Scripturâ consequentiis argutissimus Spiritus, ea ex Evangelio paradisiaco, ex promissionibus Abraham, Isaac, Jacobo factis, per sacrificia adumbratis, & Prophetis disertim inculcatis, pro sagacissimâ suâ ἀγχινοία colligere, suisque Mystis inspirare, & non ea, quæ Messia, sed Mundi, ac status secularis erant, sciscitantibus aperire potuit, & ipso facto aperuit; ut non opus sit operosâ & anxia inquisitione, ex quo nam digito Sibyllæ hæc sua vaticinia suxerint; an ex conversatione cum populo Dei, quemadmodum Boxhornius in hac principium Sibyllinæ divinationis pag. 24. 25. 26. & seqq. *Histor. Universalis* constituere videtur, concludendo; *Habuerunt igitur à Indæis Sibyllæ, quæ de Christo edixisse dicuntur.* Imò, inquam, & concludo ex dictis, habuerunt à Diabolo, qui faciendi consequentias vetus, ea ex Prophetarum Oraculis Sibyllis inspiravit, & eo sine vaticiniis suis, ut ea Herodotus appellat, κυβήλοις admiscuit, ut etiam falsis, per ea, quæ vera sunt, colorem illineret, & illinendo Πῶς ἔστιν Deus veritatis, ex Psal. 31. v. 6. esse videretur, qui *Pater mendacij est*, Joh. 8. v. 44. Quid enim opus fuisset isto tripodum, & diversorum generum inspirationis, isto ex antris halituum, isto ἀρχιμόνων θυμῶν, ut Eusebii

sebii verbo utar, *dedecorofarum furiarum*, aliarumque ceremoniarum apparatu, si hæc oracula tantum ex famæ, à Sibyllis per Judæos, ut *Boxhornius* opinatur, acceptæ, relatione principium atque originem habuissent? Rectè igitur, *Prophetarum ea oracula sunt, non Sibyllarum*; quod concludit *Boxhornius*; nobis etiam calculum conclusioni adjicientibus; num autem à Judæis ex relatione, an verò à Diabolo ex inspiratione principaliter hauserint, hoc est, quod quæritur. Nos principaliter à Diabolo hausta ex dictis colligimus; à Diabolo puta, qui ea ex præsuppositâ revelatione, prophetis à Deo factâ, colligere potuit; quanquam traditionem à Judæis acceptam non excludimus, quæ aliquid Sibyllis ad rerum scientiam, quæ fatidico deinceps spiritu fuit effusa, conferre potuit, ut *Boissardus* in Tractatu posthumo cap. II. fol. 4. scribit. Non, inquit, cum *Ethnicæ* essent mulieres, & idolis servirent, earum tamen aliqua communicaverant cum Hebraeis, tam in *Ægypto*, quàm in *Palestina*: & ex lectione sacrarum literarum, familiaribusq; colloquiis cum Israelitis toto orbe dispersis multa didicerant, quæ ad vaticinia pertinebant, & fatidico spiritu correptæ (ut *Damon* longâ experientiâ & tempore plurimâ cognosse & conjecturare potest) multa pronuntiabant de pœnitentiâ, de correctione vitæ, de futuro Messîâ &c. Neque enim opposita, sed supposita sunt, aliqualis revelatio, & superveniens demonum fascinatio, atq; in superstitione confirmatio. Hoc tantum in quæstione reliquum est; quomodo *Damon* in animam hominis, intellectum & voluntatem agere, & prædictiones inspirare possit? Quod *Hieronymus Iordanus* lib. cit. de eo, quod divinum aut supernaturale est in morbis cap. IX. imprimis pag. 35. 36. 37. & seqq. & cap. XVII. pag. 66. 67. 68. & seqq. accuratè tractat, dignus, qui legatur; quò lectorem brevitatîs causâ remitto. Dignissima etiam sunt, ut cum his conferantur, quæ *Maresius* in suprâ cit. Syllog. Disput. part. secund. pag. 493. & seqq. thes. XL. & seqq. scitè infert, in quibus nostræ sententiæ culculum adjicit.

(Kb. pag. 11.) Ferè consentientem *D. Calovium*, ut ex suprâ allegatis constat, hîc habemus; ubi quidem de Acrostichide, quam *Eusebius Erythrææ* adscribit, sitne illa *Ciceroni* lecta, nec ne? in negantem partem inclinat, cam tamen facilius, quàm reliqua minùs clara, sub Sibyllarum nomine circumlata oracula, admitti posse iudicat, cum nihil contineat, quod Prophetis antea prædictum non fuerit; Syst. I. c. 3. p. 447.

(Ll. pag. 11.) vide Psalm. 53. v. 3.

(Mm. pag.)

(Mm. pag. 11.) vide Joh. 4. v. 25.

(Nn. pag. 11.) vide 2. Sam. 23. v. 16.

(Oo. pag. 11.) vide 2. Sam 7. v. 14.

(Pp. pag. 11.) Hoc argumentum (dum Erythræa se *Apollinis Sacerdotem* appellat) invictum est, non Numinis, sed Dæmonis instinctu Sibyllas sua oracula fudisse, quia strictissima sunt verba Davidis; *Omnes Dii gentium Dæmonia*, Psalm. 96. v. 5. Atqui *Apollo*, cujus Sacerdotem Erythræa se profitetur, est *Gentium Deus*; & quidem spurcissimus Deus; ut ex ejus vitâ à Boissardo in Tract. posth. fol. 107. ex autoribus descriptâ, colligitur; Ubi inter alia refert; fuisse eum raptorem Daphnes Nymphe, Peneli filia, ejusque Sororis Cyrenes, quam in Pelio Thessaliæ monte rapuerit &c. Fuisse corrivalem Zephyri in depereundo Hiacynto adolescente Amyclæo formosissimo; & amatorem Branchi juvenis Thessali, proprii filii, quem ex filia Jaucis & Sucronis susceperit; adeoque stupratorem virginum, *ῥεσενονήτην*, & cum proprio filio incestuosum &c. Cur ergo non Dæmonium? Hujusne spurcissimi Dæstri Pythiam Numinis, non Dæmonis afflatu oracula fudisse, & quod Eusebius asserit, *Θείας ἐπινοίας ὄντως γενομένην μανθάνειν*, divinâ verè inspiratione refertam dicamus, eique credamus, quando in suis scriptis jactat, quod de solo summoq; Deo colendo scripsit, sibi dictatum fuisse à Spiritu illius summi & æterni Dei, si maximè nihil eorum, quod sub ejus nomine circumferretur, esset *ψευδής*, hoc est, ejus nomini falsò adscriptum. Transeant alia argumenta, quibus severum nostrum de his Phœbadibus judicium salvari posset. Læctu etiam digna sunt, quæ Marefius in Sylloge Disput. part. secund. p. 488. 489. affert.

(Qq. pag. 11.) De supplicio de sagis sumendo loquor hîc ex mente *Frederici Martinij*, Canonum apud Friburgenses Professoris quondam primarii, qui à D. *Thummio* tract. de Sag. Imp. p. 91. citatus, ita concludit; *Lamiae occidendæ sunt eo solo nomine, quod Deum abnegant, Dæmoni fidelitatem promittunt, idololatriam & apostasiam committunt, &c. etiam si hominem nullum veneno necaverint, segetibus & animalibus non nocuerint.* Hujus Rhadamanti judicium si justo rigorosius non esset, staret sententia, quam de Sibyllis, tanquam dæmoniorum Sacerdotibus tuli, quia pares culpæ & delicta, paria merentur supplicia. Verùm quia duæ gravissimæ quæstiones hîc examinandæ se offerunt, quarum prior agit de modo examinis Sagarum, scil. *An modus indagandi illarum facinora per tor-*
men-

menta sit legitimus? posterior: *Quo supplicij genere afficienda veniant?* certis de causis ambarum, imprimis prioris quaestionis examinationi immorabor: sit ergo quaestio prior:

An modus maleficos & sagas per tormenta querendi sit legitimus, nec ne?

Quod ad quaestionem hanc de *Tormentis* vel *Torturâ*, quæ & ipsa in specie *Quaestio* à J^Ctis appellatur, attinet, removenda sunt per ἀποὶν τὴν μὴ ἐνέμελεια, quæ eam, nisi accuratè removeantur, odiosissimam, ipsiusque judicis conscientiam scrupulosissimam reddere possunt. Duplicis autem generis sunt ea, quæ ad quaestionis statum non pertinent, referenda partim ad *torquendos*, partim ad *Torturam* ipsam. Quod torquendos concernit, qui sunt potissimum *Sagæ*, quæ in præsentem quaestionem veniunt, quarum albo etiam multi, qui masculini generis sunt, à Diabolo inscribuntur, sciendum est, triplicis generis eas esse, quas D. Thummius in tract. de *Sagærum impietate*, pag. 19. ex Meisnero & Mörliño distinguit; quarum aliæ tantum sunt *Melancholica*, quæ à Diabolo fascinantur, ut fœdus cum eo contraxisse, hæc vel illa fecisse opinentur, & postea fateantur, quæ tamen meræ illusiones sunt, nedum, ut fœderis aut actionis alicujus veritas iis subesse argui possit; aliæ Diabolo equidem realiter *fœderata*, non tamen maleficæ, damno aliquo vel hominibus, vel jumentis illato, aut facinore patrato, quod ultimo supplicio vindicari deberet; aliæ verò & *fœderata* & *maleficæ* simul, quæ abnegato Deo, Diabolo ad veneficia sese obligant, & quod ipsi in proximum, cui malè cupiunt, moliri non audent, occultè per Diabolum exequuntur. Hac distinctione observatâ, à quaestione abeunt & *primi*, & *secundi generis Sagæ*; *primi generis*, quæ sunt *melancholica*, quas si quis fidiculis adjudicandas aestimat, utique nihil aliud agit, quàm ut *morale* esse putet, quod *physicum* est, violento errore carnificem adhibens, ubi medicus substitui deberet, qui obstructions viscerum, ex quibus hujusmodi pathemata, quæ Diaboli balnea sunt, oriuntur, medicamentis huic malo appropriatis, juxta methodum suæ artis, aperire novit, in cuius morbi descriptione imprimis Casparus Marcucius, in tractatu, cui titulum fecit; *Quadripartitum Melancholicum*, excellit; Item jam multoties allegatus Hieronymus Iordanus, quantum ex ejus libro de eo, quod in morbis est *supernaturale* colligitur: Sic etiam *Sagæ secundi generis*, ut ut Diabolo, sed sine scelere patrato, *confœderata*; quarum peccatum, dum ab-

Deo sese obstringunt, equidem gravissimum est; *An a. fidiculis per tortorem tentandum, ultimoq³ supplicio afficiendum?* gravissima quæstio est, cujus affirmativam Carpzov. part. I. Crim. quæst. XLIX. n. 23. 26. 27. urgentibus argumentis & autoritatibus obtinere laborat; contrà quàm statuunt Theologi, qui fœdus hoc sagarum cum Diabolo magis pro interno spiritali, quàm externo politico peccato habent, foro poli, non soli competenter committendo, sanctissimisq³ institutis ex verbo Dei corrigendo, ut fœderata maligno spiritui à nefario hoc studio abducantur, & excusso Dæmonis iugo in gremium Ecclesiæ recipiantur. Argumentum, quo nituntur, & quod à Carpzovio nondum solutum inveni, tale est: Si peccatum in Spiritum Sanctum, quod gravissimum, & præter apostasiam à Deo cum blasphemiam doctrinalem conjunctum est, ultimo supplicio non punitur, quia internum & spirituale est, sequitur, nec fœdus sagarum cum Diabolo, si absunt maleficia, hanc ipsam ob causam, quia internum & spirituale est, puniendum esse ultimo iudicio. Atqui prius est verum. Ergò etiam verum est posterius. Hoc argumentum urget D. Thummius in tr. de Sagar. impiet. p. 92. 93. allegatis magnorum virorum, Ioh. Brentij, Ant. Prætorij, Augustini Lerchneri, Eichardi, Godelmanni, Lorent. Kirchovj, Ludovici Gûlnhausen/ Ioh. Halbritteri, Christoph. Besoldi, autoritatibus. Quicquid autem sit de secundi generis sagis, sine omni dubio reliquæ manent sage tertij generis, quæ fœdus cum Diabolo maleficiis incrustant, iis indiciis, ut mox audiemus, gravatæ, quæ ferè infallibilia sunt, ut tantum non pro convictis sint habendæ. Quod ad ipsam Torturam attinet, tot sunt *μη ζήτημα*, quæ ad quæstionis lineam non pertinent, quot sunt abusus, qui à iudicibus improvidis ac inconsultâ affectuum vehementia abreptis & perturbatis, adversus reos committi possunt, quos jus & æquitas prohibent, certos monstrando limites atque fines,

Quos ultracitraq³ nequit consistere rectum.

Non ergò de Torturâ tyrannicâ quæstio est, quam Wilhelm. Zepperus in Leg. Mosaic. Forens. explicatione l. v. c. x. pag. 747. refutandam sibi sumsit, quando scribit: *Ethnicum tormentorum horum, & tyrannicum inventum est, omnis charitatis & commiserationis expers*: quam horribilem quæstionis larvam imprimis D. Ioh. Matth. Meyfart. in tract. germ. cui titulum fecit, *Christliche Erinnerung an gewaltige Regenten &c.* per omnia ferè capita & omnes paginas ita exagitat, ac si ex professio tyrannidem approbarent, qui Torturam ad legum præscriptum defendunt, & quidē omnia tam excessivâ verborum vehementia, ut manifestè appareat, clarissimum

quin Theologum in hac ipsâ disputatione aliquâ impotentia mentis gra-
viter laborasse. Cap. 9. p. 71. scribit: **Man hat den Aussagen der Bet-
teln und Lumpen/den Bernheutern und Ehrendieben zu viel ge-
trauet / denen durch Tyrannische Quale außgelockten Bekants-
nussen zu viel geglaubet / den scharffen und veltischen Processen
zu scharff und veltisch nach geeilet.** *Averruncet Deus tyranni-*
dem ex judicio ! quid enim tyrannidi cum justitiâ ? Non enim hominis
exercent judices judicium, sed Domini, & quodcunq; judicaverint, in eos re-
dundabit, 2. Paralip. 19. v. 4. Viderint, quid responsuri sint Deo, qui
in miseros reos tyrannicè & beluine sæviunt ; quia judex non ita suo ar-
bitrio utatur, ut tanquam belua sensu & cupiditate ducatur, Olde-
kop. in Observ. Crim. Tit. IV. num. 10. Menoch. de arb. Jud. in proem.
n. 6. Nec 2. quæstio est de Forturâ, ex affectu vitioso judicis exudante,
hoc est, de Forturâ decretâ ex zelo secundum non scientiam ; **Auß et-
nem Mißverfer** ; in quo Zelo detestando *D. Meysartus* in alleg. tract.
à cap. 4. ad cap. 9. iterum tam vehemens est, ut verendum sit, ne ipse
hoc ipso morbo, quem tantum non ferramentis in iudicibus curare velle
videtur, validè laboraverit. Longum nimis esset, ejus invectivas in iudi-
ces, affectu vitioso abreptos, referre. *Capitis quarti* argumentum est ;
**wie hoch die jentige sich versündigen / welche auß unbedacht-
tem und falschem Eyser in threm Ampt verfahren.** *Cap. quin-*
to refert diversa maledicta peccata, unterschiedliche verfluchte
Sünden / welche die ungerechten Eyserer begeben. *Caput sex-*
tum est ejusdem argumenti ; ut & *caput septimum*, in quo etiam de ore ca-
lumnatorio horum Zelotarum agit, **von dem Lästermaul der unges-
rechten Eyserer.** *Caput octavum* per hierarchias peragrat, & in earum
Zelum inquit, quo à choro, thoro & foro adversus maleficos peccetur.
Vehementissimè omnium *caput nonum* in iudices ob veneficos invehitur ;
**wie heutiges Tags in dem weltlichen Stand so gar grausam
auß ungerechtem Eyser in Verfolgung der Zauberer gesünd-
get werde &c.** Sed quid hic tantus indignationis apparatus ad rhom-
bum ? quid ad judicium, quod causas etiam criminales ex officio,
modo, & viâ à legibus præscriptâ competenter cognoscit ? quippe
ad quod etiam quæstio pertormenta pro causæ qualitate & gravitate de-
cernenda pertinet ? quid aliud agit hic Theologus, his tot capitibus &

paginis, quàm ut cum larvis pugnet, & ea vitia taxet, quæ nos ipsi condiciti cum ipso detestamur? quanquam dubitari posse videatur, an ferè uspiam locorum in Imperio judicia inveniantur, in quibus tales iudices, quos citius cyclopes, aut bestias, quàm iudices quis diceret, tribunalia occupant; quia *judex*, ut *Oldekop. Observ. Crim. tit. IV. num. 12.* scribit, *presumitur vir bonus, æquus, & prudens, in lenitate potius peccans, & clementiâ, quàm in severitate, ut minus potius, quàm plus torqueat.* Si quisunt, qui suis affectibus indulgent, & arcum intendunt, ut etiam insontes non tuti sint à criminali iudicio, viderint, quid Deo, qui sanguinem eorum requirit, & non obliviscitur clamorem pauperum, *Psal. 9. v. 13.* aliquando sint responsuri, modò quæstionis statui non immisceatur hæc affectuosa & sanguinolenta iniquitas. Nec 3. de occultis, nullisque indiciis proditis sagarum facinoribus est quæstio; quâ *Meyfartus* cognitionem per tormenta in dubium vocare laborat, quando tract. allegato cap. 16. pag. 31. 32. arguit; *sagarum peccata esse occulta, ergò & per torturam in ea inquiri non posse, secus punitum iri insontes cum fontibus.* Cap. eod. pag. 133. *esse peccata imperscrutabilia:* **Obrigkeit soll die notorische und bewußte Laster ernstlich straffen: Wo aber ohnerforschliche Stuck vorlauffen/wie kan die Obrigkeit darinn richten / und daher straffen? und von ohnerforschlichen Sachen pfleget die Kirch nicht zu urtheilen / nach dem Sprichwort: De occultis non judicat Ecclesia.** Cui iudicium hæc absurditas unquam in mentem venit, ut ob planè inscrutabilia & incognita scelera quenquâ, etiam ipsum Diabolum si corporaliter torqueri posset, aut fidiculis ligandum, aut equuleo subjiendum statuerit? Nec 4. de Torturâ, quæ susque deque lato indagandæ veritatis studio decernitur, quaeritur, sicut *D. Meyfartus* iterum quiritationem, vix de iudice, cui adhuc scintillula conscientiae superest, præsumendam ingeminat, quando c. 10. p. 78. 79. scribit: **Der erste Vorsatz der Regenten und Officianten gehet nit immermehr dahin/die Wahrheit zu suchen/und den Handel außzufundigen / sondern Ursach und Anlaß zu finden / wie die Büttel ein fangen und fesseln / die Hexenmeister urtheilen und verdammen / die Hencker foltern / brennen / und köpfen / die Regenten pfänden und straffen können &c. Et c. 15. p. 114. Quibus volupe est fundere sanguinem humanum: welchen ein kurtweil ist/wann man Menschen Blut vergießt.** Qui hoc, & non alio

sine reos tormentis adjudicat, is certò sciat, se juxta illud Philonis Sap. 6.
 v. 4. *Potentes potenter punientur*, vicissim tortum iri à justo Deo per
 tortorem infernalem; nedum ut tam profligatae intentionis imperatus
 equuleus ad quaestionis circum pertineat &c. De his, aliisque casibus
 Torturae reorum adhuc multis, cum D. König, quem M. Waldschmidtus
 in *Pythoussa Endor*. p. 353. allegat, dicimus: *Negar non potest, quod (Tor-*
tura) in multis veritatem suffocet potius, quam propalet, nec non innocen-
tes etiam pra nimia acerbitate ad eorum confessionem adigat, quae ne cogi-
tata quidem, nedum in effectum unquam fuerunt traducta. Verum enim ve-
rò haec omnia per accidens eveniunt; ac si vellet inferre; haec omnia, si ad
 Torturam ex processu criminali omninò eliminandam obijciuntur, ma-
 nifestam fallaciam *Accidentis* peccant, & concludunt nihil. Reliquum
 igitur est, ut statu quaestionis per ἀπορίν examinato, etiam per ἑστίον indi-
 cetur, quæ nam Tortura ad quaestionem pertineat? Eanempe, quam pro-
 videntissima jura definiunt, certisque cautelis circumvallant, quibus ob-
 servatis fieri non potest, ut torqueatur innocens: *Tortura*, inquam, quæ
 quidem est *inquisitio ad eruendam veritatem per tormenta*; juxta Carp-
 zov. *Pract. Crim.* parte III. quaest. CXVII. sed, ut noster Bocerius p. m.
 tract. nov. de quaest. & tort. c. 1. n. 3. addit, *legitimè à judice instituta*;
 quâ unâ additione omnia à Tortura præscinduntur, quæ adversus miseros
 reos à judice peccari possunt per accidens: *Tortura*, in qua iudices à novis
 & inauditis tormentorum generibus abstineant, & recta rationis moderatio-
 nem ita faciant, ut delicti, persona, & indiciorum qualitas requirit; Carpz.
 l. c. n. 69. Imprimis si ad severiorem ejus gradum deveniendum est, qui lo-
 ci m non habeat, nisi in criminibus exceptis & nefandis (quale etiam est
 beneficium) *indiciis multum urgentibus, & certissimis occurrentibus, ut so-*
la confessio deficere videatur; idem l. c. n. 65. *Tortura*, à quâ excepti sunt
 impuberes, furiosi, Melancholici, muti, surdi, quandoque etiam coeci, de-
 biles corpore, imprimis nimium senes, si non robusti sunt, aut perspicaces,
 valetudinarij, praegnantos, puerpera, dignitate præcellentes; Idem l. c. quaest.
 CXII. per tot. *Tortura non nisi in delictis atrocioribus ultimo supplicio, vel*
pœnâ corporis afflictivâ dignis; Idem quaest. CXII. n. 3. *de quorum corporib.*
constat, ibid. n. 54. Tortura, quæ reo nunquam absque indicis, à judice se-
cundum jus & aequitatem accuratè examinatis inferatur; Idem l. c. quaest.
 CXX. n. 1. 2. 3. *cujus actu non nisi remisso, reus articulatim, interrogatio-*
ne brevi examinari, & super qualitatibus facti interrogari debet, ejusque
 actu

*effu ab ađuario judicij diligenter consignato; Idem l. c. quæst. CXXIV. n. 26. etiam circumstantiis delicti, de quibus tortus est confessus, à judice indagatis, idem n. 26. Summatim, ut alia multa transeant, Tortura, qua in ipsius judicis pœnam vertit, si reum illegitimè torqueri faciat; Idem Carpz. l. c. quæst. CXXVII. n. 1. 2. imprimis si judex dolosè id fecerit, ac reus inde moriatur, ut mortis supplicium sibi vindicet; Idem ibid. n. 4. 5. 6. 7. unde injustè torto actio injuriarum adversus judicem competit; actio item utilis legis Aquilia, idem ibid. n. 15. 16. 17. & quidem actio non tantùm annalis, sed perpetua, ibid. n. 22. 23. etiam præsuntione juris contra judicem pro reo stante, quòd tortura injustè fuerit decreta, ibid. n. 27. ob quam causam judex torto emendam præstare tenetur, ibid. n. 35. damnum item, & operas, quibus imposterum reus est cariturus, resarcire, n. 40. juxtaque extraordinariè puniri, ibid. n. 42. 43. &c. De hac, inquam, Torturâ, his limitibus juris & æquitatis determinatâ, his conditionibus & requisitis circumvallatâ, à defectibus & vitiis, quæ D. Meyfartus in libro citato *der Christlichen Erinnerung* &c. perpetuâ accidentis fallaciâ objicit & ingeminat, undiquaque purgatâ, disertim quæstio est: *An ea legitimus modus sit indaganda veritatis scelerum veneficorum & sagarum? An verò modus tyrannicus? Ein Tyrannische Qual* / ut D. Meyfartus instat, l. cit. pag. 71. imò *diabolicus, Ein Teuffelische Tortur* / idem e. 20. p. 159. *qua Hispanica inquisitioni omnia similis, so der Spanischen Inquisition gang ånsich* / idem e. 35. p. 259. *Auff welche / sonderlich im Proceß wider die Hexen / gar nichts zuhalten* / cap. 23. p. 180. & seqq.*

Statu igitur quæstionis per ἀπορίαν & ἡσίων legitimè formato, affirmativam pro Torturâ tuemur; idque non nostris, sed D. König verbis, à M. Waldschmidio lib. & loc. suprâ citato allegatis, ita scribentis: *Interim salutaris ejus (torturæ) potest esse usus, si prudentia judicis interveniat, qui torturam non adhibeat, nisi de crimine, de quo agitur, liqueat, quòd certò sit admissum; nisi competens pœna sit corporis afflictiva; nisi veritas aliunde haberi non possit; nisi advocati in exculpationibus defecerint, & nisi ad eum modum, quem constitutio Carolina observandum ordinem præscribit cap. LX. sic tum etiam clavus rectè tenebitur, & nec in dextrum, nec in sinistrum a viâ regiâ divertetur.*

Primum argumentum sumimus à jure gladii, quo Magistratum ordinarium cinctum esse legimus c. 13. v. 6. in epistola Apostoli ad Romanos, inquentis: *Non sine causa gladium pertat, Dei enim minister est, vindex in iramei, qui male agit.* Ex quo loco ita pro Torturâ argumentamur: Si magistratus ordinarius gladio potest, imò debet vindicare cognita delicta ejus, qui male egit, sequitur, eum etiam posse, imò, si necessitas requirit, debere delata, certisque indiciis indicata delicta examinare & quætere equuleo. Ratio consequentiæ duplex est in ipso textu; tum quia gladius & equuleus, aut quodcunque usitatum torturæ instrumentum, in hoc passu sunt synonyma; tum quia majus est, cognita delicta gladio, hoc est, si atrociora sunt, ultimo supplicio, laqueo, rotâ aut flammâ vindicare, quàm certis indiciis delata fidiculis aut equuleo examinare, & necessitatem vera fatendi, ut veteres Quæstionem appellarunt, reis imponere &c.

Secundum argumentum sumimus à Novi Testamenti libertate disponendi in ceremonialibus. Notissima est, etiam in legibus Mosaicis forensibus quoad modum poenarum & gradus admissa distinctio, inter id, quod *Morale*, & id quod *Ceremoniale* est, quorum illud, nempe *Morale*, semper obligat, *Ceremoniale* autem tantum in Veteri, non amplius in Testam. Novo; verbi gratiâ, in lege de puniendo furto, in qua *Morale* est, quòd hoc scelus puniri debeat; *Ceremoniale* autem, hoc est, gradus puniendi, quando determinatâ poenâ restitutionis pro diversitate circumstantiarum, modò quintupli, modò dupli, aut etiam venditionis sui, Exod. 22. v. 1. 3. 4. puniebatur; Ibi tò *Morale* Magistratum semper, & adhuc obligat, in eo consistens, ut furtum puniatur; *Ceremoniale* autem, consistens in modo puniendi, Magistratui liberum relinquitur, ut pro arbitrio, quod publicæ quieti & securitati conservandæ consentaneum est, huic sceleri, ut & aliis facinoribus, poenas & supplicia statuatur, admodum a. poenæ à Mose præscriptum, non amplius restrictus: hinc illa judiciorum sub Novo Testamento multifaria, & à politia Mosaica differens varietas; *Quamquam si tamen Magistratus* (sunt verba nostri Hafenrefferi in Loc. Theolog. I. 3. Loc. IV. p. 393.) *aliquos forenses leges, utpote de poena furti, adulterij, stupri &c. revocare veller. id non tantum liberum, sed maximo cum applausu bona conscientia, quæ istâ divinâ ordinatione iucundissimè acquiescit, conjunctum esset.* Si ergò secundum hanc distinctionem, inter tò *Morale* & *Ceremoniale* Christiano Magistratui libe-

sum est, id, quod in sceleribus puniendis ceremoniale est, nempe modum puniendi, aut intendere aut remittere; cur non eidem liberum sit, etiam modum examinandi sceleratos fidiculis intendere, aut remittere in modum quæstionis maleficorum, quem Deus in lege Mosaica præscripsit? argumento iterum à minori ad majus sumpto.

Tertium argumentum sumimus à necessitate quæstionis per tormenta ob indies invalescentem nostri seculi malitiam, quæ pro deridiculo haberentur gladius, rogi, rotæ, patibula, si expectanda esset maleficorum sine fidiculis confessio; à quorum audacia ne si quidem tuta est humana societas, ut exempla tragica & horrenda testantur, quæ tantum in veneficarum quæstione in apricum prodeunt, & in exhorrescendis corporibus delictorum (proh dolor) ob oculos versantur, ut intuenti ea comæ stent præ abominatione eorum, quæ Diabolus per hæc sua mancipia inter ipsos Christianos patrat & molitur. Quid futurum putemus, si remitteretur hæc severa in patrata scelera inquirendi Nemesis, & huic duro nodo hic durus caneus non esset quæsitus? Quod argumentum *Antonius Matthæi* de Criminib. lib. XLVIII. Dig. Tit. XVI. de quæst. c. VI. p. 801. ita proponit: *Nec improbat institutum successus, ita enim feliciter per equuleum exprimitur veritas, ut Cicero scripserit in Topicis, ipsam veritatem videri dicere, quæ verberibus torti, in igne fatigati dicunt &c. Item Veteres quoque quæstionem necessitatem veram fatendi dixisse.* Quod utique facinorosis formi dolo sum esse, eorumque manus de tabula facinorum dimovere deberet; quod argumentum eò fortius evadit, quò debilius *Matthæi*, qui argumenta contra Torturam validiora esse putat, argumentis, quæ pro Torturâ stringuntur, illud, ut mox audiemus, solvit, aut solve conatur. Gravissimè omnium hoc argumentum confirmat *Megalander noster Lutherus*, tom. 7. Jen. fol. 362. ubi scribit: *Umb solcher harter verzweifelter/ böshafftiger Leute willen/ die alles auffe Lügen thun/ da man mit dem liebsten Recht nicht kan zu ihnen kommen/ muß man solches Nothrecht (puta torturam) und blinkend Recht lassen gehen/ und geschehen.* Et mox ibid. *Weil wir müssen unter den Trebern wohnen/ müssen wir wogen/ ob uns die Säufressen/ wir müssen uns mit der Welt niesen.*

Quartum argumentum sumimus ab atrocitate delictorum, quæ malefici & veneficæ designant, item à magnitudine damnorum, quæ
hoc

hoc Deo, sed non inferis, ex osum genus hominum proximo infert, ut & cruciatibus, cum quibus miserrimè conflictantur, quos malefica eorum manus tetigit, aut saltem halitus, qui veneni diabolici vehiculum est, afflavit: qui affectus Medicorum & Medicinæ ludibrium sunt, ipsam resinam in Galaad pro deridiculo habentes. Hisne Diaboli mancipiis, quorum delictorum corpora in medio sunt, & indicia probationes plusquam semiplenas constituunt, quærendo parcatur, quæ affligendo & cruciando, imò torquendo proximo non parcunt, & permanentia damna inferunt, quæ mortem ipsam superant? *Non parcat ei oculus tuus, neque miserearis*; Deut. 13. v. 8. si in puniendo, cur non etiam in quærendo?

Quintum argumentum sumimus ex Constitutione Criminali Imp. Caroli V. quæ Torturam publicæ securitatis causa in criminalibus judiciis sceleratis decernendam confirmavit; quæ Constitutio, quia publica, imò Imperatoria est, in universo Imperio Romano recepta, & à JCtis in jure dicundo ipso facto observata, num contra torrentem ibimus, pro Rhadamantis, imò tyrannis aut carnificibus habituri judices, qui facinorosos, & indicibus sufficientibus gravatos quæstioni per fidiculas adjudicant? Absit à nobis tam dura adversus magistratus, cui honor suus debetur, Rom. 13. v. 7. præsumptio.

Restat, ut examinemus argumenta in contrarium, quæ à D. Ioh. Matthæo Meyfarto tract. suprâ allegato germanico, item à Wilhelmo Zeppero lib. de legum Mosaicarum explanatione, & Antonio Matthæi, JC. de Criminib. contra quæst. per tormenta afferuntur: quid ea in recessu habeant, vel habere videantur, sed non habent, dehinc examinabimus, oculo principaliter conjecto in Zepperum, qui præ reliquis plausibiliter disputat.

Argumenta contra Torturam, cum eorum solutione.

Prima Ratio Zepperi l. V. c. X. de tormentis, de sumpta est à defectu fundamenti in Scriptura S. *Primum*, inquit, *in universâ sacrâ Scripturâ ne gry quidem de illis (torturis) habetur.* Ergo ea non tam necessaria sunt, ut sine illis judicia criminalia exerceri non possint. Sextum id argumentum est Antonii Matthæi JC. de Crim. de quæst. c. 10. p. 803. ubi inquit; *In plurimis legibus Sacri Codicis nullum quæstionis vestigium reperiri.*
D. Mey-

D. Meyfart. im Christlichen Bericht / c. 17. p. 134. paucis, proponit hoc argumentum : **Zekunder fangen wir an / scribit, von der Tortur oder Marter / welche unter dem Volck Gottes niemals erhört / viel weniger gebraucht / aber von den grausamen Tyrannen erfunden worden.** *Respondeo* 1. hoc argumentum statum quæstionis non tangit, à quâ supra fuit semotata talis torturæ necessitas, sine quâ judicia criminalia exercere non possunt. 2. Sicut in jure non sequitur; Lex aliqua secundum literam non arguit; ergò nec argumento, hoc est, per consequentiam arguit: ita in Scriptura non sequitur; dictum hoc vel illud κατὰ τὸ πῆλιν non concludit; ergò nec concludit per consequentiam; Sic hic non valet; nulla lex, nullum dictum, cujus litera de torturis agit, in tota Scriptura habetur; ergò ne gry quidem de iis in Scriptura habetur. Argumentum, quod supra ex ad Romanos c. 13. v. 4. de gladio, Magistratui in ultionem accincto, ad statuminandam torturam deduximus, lectoris judicio committitur, an pro gry habendum sit, nec ne? Annon 3. etiam profundamento ex Scriptura ad probandam torturam sufficit, quod τὸ *Morale* Quæstionis in facinora reorum iudiciis in Scriptura expressè inculcatur, dum lex Mosaica Deut. 13. v. 14. *magnâ*, ut ipse Zepperus p. 756. scribit, *cum emphasi & pondere verborum repetit; Inquirer, investigabit, interrogabit, idq. diligenter:* utut modus inquirendi, investigandi, interrogandi arbitrio Judicis in N. T. legibus Mosaicis abrogatis, sit relictus. Sed & 4. alia adhuc subest ratio, cur hoc in passu à legibus Mosaicis V. T. consequentia ad leges quæstionis in N. T. non tam firma est, ut quidem Zepperus ex argumenti sui fiducia fuit opinatus; quia in V. Testamento ea adminicula confessiones scelerum ex reis exculpendi in promptu erant, quæ in N. Testamento amplius non habentur; cujusmodi erant sortes, quarum exemplum Josuæ 7. v. 14. extat, ubi ipsius Dei jussu Achan sorte sacrilegus fuit deprehensus. Nec refert, eas extraordinarias fuisse, ut Calvinus in Jonam de iis scribit, *quòd peculiare instinctus fuerint, ubi servi Dei usi fuerint sorte in rebus dubiis & externis:* hoc ipsum enim est, quod volumus, nempe ab eâ politiâ, in quâ Deus etiam extraordinariis in reos inquirendi mediis usus est, quoad modum inquirendi argumentum ad politiâ, in qua extraordinaria inquisitio nulla est, non valere: præterquam quòd etiam ordinaria aliqua in scelera quæstio in ista politiâ in usu fuit, quæ itidem in politiâ Christiana deficit, nempe *potio amara*, quâ

bibitâ adulterii reæ *venter* intumuit, Num. 5. v. 13. & seqq. Cur ergo cri-
minemur Christianum Magistratum, ejusve conscientiam turbemus,
si publicæ securitatis causâ, secundum leges, reis gravatis fidiculas ad-
hibet, ut scelera vindicet, quæ cæteroquin cum præsentissimo bonorum
periculo sub dolofo cinere laterent?

Secundo arguit Zepperus p. 747. Horum tormentorum inventum
esse ethnicum, tyrannicum, omnisque charitatis & commiserationis
expers, quæ fontibus etiam, & reis, nedum illis, quos fontes esse non ex-
ploratum habemus, suo modo debetur: D. Meyfartus in tract. alleg.
p. 166. pro vehementiâ sibi solitâ, torturam Diabolo adscribit, ubi inquit:
**Ist die Tortur von dem Teuffel erdacht / und erhöhet / wie kan
ein Christ selbtge vor ein dienliches / nuckliches / gewisses / und
unfehlbares Mittel / die Warheit an das Licht zu bringen / ach-
ten? &c.** Atqui, ut respondeamus, quod res est; Annon quod in tortu-
ra tyrannicum, imò Diabolicum est, suprà à quæstione per ἀπορίν for-
matâ fuit abscissum? ergo non valet conclusio, de cepis, quæ ex præ-
missis de alio infertur. 2. Negamus torturam commiserationis reis de-
bitam esse expertem, quia ex statu formato constat, quàm accuratè ju-
ra reis caveant, ne etiam fontes acerbius, quàm par est, torqueantur: &
sicut lex divina moderationem de cæsiōe per virgas cædendis adhibere
jubet, ne vilesceret frater; Deut. 25. v. 2. 31. ita etiam jura reis cavent, ut mi-
nus potius, quàm plus torqueantur, & tortus salvus maneat tam innocen-
tiæ, quàm supplicio; *Oldekop. Obs. Crim. Tit. IV. n. 11.* 3. Argumento Zep-
peri subest manifesta falsitas hypotheseos, ac si illi, quos fontes esse planè
nondum exploratum sit, torturæ censeantur adjudicandi: falsa est, in-
quam, hæc hypothesis, si tales fontes intelliguntur, qui etiam indicis
culposi non sunt; & quos ita culposos esse exploratum non est; quia
non, nisi gravissimis, ac per testes indubitatos probatis indicis, quæ ipsa
culposa sunt, reosque facinorum tantum non convincunt, gravati cō-
necessitatis ad confitendum adiguntur: exempli gratiâ; si quis homici-
dii veneno patrati, accusatur, non protinus fidiculis adjudicetur, ad
edisserendum facinus, sed indicis gravatum esse oportet; 1. ut vene-
num emerit; aut præparaverit; sic præscribente *Ordinatione Caroli V.*
art. 57. aut si emti veneni convictus fuerit: **So der Verdachte wird
überwiesen / daß er Gifte gekauft / oder sonst darmit umbgangen;
quod ideo culposum est, quia Pharmacopæis, aliisque, qui venena tra-**
ctant,

Stant, & venenum exponunt, prohibitum est, absque speciali permissione cuiquam venenum vendere; dict. artic. 37. &c. 2. Ut reus cum extincto per venenum capitales inimicitias gesserit; aut ex morte aliud commodum, vel concupiscentiæ suæ satisfactionem expectasse probari possit, dict. artic. 37. ubi text. ait: **Und der Verdampfte mit dem Vergiftten in Bneintigkeit gewesen / oder aber von seinem Tod Vortheils oder Nutz wartend wäre / oder sonst eine leichtfertige Person / zu der man sich der That versehen möchte.** 3. Ut reus venenum emerit, emptum autem à se coram iudicio negaverit, ac nihilominus de hoc convictus fuerit; quod iterum culposum, quia mendacium magistratui dictum, magnum scelus esse putatur, & prius indicium in tantum aggravat, ut dubitandum non sit, quin accusatus sub tormentis interrogari debeat, in dict. artic. 37. Ord. Carol. **So einer Gifft Kaufft / und deß vor der Obrigkeit in Leugnen stünde / und doch deß Kauffs überwiesen würde / auch gnugsame Ursachen zu fragen / war zu er solch Gifft gebraucht / oder brauchen wollen.** Tantum abest, ut quos fontes esse planè non exploratum habemus, torquendos iura pronuncient, nedum, ut Theologus, ad quem hæc quæstio propriè non spectat, tale quid somniet.

Tertium argumentum Zepperi est pag. 748. Torturas hæc Augustinum non tantum improbare, sed etiam deplorare, ac l. 19. de C. D. c. 6. inter errorem humanorum iudiciorum, cum veritas latet, illas referre, & conqueri; quod dum interrogatur quispiam, utrum sit nocens, crucietur, & innocens luat pro incerto scelere certissimas pœnas, vel etiam innocens de alterius peccato torqueatur; cumque iudex propterea torqueat accusatum, ne occidat nesciens innocentem, fieri per ignorantiam miseriam, ut & tortum, & ignorantem occidat, quem ne ignorantem occideret, torserit: addito tandem; Hanc rem intolerabilem, magisque plangendam, rigandamque, si fieri posset, fontibus lacrymarum, Hunc ipsum Augustini locum etiam Antonius Matthai lib. supra citato de quæst. loco argumenti septimi adducit, eumque contra torturam urget; addito etiam Cominentario Ludovici Vivis, in quo tyranni immanioris inventum tormenta appellat, quando Locus est apud Rhetores Communis de tormentis, contra tormenta: Fortissima sunt, quacumq; contra tormenta dicunt, quæ verò pro tormentis, futilia & imbecilla. Sed in promptu est Responsio I. Augustini verba ad statum quæstionis non attinent, quippe

quæ loquuntur de torto innocente, qui incerto scelere certissimas poenitent luit, hoc est, de eo, qui indiciis urgentibus nondum est gravatus, & tamen quæstioni per tormenta subicitur, quod juri & æquitati omninò contrarium, adeoque fontibus lacrymarum eum temporis deplorandum fuit, quem rigorem moderna judicia, ut in quæstionis statu indicavimus, corrigunt: subdit tamen Augustinus in hoc ipso capite, & judicem per tormenta quærentem excusat, inquiendo; *Non hæc facit sapiens judex nocendi voluntate, sed necessitate nesciendi, & tamen quia cogit humana societas, necessitate judicandi.* 2. Ludovici Vivis locus expressè de tormentis iis agit, quæ immanioris tyranni inventum sunt, quæ quanto intervallo à quæstione nostra distent, ex ejus formatione patet.

Quartò argumentatur Zepperus pag. 749. *Multos tortos confessos esse, se admisisse, quod tamen non ab ipsis, sed ab aliis perpetratum res ipsa serò docuerit: è regione tantam esse quorundam in perferendis tormentis constantiam, vel potius duritiam & obstinationem, ut etiam exquisitissimis cruciatibus ad confessionem impelli non potuerint illorum scelerum, quorum tamen reos fuisse vel tum constiterit, vel veritas, filia temporis postea docuerit;* Adducit hoc idem argumentum Anton. Matthæi lib. cit. quod ei est numero secundum, ubi pag. 802. scribit: *quod falsa plerunq; dicendi causam præbeant tormenta, sive durum & robustum, sive infirmum torseris, Robur enim mendacium facile facit, infirmitas necessarium &c.* Dici vix potest, quàm excessivè hoc argumentum D. Meyfartus per multa capita & paginas multas exaggeret: ut nimis prolixum foret, spumam verborum huc transferre: quod argumentum Megalander noster Lutherus longè modestiùs, longè graviùs stringit, quando tom. 7. Jenes. Germ. fol. 60. 6. contra Episcop. Magdeburgensem Albertum demonstrat, quod *loh. Schenizium* injustè torserit, ubi inter alia scribit: **Daß die Marter und Würgen im Kerker ein fahrliche Rechtfertigung ist / da offte Unrecht begangen wird /** fol. 361. a. Item: **Wie offte ist auch mehr geschehen / daß etwan auch Leut sind hingerichtet auff ihr Bekantnuß / da man hernach über etliche Jahr erst bekommen hat die Rechtschuldigen / und ist ihnen gleichwol unrecht geschehen. &c. Wiederrumb ist war / daß etliche Leut so steiff / vest / und mehr / denn Eisenhart seind / daß sie lieber sich töd lassen martern / ob sie wol schuldig seind / ehe sie wollen bekennen.** Ib. f. 362. a. Et benè notandum est, quòd Zep-

perus hoc argumentum experiētiā adeo approbatum afferit, ut exemplis, ex *Valer. Maximo* lib. 8. 4. & *Alexandro ab Alex. l. i. genial. dierum cap. ult.* adductis subdiderit: Cujusmodi exempla etiamnum bodie ignota non possunt esse illis, qui vel tenuem vitæ hujus usum habent; quod imprimis ex *Appendice* videre est, quam *Iustus Oldekop* *Observationibus suis Criminalibus Practicis* appendit, in qua præter aliquot exempla eorum, qui verè rei exquisitissima tormenta contemserunt, & constanter superarunt, adhuc exempla XLII. eorum ex variis autoribus, *Fulgos. Gilhaus. Alexand. ab Alex. Sabell. Justin. Iul. Car. Valer. Max. Cornel. Tacito*; imprimis *Ioh. Gravio Clivens.* refert, qui injustè torti, dolori cedentes, delicta, quæ non patravissent, de se confessi, ultimo supplicio affecti, postea autem innocentes reperti fuerunt. Sic etiam *Lutherus* loc. sup. citato fol. 61. b. recenset tria exempla ejusdem argumenti; unum ex *Hieronimo* de muliere septies percussa; alterum ex *Augustino*; tertium de mercatore *Metense*, quod circa tempora ejus contigisse videtur, & tam horrendum est, ut *Megander* ejus narrationi hæc verba præmittat, *Aber daß zu Metz geschehen ist / möchte wol Richter und Juristen blöd machen*: hisque verbis concludit: *Es seynd jämmerliche und schreyliche Fälle unter Menschen Kindern / da der Teuffel Lust zu hat / &c.* Ex quibus omnibus constat, hoc argumentum, si in formam redigitur, fere videri indissolubile; quod quidem tale est: Cuicumq; modo indagandi veritatem scelerum subest tam periculosa fallacitas, ut per eum etiam insontes ultimo supplicio contingat affici, contra scelerum fontes dimitti, ille modus in Criminali judicio est illegitimus: Atqui modus per tormenta indagandi veritatem scelerum talis est, cui hæc tam periculosa subest fallacitas: Ergo modus indagandi veritatem scelerum per tormenta in judicio criminali est illegitimus. Utraque Præmissa radiare videtur: Major quidem per hanc rationem consequentiæ, quia imprimis in Criminali judicio judex in ferendâ sententiâ mortis extra omnem dubitationis aleam positus esse debet, ut de patrato rei scelere ferè tam certus sit, ac è regione certus est de innocentia conscientie suæ, quia præterea satius est, mille nocentes dimittere, & committere immediato Dei judicio, quàm unum insontem supplicio ultimo adjudicare; Dominus enim est, qui vitæ & mortis potestatem habet, & deducit ad portas mortis, & reducit; homo autem occidit quidem per malitiam animam, & cum exierit spiritus, non revertetur, nec revocabit animam, quæ recepta est; sed domi-

ni manum effugere impossibile est; Sap. 16. v. 14: Et ex Apocalypsi notum est, quàm ardentè vindictam sanguinis sui apud Deum urgeant animæ eorum, qui injustè trucidati sunt, Apoc. 6. v. 10. qua de causa testes in Criminalibus omni exceptione majores requiruntur, ut rei non nisi convicti ~~que~~ confessi condemnentur, & judicis conscientia tuta sit, etiam si flammâ in patratum scelus, ob atrocitatem animadverti oporteat. Sed nec *Minori propositioni* aliquid ad sui confirmationem deesse videtur, ob exemplorum copiam, quibus probatur, multos ex impatientiâ tormentorum confessos fuisse scelera, quorum fuerunt puri, & ultimo supplicio affectos, quorum innocentia postea in apricum fuit deducta; ut ex mente dissentientium vix verba pro retinendâ torturâ audiamus, ubi tot facta contratorturam videmus. Libuit hoc argumentum in contrarium eò pressius stringere, ne quicquam in quaestione tam gravi, quod utrinque militare videtur, studiosè omittere, & omittendo facatè agere videremur. Restat, ut Achilleum, sicut videtur, argumentum examinemus, & demonstremus, non tanti esse roboris, quanti esse videtur. Respondemus ergò 1. ad *Majorem* per instantiam; Si modus examinandi scelera per tormenta ideò illegitimus est, quia ei fallacitas subest, & periculum, quo metuendum, ne infontes puniantur, fontes contra dimittantur, consequens erit, ipsam constitutionem divinam indagandi scelera per testes, esse illegitimam, quia etiam huic constitutioni subest hæc fallacitas, & periculum, ne infontes condemnentur, & puniantur, nempe *si testes falsi sunt*, ut fuere contra infontem Susannam, & contra infontem Naboth, qui erant *majores natu*, & *optimates in civitate*, 2. Reg. 21. v. 7. adeoque coram mundo exceptione omni majores, ut jura tali in casu requirunt. Et si hoc non esset, cur falsis testibus à Deo talionis pœna constituta fuisset? Dent. 19. v. 16. Sed Consequens est falsum, quod ordinationem Dei ob hoc periculum arguit illegitimam; Ergò etiam falsum est Antecedens, ceu ruinosum fundamentum, cui Consequens fuit superædificatum. Quotacunque enim sunt, quibus judicium humanum, judices cum testibus, & testes cum judicibus perverti possunt; imprimis amore, odio, timore, & cupiditate; *Amore*, qui rectum judicium impedit; *Odio*, quod judicem reddit suspectum; *Metu*, qui eundem à recto tramite judicandi abducit; *Cupiditate*, puta præmiorum, & munerum, quæ animum judicis faciliè corrumpere possunt; ut *Ayret. Process. Jur. part. 1. c. 6. num. 1. 2. 3. 4. 5. 6.* ex *Isidoro*

deoro l. 3. de sum. bon. c. 5. 8. pluribus deducit ; quam ob causam solius Dei
judicium absolutè infallibile est , qui scrutator cordium est , & *αὐτόπης*
cogitationum nostrarum , nedum facinorum , quæ etiam in abditissimis
angulis patrantur ; quod de homine etiam perspicacissimo dici non po-
test , *qui tantum ea videt , quæ apparent* , 1. Sam. 16. v. 7. quæ non ap-
parent , non nisi examine & quæstione , pluribus difficultatibus ob-
noxia videre , & in cognitionem eorum venire potest , sed haud raro
vix venit. Distinguimus ergò 2. (ut directè respondeamus ad argu-
mentum) modum indagandi veritatem scelerum per tormenta ; *vel qua-*
tenus ad leges , & dispositionem juris est restrictus ; vel quatenus nudo
& affectuoso arbitrio judicis relinquitur ; quâ distinctione observatâ
limitamus Propositionem Minorem : *Atqui modus per tormenta in-*
dagandi veritatem scelerum ad leges & dispositionem juris restrictus est
hujusmodi modus , cui hac tam periculosa subest fallacitas ; ita limitatam
negamus , ob providentissimas Juris cautelas , quibus reis , ne , nisi indi-
ciis gravatissimi , & ferè convicti torqueantur , cavetur , ut judex hac ju-
ris dispositione observatâ in hoc criminalis judicii labyrintho in offen-
so pede conscientie progredi , & quâ ipsum via ducit , sine periculo ef-
fusionis sanguinis innocentis pergere , gressusque dirigere possit. Sin
verò hæc *Minor de modo indagandi veritatem scelerum per tormenta in-*
telligitur in sensu sequiori , de modo , inquam , qui dispositione ju-
ris , & legibus fusque deque latis , affectuoso judicis arbitrio relinqui-
tur , liberali manu concessionem negantibus quæstionis tormenta ad-
metimur ; hoc autem sensu eam à statu quæstionis tam procul esse di-
cimus , quàm procul Antipodes Americani absunt ab Europæi orbis
habitatoribus , sicut ex quæstionis statu , suprà per *ἄποιν* formato est
videre. Nec 3. exempla ex *Oldekopio , Luthero* , aliis adducta , hanc Mi-
norem sensu à nobis definito negatam probare , facile appareret , si an-
gustia paginæ pateretur , diligentius in singula inquirere , & de eorum
circumstantiis constaret. Unicum , à *Luthero loc. cit. tom. 7. Ienens.*
fol. 360. b. 361. a. hinc expendamus. Carnifex Metensis irruit tem-
pore nocturno in mercatoris peregrè profecti ædes , trucidat ejus con-
jugem & liberos , trucidatos in cella sepelit , domum spoliat , & merca-
torem reum agit facinoris , eòq; rem deducit , ut mercator quæstioni fue-
rit subjectus , qui per tormenta infecta facta fatetur ; horrendo tan-
dem , tanquam confessus , adjudicatus supplicio ; non multò post tem-
pore

pore carnifice prodito per Judæum, cui spoliatos mercatoris scyphos & genteos vendidit. Hunc ne casum justè secundum leges, quæ reis, quò minus sine indiciis torqueantur, favent, favere putemus, in quo tot sunt præsumptiones & circumstantiæ pro mercatoris non torquendi innocentia, ut mille astitissent carnifices, & fontem affirmassent mercatorem (loquor excessivè) vix tamen tormentis adjudicare judices debuissent; cujusmodi præsumptiones procul dubio erat, mercatoris fama & integritas; e contra carnificis levitas; Item mercatorem in propriam costam, & viscera, quæ procul dubio impendio amavit, non sæviturum, nec propria bona sibi spoliaturum fuisse; calidæ item mercatoris lacrymæ, singultus, & signa cordolii, quæ lapidem ad commiserationem moverent &c. Et quæ id genus erant innocentia indicia, argumenta, & præsumptiones adhuc plures &c. quod multò magis de iis exemplis præsumendum est, quæ Oldekop, ex *Valerij Maximi. Cornelij Taciti*, & similibus scriptoribus ethnicis allegat, & ex professo tyrannica sunt, atque à statu quæstionis per ἀπορίᾳ formato sequestrata.

Quintum argumentum Zepperus pag. 749. ita proponit; Ipsæ leges civiles admodum suspectas has habent quæstiones, quas hoc etiam nomine fragiles dicunt, parcèq; admodum, & cautè circa illas versandum sedulo monent. Talia etiam indicia ad Torturam requirunt, ut his positis, nullà amplius videatur quæstione opus, & à credulitate vix, ac ne vix quidem vindicari possit, eos, qui his gravati sunt indiciis, amplius torque, & geminà quasi morte afficere. Nam in l. 1. D. §. 17. de quæstion. D. Severus rescribit, confessiones reorum pro exploratis facinoribus haberi non oportere, si nulla probatio religionem cognoscentis instruat. Et in seq. §. 23. respondet Ictus; Quæstionis fidem non semper, nec tamen nunquam habendam constitutionibus declaratur. Etenim res ipsa fragilis tortura, & periculosa, & quæ veritatem fallat, & quæ de duritiâ & impatientiâ tormentorum & vario modo confitendi per tormenta sequuntur &c. tandem l. 1. D. §. & l. ult. Indiciū est ex duorum testium incorruptorum indicio. Respondemus I. sequitur ne; Ipsæ leges Quæstiones appellant fragiles, & monent, parcè & cautè circa illas versandum; Ergò ipsæ leges Quæstiones admodum suspectas habent? Annon Zepperum stringit argumenti inversio? Ergò eo ipso, quia cautè & parcè secundum leges versandum est circa quæstiones per tormenta, hæ quæstiones, secundum leges adhibitæ, sunt legitimæ? Sibi, non judici reus sceleris convictus imputet, sine-

si negando ea, quorum convictus est, iudex per tormenta ex convicto etiam confessum reddit, & confitentem, quàm negantem supplicio ultimo mavult afficere; quod amoris erga justitiam, non crudelitatis adversus reum argumentum est. 3. Allegatæ leges à Zeppero itidem Zepperum refutant; quarum *prima* à Severo rescripta cavet, ne iudex sine corpore delicti reo per tormenta confesso fidem habeat: *Secunda*, ne reus sine sufficientibus & legitimis indiciis torqueatur: *Tertia*, ne indicia ipsa sine duorum incorruptorum testium indicio pro sufficientibus ad torturam habeantur; quæ omnia torturam utique ceu legitimam præsupponunt, minimè tollunt, aut suspectam reddunt.

Sextum argumentum iterum contra se, non pro se sumit Zepperus pag. 750. ex Constitutione Criminali Caroli V. Imperatoris, quando scribit: *Ita Constitutio etiam Criminalis Caroli V. Imperat. cavet, Daß keiner mit peinlicher Plag solle angegriffen werden / es sey dann zuvor rechtlich / und derhalben gnugsame Anzeigung und Vermuthung von wegen derselben Missethat auff ihne glaubwürdig gemacht*; Et quæ sequuntur, legibus à Zeppero modò allegatis planè consona; consequenter aliâ responsione, quàm nunc datâ, non ableganda. Quod verò tandem huic argumento subjungit; *Summa Dd. in universum, varièq; variorum populorum constitutiones, cum tam multis, tam operosa, tam sollicitè de torturis tractant, quando, circa quas personas, quomodo, & quatenus iis utendum sit, vel minus, adq; prudentiam & discretionem singularem, cum moderatione conjunctam, hic hortantur; quid faciunt aliud, & testantur, quàm non parum se ipsos huic fidere?* Negamus, inquam, hanc illationem, fallaciâ accidentis oppidò gravidam, dum Zepperus populos ipsi quæstioni per tormenta, & non potius iudicibus, intempestivo & immoderato justitiæ Zelo, per inscitiam rerum criminalium ad quæstionem delabentibus perparum fidere opinatur; secus, qui leges de eâ rectè adhibendâ tradi potuissent, si ipsa non recta esset, & legitima? Nedum ut pro alio, quàm impotentis animi dictorio habeamus, quando hoc argumentum concludit: *Quid ergò, inquiens, tandem attinet in re seriâ & arduâ, ubi de capite hominis agitur, vel ludere, vel dubitanter agere, ut magistratus in conscientia scrutinio & foro ipse sibi satisfacere, aut securus esse non queat?*

Septimò Zepperus pag. 752. & seqq. præprimis sollicitus est pro veneficis, conquerens, quòd in eorum examinationibus & suppliciis hodie passim vehementer peccetur, quia etiam innocentes à Diabolo in synagogis & choreis nocturnis possint representari, & falsò exhibeantur, exemplo Samuelis, qui Sauli, 1. Sam. 28. v. 14. & tempore Hieronymi Sylvarum cujusdam, p̃i viri, qui nobili cuidam femina noctu falsò fuit representatus. Quæ ipsa Synagoga, commensationes, choreæ, congressus veneres, lycanthropiæ nonnunquam etiam per somnia, aut morbos melancholicos veneficis obversari possint, ut Augustinus l. 18. de C. D. c. 17. & 18. ejus rei exempla adducat; unde fiat, ut earum confessionibus etiam sub Quæstione fides absolute non sit habenda, nisi à posteriori, hoc est, à damnis realibus & exploratis adhuc priora, ipsam sc. confederationem, Synagogas & coitus ordine retrogrado concludatur: Fieri etiam, ut innocentissimi denunciationibus divinarum in suspensiones veneficiorum traducantur, diffamentur, quibus constitutio Caroli V. num. 21. providè caveat, ne ex his, carceribus mancipentur, quæstionibus subjiciantur, venefici a. nihilominus debitis pœnis subdantur: Accedere etiam, ut vulgus, quod veneficas cane pejus & angue odertit, ob metuenda ab iis damna contra eas, quas ex certis rumoribus vel tantillum suspectas habet, tantum non classicum canat, easq. quæstionibus & rogis objici postulet; qui rumores prudentibus & cordatis magistratibus omninò suspecti esse debeant &c. ita jubentibus legibus divinis & humanis; Exod. 23. v. 1. e. l. 12. C. de pœnis apud Grat. C. 30. q. 5. C. Incerta. Feci compendium dictorum Zepperi. Ad quæ respondemus.

Primò quod Zepperi querimoniam de innocenter tortis & supplicio punitis concernit, D. Meyfartus eam per integrum librum der Christlichen Erinnerung an Gewaltige Regenten &c. vehementissime amplificat, ita accusando Magistratus, ut vix ausim recitare vocabula, quæ ὡς ὀνομαστικῶν excogitavit ad accusationem acuendam, cui calculum haud obscure adjicit Oldekop in proœmio Appendicis exemplorum eorum, qui innocenter torti sint: quando pag. 417. Observ. Crim. scribit; Innocentes torqueri, dolori cedere, confiteri, & suppliciis in hunc usque diem affici plurimos, imò ubi rigorosi & Zelosi sunt inquisitores, & supplicia frequentia, plures innocentes, quàm verè criminis reos ad mortem damnari, nunc viginti sex annorum praxi expertus nihil est, cur dubitem. Idq. tum propter eorum, quibus arduum hoc, periculosissimum, fallacissimumq. Torturæ negotium, pro dolor, committi-

ent, intempestivum & immoderatum præsentis justitiæ Zelum, tum insci-
entiam, rerumq; criminalium crassam, nostræ tempestatis communem igno-
rantiam, tum avaritiam & negligentiam, tum affectatæ severitatis glorio-
lam, tum etiam propter superiorum & Magistratuum contemptum, etiam
solocordiam, longè infra suæ dignitatis fastigium ejusmodi curare, & talium
rerum rationem habere dicentium, aliasq; causas, quas ipse observationum
tractatus sparsim tibi specificè suppeditant. Contra ego de Christianis Ma-
gistratibus semper melius sensi, & meliora speravi, atque adhuc sentio &
spero, eos in hoc gravissimo judicio, de quo itidem gravissima reddenda
est ratio judici vivorum & mortuorum, nihil prudentiæ & attentionis,
quantum humanâ ope fieri potest, omittere, & ab innocente reorum
sanguine sibi tam metuere, quàm fontes sibi metuunt à tortura & suppli-
cio; quod de Amplissimo Magistratu inclytæ Reipublicæ Eßlingensis in-
trepidè ausim affirmare, qui non tantum eo tempore, quo me usque in vi-
gesimum nonum annum, primum Diaconum, dein Pastorem Ecclesiæ
habuit, in inquisita per tormenta veneficorum flagitia aliquoties flammâ
animadvertit, sed etiam hoc ipso anno currenre viginti duos, par-
tim veneficos, partim veneficas igne consumsit, ut eos, quibus car-
ceres adhuc oppleti sunt, & quæstionem, expectant, taceamus;
quæ si quis intempestivo & immoderato justitiæ Zelo, rerumve cri-
minalium ignorantia, aut affectatæ severitatis gloriæ adscribere, aut
aliquot horum catharmatum injustè punitum arguere ausit, is ea acto-
rum monumenta, facinorumque documenta expectet, ad quæ, si in
rem præsentem ducatur, exhorrescet; nedum ut judici aut pruden-
tiæ, aut conscientiæ dicam scripserit. Quid enim judici scribitur aut
metitur, si tam funesta instituenda sunt judicia, ad quæ lex divina tan-
tâ severitate eum obligat, ut illi satius esset, porcorum esse pastori,
quàm populorum Rectori, & horrendis, imprimis veneficarum pec-
catis affectatâ lenitate, aut meticuloso judicio connivere, quia, prætex-
tu arg. l. 5. ff. de pœnis, quam Antonius Matthæi de quæst. c. v. p. 803. ad-
versus torturam impertinenter allegat, longè satius sit, vel nocentem absol-
vi, quàm innocentem torqueri; quæ lex non de facinorum indiciis, idoneis
testibus probatis, sed tantum de suspicionibus, quæ judicem adhuc in
dubio relinquunt, agit, ut expressa verba, Sed nec de suspicionibus
aliquem debere damnari, habent, nedum ut judicem in examinandis reis
cupidum reddat, quem animosum esse jubet ipsa Lex divina; Oculus tuus

non misereatur; Deut. 19. v. 13. & Syracides, μή ὀλιγοψυχήσης ἐν τῷ κέρ-
 νειν σε, Syrac. cap. 4. v. 9. Quia, dicente Leone M. Epist. 82. ad Jul. Coëns.
 Episc. ad imperialem pertinet potestatem, ut perturbatores Ecclesiae, pacis
 & Reipublicae inimici sollicitius comprimantur, adeoque tam nimiae le-
 nitati, quam nimiae saevitiae modus statuatur; saevitiae quidem, quia leges
 judicem vetant legibus esse severiorem, ne quid aut durius, aut re-
 missius statuatur, quam causa deposcit; l. 11. in princ. ff. de pænis: Le-
 nitati verò, quia leges vicissim è regione judici prohibent, legibus esse
 elementiori, Novell. 82. tit. 11. c. 10. Ex quibus constat, quam severe leges
 divinae & humanae judici veterum ex oculis excutiant, eumque adhor-
 tentur, ne in iudicio imprimis criminali, securus sit, sed tam innocent-
 tiae, quam culpae reorum accuratissimam rationem, ipsi Deo Cardio-
 gnostae aliquando reddendam, habeat; ut, si qui iudices uspiam sint, aut
 essent, qui tam profligata officii conscientia de corio innocentium reo-
 rum, ut Meyfartus & Oldekop quiritantur, ludunt, omninò dignos
 censeamus, quibus à superiori autoritate modus statuatur, & poenae di-
 ctentur, quas in statu quaestionis supra formato injustis tortoribus à le-
 gibus constitutas esse audivimus, tum, ut innocentibus, ne contra
 jus & fas in tam profundam perditionis foveam praecipitentur, cavea-
 tur, tum ut Magistratus, qui in abominanda facinora, ad quae Inferna-
 lis Cerberus hoc lemniscato Mundi seculo sua flabella instigat atque im-
 pellit, justo Zelo inquirunt, & supplicia juxta leges statuunt, hac du-
 tissimà, tam conscientiae, quam existimationi eorum praedictos dicam,
 quam Zepperus, Meyfartus & Oldekop. iis indefinitè scribere videntur,
 sublevantur, & debite potius, tanquam Zelosi Sacerdotes justitiae
 aestimentur, aliisque Magistratibus ad faciendum similia in exemplum
 proponantur, laudentur. Sed esto: Sint ejusmodi iudices, à quibus
 haec omnia, quae Zepperus, Meyfartus, Matthæi, Oldekop. ingeminant,
 peccantur, qui aut ex immoderato praetensae justitiae Zelo, aut ex crassa
 rerum criminalium ignorantia, aut negligentia, aut affectatae severita-
 tis gloriola plures innocentes, quam verè criminis reos torquent, & ad
 mortem damnant; quid sequitur? Ergo ne quaestio per tormenta in-
 delata, probatisque indiciis gravata flagitia, ad quae infernalis Laver-
 nio sua flabella in perniciem generis humani incitat, est illegitima, &
 ex iudicio criminali eliminanda? Atqui annon haec omnia in iudicio
 criminali peccari possent, si omitteretur Quaestio? putà si maxime

contingeret, ut iudices affectibus dediti, qui suo arbitrio, jure ex oculis dimisso, relictis, gemitus innocentium nihil pensi, Ibycique tiltiores habent pro deridiculo, in iudicio sederent, num ob hæc iudicium peccata è Republica Christiana eliminanda essent criminalia iudicia? quemadmodum Zepperus, Meyfartus, Matthæi, Oldekop. viri alioquin de Republica Christiana optimè meriti, his ipsis de causis Quæstionem per tormenta è foro criminali eliminanda esse arguunt? Num infantem effundemus cum balneo, tam crassam Accidentis fallaciam peccando, usumque cum abusu abrogando?

Quæ *Secundò* Zepperus huic suæ quiritationi de innocenter tortis & damnatis subdit, vera sunt, nec nostro calculo contraria. 1. Innocentes posse deferri, quis neget? imprimis si odium consideramus, quod flagrant veneficæ adversus pias & innocentes fœminas, quod accensum est ab inimicitiis à Domino inter Serpentem Antiquum & Semen Mulieris positis: quo in casu Jura providentissima sunt, ne Quæstio præcipitetur, ut videre est ex Consilio, quod Iuridica Universitatis nostræ Facultas patrum nostrorum memoriâ Marchioni Badensi super hoc denunciato casu rescripsit, & à verbo ad verbum in suprâ allegato tractatu D. Thummii de sagarum impietate à p. 76. ad p. 90. exscriptum extat. Si enim denunciare & accusare sufficit, quis sub innocentie umbone tutus erit? Imprimis ubi deferens ἐργασίας est pater mendacii, Johan. cap. 8. v. 45. ? Sed 2. nec ipsas confessiones visitationis chorearum, aut transmutationis in bestias, aut commixtionis cum Diabolo statim carceres, & quæstionem per tormenta, si desunt maleficia, mereri, itidem cum Zeppero, ut ex statu Quæstionis, suprâ per ἄρσιν formato, constat, statuimus, quia hæc corpora delictorum ut plurimum phantastica sunt, & actionis veritate non nituntur. Quamvis enim dubium non sit, à Diabolo per aërem ut plurimum verè ad choreas transportari lamas, non tamen semper hoc fieri, exempla sunt in promptu: vicissim nunquam eas aut in bestias mutari, aut verè commisceri cum Diabolo, ea argumenta sunt in medio, quibus impossibilitas harum actionum per naturam demonstratur, ut cerebrum in calcaneo gestet oporteat, qui eorum vim non agnoscit: Quis autem ob impressiones melancholicas, aut actiones phantasticas per Diaboli fascinationes fucato typo rei gestæ signatas, quenquam mortalium aut torquendum, aut ul-

timo iudicio adjudicandum, si desunt maleficia, affirmet, ut maximè eo-
 rum confessiones habeantur? quia corpora delictorum, quòd vera sint,
 & substantiâ facti non careant, luce meridianâ clariora esse oportet, ne
 in tantâ severitate processus iudex cum larvis pugnet, nubemque pro Ju-
 none amplectatur, & rogam incendat, ligno deficiente. Labet experien-
 tiam allegare, nixam conscientiâ officii, Annus jam decimus circiter
 sextus currit, cum Eslingæ vinitoris cujusdam conjux sponte fatere-
 tur, se, dum ex sylvâ domum regrederetur, à viro quodam, qui venato-
 rem repræsentaverit, compressam fuisse in loco quodam nominato,
 cujus alterum pedem post actum observaverit non justum fuisse, tan-
 to dehinc adversus maritum odio inflammata, ut parum abfuerit, quin
 eum cultro transfodisset: Orationem præterea Dominicam orare amplius
 aut noluit, aut non potuit, etiam præeuntibus orando collegis, & me
 vel tandem illam, ut oraret, adhortato; tandem sub spondam in cubi-
 culo tam arctè sese abscondiderat, ut vix amplius proreperit; torvum
 videbant oculi, funesta erant omnia. Quid inclytæ Reipublicæ Ma-
 gistratus? carceri ne miseram inclusit, Torturæ subjecit, & damna-
 vit ad supplicium? Minimè verò; quin consilio à Juridicâ Facultate
 Universitatis nostræ, quæ pro melancholicâ eam habuit, accepto, Mi-
 nisterio Ecclesiastico informandam reliquit, donec ad pristinum men-
 tis statum rediit, iis signis pœnitentiæ datis, quibus diffidere charitas
 prohibuit. Exemplum aliud; Deizisoviæ (pagus is ditionis Esling-
 gensis est) circa ea ipsa tempora erat fœmina, quam adhuc superstitem
 esse in audio, quæ mihi fassa, imò conquesta fuit, quòd sibi tam
 importunus esset Diabolus, ut nuspiam ab eo missa fieri potuerit;
 comitari, inquiebat, se nebulonem, si in templum ingrediatur, comitari,
 si templo egrediatur, etiam si in rus eat, & tam clarè secum loqui, ut mi-
 raretur, quòd alii, qui juxta se essent, id non audirent: quæsitæ, num
 fidem ei sponderit? & neganti, dedi consilium, ut imprimis sibi fa-
 miliarem redderet cantionem, *Gott der Bätter wohn uns bey / und laß
 uns nicht verderben*; Item petitionem sextam Orationis Dominicæ; *Er
 ne nos inducas in tentationem*; quæsi vi ex ea ulterius; Utrum justo
 tempore fluere, quæ mulieribus menstrua sunt; (nam ex oculorum tor-
 vitate, aliisque signis auguratus sum hujus rheumatis obstructionem, &
 ex obstructione hæc pathemata ipsa: erat enim fœmina inter 30. & 40.
 annos media, plethoricæ insuper constitutionis) cumqueresponderet,

dūdum emanasse omnia, ablegavi eam ad Medicum, monuique, ut ejus consilio obsequeretur, addito solatio, omnia in melius versura; quod eventus, solatio respondens, docuit; dum sectis ex consilio Medici venis, & apertâ per medicamenta naturæ viâ, & corporis & mentis valetudinî feliciter fuit restituta. Lippis præterea, & tonsoribus notus est casus, qui ibidem, in Ecclesiâ tum meâ, anno 1642. notoriè contigit, cum Diabolus juvenem quendam vinitorem sibi chirographo, sanguine ejus scripto, obligatum adigere vellet, *ut omnia, quæ posset, perderet.* sed patrare id renuentem ad desperationem adigeret, ut baltheo collum suum constrinxerit, & constrictum appenderit clavo; quam tragediam uxor ejus superveniens extemporaneâ nexus incisione impedivit, & maritum hunc suum, vitæ vix amplius manifestum, ex mortis faucibus eripuit; qui ob id quæstioni per tormenta non fuit subjectus, sed inquisitione accuratè prius institutâ, Ministerio Ecclesiastico relictus, cujus ille curâ, cum itidem Orationem Dominicam, imprimis sextam petitionem amplius orare non posset, per Dei gratiam feliciter restitutus fuit, & adhuc vitam innocentem agit, lacrymisque effusis Ministerio gratias habuit, & adhuc habet. Integer casus extat in *Casual. meis Conc. Sect. 1. à pag. 3. usque ad 116.* equidem à Jesuitis Dilling. pasquillo traductus, sed quos apologiâ meâ ita excepi, ut cachinni eorum ferè in furorem verterint.

Imò 3. quod ad famam attinet, etiam hîc Zepperi & Meyfarti sententiæ assurgimus, soli que dicacitati ejus fidem ad quæstionem per tormenta tribuendam esse non sentimus. Quamvis enim non nihil sit, quod jura famæ in civilibus tribuunt, adeò, ut aliquot casus sint, in quibus plenam probationem inducere statuitur, quos D. Ioan. Crocus tract. de testibus pag. 486. num. 43. 44. 45. 46. recenset: etiam in causa criminali, si crimen probatum est plus quàm semiplenè, puta per unum testem de veritate, & aliquod aliud indicium, quo casu probationem perficit, ut crimen plenè probatum dicatur; ibid. num. 54. sola tamen sufficiens indicium ad torturam non facit; ibid. num. 51. quippe quæ tam falsi est dicax, quam nuncia veri, malumque est,

- - - *quo non aliud velocius ullum,
Mobilitate vigens, vires acquirit eundo;*

ædum ut judex ejus dictamine stare possit, si rei per tormenta quærendi veniunt, & finis quæstionis est, animadversio impatrata scelera per suppli-

cia. Quid autem hæc ad conclusionem contra torturam, si cætera juxta leges sunt paria? Si corpora delictorum sunt præ oculis, damna per beneficia illata, quæ naturæ opem habent pro ludibrio, & ob cruciatus intolerabiles graviora sunt morte ipsâ, flagitia item veneficium concomitantia, Sodomia, muta peccata, incestus, actusq; exerciti tam abominandi, ad quos Acherontis furcifer hæc sua instrumenta impellit, ad quorum atrocitatem cælum exhorrescat, & obstupefiant elementa? Quid, inquam, si diabolica hæc stabula nequitæ eò atrocitatis facinorum progrediuntur, & Judici ordinario deferuntur, delata indicibus idoneè probatis gravantur, gravata minimum semiplenâ probatione in aprium ducuntur, & educta, per confrontationem complicum confunduntur? Quid, inquam, si in hanc Rhodum deventum est, judex tum aliud agat, quàm ut juxta leges quærendo saltet, & præfractè negantibus necessitatem edisserendæ veritatis per tormenta providè adhibeat, eventumque quæstionis patienter expectet, confessa flagitia juxta leges puniat; non confessa judici vivorum & mortuorum committat; reo gravato equidem ab instantiâ, non tamen à crimine absoluto; secus quò delapsura esset Cacodæmonis adversus genus humanum violenta perversitas, si necessitate quæstionis posthabitâ expectare vellemus familiaritii ejus confessiones spontaneas, quæ calendis græcis judici citius non sunt expectandæ, non tantum propter horum catharmatum malitiam, sed & propter metuendum supplicium, quo in casu Domini suæ vitæ non sunt, ut quasi Scævola suum corpus flammâ ustulandum carnifici offerant & exponant.

Tandem Zepperus pag 757. & seqq. dat consilium, quo pacto occulta scelera in lucem protrahenda sint, ut judicia in facinorosos exercean- tur, vicissim sceleribus & sceleratis patrocinium non præstetur. Hic, inquit, Deum Deut. 17. v. 2. & seqq. legem dictasse, qua apertam tutamq; viam monstret; in qua quinq; præcipiat. Primum esse, ut malefici à consciis sceleris Magistratui renuncientur & indicentur; quod nec proditorium, nec Sinonium sit, ut vulgus ferè existimat. Secundò Magistratum ad nudas indicationes aliorum non debere esse nimium credulum, illicò ad torturas procedendo, sed prius diligenter inquirere, investigare, interrogare, Deut. 13. v. 14. quàm fieri possit, oculatissimè &c. Tertiò ipsos etiam reos interrogari debere, & omnia tentari ad eliciendam veritatem patrum scelerum, exemplo Iosua Achanum examinantis, Iosua

sua 7. v. 19. &c. Quartò, nec quæ à reis elicitæ sunt, pro certis prius debere haberi, quàm ulterior fiat indagatio, an illa reverà ita se habeant, quia multoties compertum sit, captivos metu & vi tormentorum ea confessos esse, quæ ipsos minimè patrasse postea serò constiterit. Et Quintò, accusatis reis necessariam defensionem, justumq; ad illam tempus permit- tendum esse; quò etiam pertineant Advocati, vel Procuratores, qui desti- nentur &c. Quæ omnia recto stant talo, & omnimodâ contradictione carent; excepto, quòd instantiæ præoccupando Zepperus concludit: Quod si, inquit, Torturis omis- sis, scelera & flagitia multa in occulto ma- nere, neq; in apertum proferri quis causetur, cum inquisitionibus & inve- stigationibus etiam exactissimis sæpe nihil proficiatur, & opum, honoris atq; vitæ jacturâ potissimum repagulum & pessulum sceleratorum oribus atq; linguis obdat, non meis, sed Chrysostomi verbis homil. 46, ad pop. An- tioch. respondeo, ubi inquit: Nec ab omnibus hic exigit Deus, ne resur- rectionem desperes, & judicium desinas expectare, quasi omnes hîc reddant rationem. &c. Item verbis Augustini l. 3, cont. Epist. Parmen c. 2. de disciplina Ecclesiastica: Misericorditer corripiat hoc, quod potest. Quod autem non potest, patienter ferat, & cum dilectione gemat atq; lugeat, do- nec aut ille (Deus videlicet) de super emendet & corrigat, aut usq; ad mes- sem differat eradicare Zizania, & paleam ventilare. Hæc, inquam, ob- jectionis à Zeppero præoccupatæ solutio vera est & valida de iis crimi- nibus, quæ certis, & idoneè probatis indiciis carent, solâque famæ dica- citate interdum percrebescunt, & ad diffamatum per tormenta quæren- dum nondum sunt matura, adeoque necessariò committenda Deo, qui cuncta, quæ fiunt, adducet in judicium, etiam omne occultum, sive bonum, sive malum sit; Ecclesiast. c. 12. v. ult. sicut etiam Chrysostomi verba de occultis facinoribus, & Augustini de disciplinâ Ecclesiasticâ ex- pressè loquuntur; de quibus Zepperus oppidò absurdè addit, quòd ad scelerum pœnas, & supplicia publica rectè transferantur. Quantum enim criminale judicium distat à disciplinâ Ecclesiasticâ! & hujus correctio, quæ fit mediante gladio Spiritus, ad supplicium, quod gladio Carnificis de facinorosis sumitur, rectè statuatur transferri! quàm torta est hæc inconsequentia! Quicquid a. sit, quæstionem hanc de Quæstione ver- bis Regii Psaltis concludo; Erudimini, qui judicatis terram, servite Do- mino in timore, & exultate ei cum tremore, Psal. 2. v. 10, 11. Aperite in hoc tremendo judicio oculos, non tantum ante Quæstionem per tor-

L

men-

menta, ne innocentes adigantur in has angustias, sed etiam in ipso Torturae actu, ne quaestio in tortum sit furore percita, tormentorum intentione arbitrio Carnificis relictâ. Cur enim vehementiâ verborum urgeatur, quem pendulum à fidiculis urget dolorum acerbitas? *Parcas tibi met ipsi*, dicat iudex in Tortura reo misero, *non negando facta, quorum reus es, ne nos ex officio torquere te oporteat facta negantem*: Sic Josua Achanum, anathematum furem, candidatum supplicii, Sorte jam proditum, fuit allocutus: *Fili mi, da gloriam Domino Deo Israël, & confitere, atq; indica mihi, quid feceris, ne abscondas*, Josu. 7. v. 19. Ac sic quidem fiat iustitia, & pereat Mundus. *Non auferet Deus à justo oculos suos, & Reges in solio collocat in perpetuum, & illic eriguntur. Et si fuerint in catenis, & vinciantur funibus paupertatis* (vertente Luthero, *Gebunden mit Stricken elendiglich*) indicabit eis opera eorum, & scelera eorum, quia violenti fuerunt. *Ravelabit quoq; aurem, ut corripiat, & loquetur, ut revertantur ab iniquitate. Si non audierint, transibunt per gladium, & consummentur in stultitia*, Job. 36. v. 7. 8. 9. 10. 12.

De officio Ministrorum Ecclesiae erga reos, imprimis veneficos & veneficas, condemnatas ad supplicium.

Quàm vehementer jam dudum ex ætate triumphans Theologus D. Meyfartus Ecclesiae Ministris, quos odiosè *Prædicantes*, *Prædicanten* ten / quanquam ipse *Prædicans*, appellat, ob Zelum non secundum scientiam succenseat, prolixum esset referre. Cap. 4. pag. 35. inquit: *Schauet doch die Liebe eines ungerechten Exferers / eines Prædicanten auff der Eangel; Sie ist kurtzsinntig / und feindlich / sie exferet / sie treibet Muthwillen / sie blehet sich / sie stellet sich ungeberdig &c.* Item c. 6. p. 46. dem Prediger soll ich glauben / und finde doch in diesem und jenem Falschheit / was kan ich von dem andern halten? Vielleicht werde ich in mehrern Stücken hintergangen? der Lehr soll ich folgen / und prüfe in Worten und Geberden keine Sanftmütigkeit / sondern Grimmigkeit der Parder / Blutdürstigkeit der Löwen / Rachgierigkeit der Tiger / &c. Et sic deinceps per multa libri capita chordâ ferè semper eâdem. Qui Ecclesiae ministri hujus monetæ oboli sunt, digni non sunt, ut conscendant

ant cathedram; quâ de causâ operæ pretium est, conclusioni quæstionis quædam subnectere monita de partibus officii Ministerii Ecclesiastici, circa damnatos beneficii reos ad supplicium; de quibus B. Meysartus in tractatu germanico pluries allegato, cap. penult. p. 259. 260. 261. 262. duodecim regulas tradit, quarum aliquibus obsequium deferimus, aliquibus verò censoriam virgulam adhibendam esse putamus.

Sex sunt, quibus assurgimus, sex vicissim, quas corrigendas, aut abolendas esse censemus.

Prima regula inquit; Requiritur à Confessariis, *ut sint humiles, misericordes, condolentes &c.* **Das sie demüthiglich / barmhertziglich / vernünfftiglich / und mittheilendlich handeln / keine Zeichen des Borns / der Ungeständigkeit / des Hasses / des Neids / der Widerwertigkeit blieffen lassen.** Aurea est hæc, & in æs incidenda regula. An enim sub cœlo miserior, & consequenter misericordiâ dignior creatura est, quàm sunt rei, ob facinora patrata ad gladium, laqueum, imò ignem damnati? quorum conscientias si Confessarius, prius legaliter factis faciendis, condolenter & mansuetè ex verbo Dei non erigit, quid mirum, si supplicium prævertat desperatio? dum *laquei mortes eos circumdant, & conturbant torrentes Belial:* Ita ergò Confessarius erga hos miseros candidatos supplicii sese exhibeat, ut ad primum ipsius conspectum reficiantur, quemadmodum antè exhorruerunt conspecto Carnifice. Si enim reficiendi sunt corporali neectare moerentes, qui perituri sunt, sicut Lamuelis mater præcipit, *ut miseria sue obliviscantur*, Prov. 31. v. 6. quid non fieri debere putemus ab animæ Confessario, neectare Evangelii propinato, etiam quod ad modum humanitatis & condolentiæ attinet? Sic præeunte Confessarios Christo, *cujus vox non auditur foris*, vertente Luthero, *Er wird nicht murrisch seyn; calamum quassatum non conterit, & linum fumigans non extinguit*, Esa. 42. v. 2. Quod etiam in familiaritate conversationis Confessario observandum esse puto, ne in eos, quos ante vincula ob ætatem in plurali numero *vobissando* fuit allocutus, jam in hac miseria auctorè *tuisando* invehatur, sed in tertia persona cum iis loquatur, ad declinandam inhumanitatis speciem.

Secunda regula jubet Confessarios *implorare Deum ad impetrandam illuminationem Spiritus Sancti in tam gravi negotio.* Prima debuiſſet esse regula hæc; juxta illud: *A love fac orsum, ne serpens des*

tibi morsum. Item; Sine tuo Numine nihil est in homine, nihil est innoxium.

Tertia regula vetat Confessarios, *ne spirando urgeant reos damnatos, ut in confessione persistant.* Rectè, nisi reus sponte confessionem revocet, eamq; doloris magnitudini adscribat; quo casu Confessarii officium requirit, ut eum adhortetur, ne judici fucum faciat; sin revocationi confessionis extortæ inhæserit, tum Confessarius hoc judici indicet, eidemq; totum negotium, ceu ordinario Magistratui, in solidum committat.

Quarta regula jubet Confessarios *Reos damnatos admonere, ut, si quos præter meritum vi Tortura detulerint, conscientiam liberent, & innocentiam innocenter delati aperiant.* Etiam hoc rectè: secus quâ conscientia condemnati finirent? quâ salvi fierent?

Undecima regula ex Ordine à D. Meyfarto observato, jubet Confessarios *rationem habere temporis, personæ, ætatis, & Status reorum.* Quis neget hoc in tantâ tam facinorum, quàm reorum diversitate & varietate?

Duodecima regula admonet Confessarios, *ne sibi ipsis nimium fidant, aut Salomonis sapientiam imaginentur; sproto Virorum ætate gravium, & doctrinâ excellentium consilio.* Iterum optimè monitum! Utinam tam benè in regulis, quæ sequuntur!

Sex ergò reliquæ regulæ, à D. Meyfarto Confessariis reorum traditæ, corrigendæ potius, quàm prout regulis habendæ sunt.

Quæ numero quinta est, jubet Confessarios *in specialia reorum facta inquirere, reos ex inquisitis circumstantiis examinare, & quæ disconveniunt, iis demonstrare &c.* Atqui quid hoc aliud esset, quàm incompetens in acta judicis inquisitio, & studiosa reorum, ut confessionem reforbeant, instigatio?

Sexta regula adhuc durior est, jubens Confessarios, *si subodorentur, wann sic spüren / captivis reis vi Tortura aliquid esse extortum, ut judicem ob id igneo Zelo, tanquam perturbatores Israël, corripiant, & hoc quidem in eorum faciem, etiam cum mortis, si id ipsis ob hanc correctionem metuendum esset, periculo.* Atqui quo argumento certus esse potest Confessarius, rem ita se habere, ut ille putat, *se eam subodorari?* Cui deinceps plus fidei tribuat; An reo, qui forsan metu mortis confessa revocat? an judici, qui indubitatis indiciis gravatum, & delicti, cujus corpus præ oculis est, pænè convictum, per fidiculas ad confessionem compulit? Num Confessarius eum, qui est admini-
stra-

strator justitiæ, ob administratam justitiam in faciem corripiat? quid solatii capere posset talis Confessarius, si hoc pacto in periculum mortis incideret, quia revera pateretur tunc, ut *ἀλλοτρίοις κρηπίζω*? à quâ culpâ quemlibet Christianum sibi accuratè cavere Petrus I. Epist. c. 4. v. 15. adhortatur. Sufficit ergo hoc in casu Confessariis cautela, quàm in tertia regula posuimus.

Septima regula planè à recto tramite deviat, & ex Confessario ex professo facit *ἀλλοτρίοις κρηπίζω*, planè, ut regula antecedens; jubens eum ex actis Iudicum Criminalium, der Hexenmeister/inquirere, quàm belle, wie artig/protocollum iudicum, der Marter-Herzen/& confessiones tortorum concordent. Justior & exactior censuræ virgula ad hanc regulam expungendam haberi non potest, quàm Christus suo exemplo Confessariis in manus dedit, cum quidam eum rogaret, ut fratrem suum hortaretur ad divisionem hæreditatis, Christus autem ei responderet; *Homo, quis me constituit iudicem, aut divisorem inter vos?* Luc. 12. v. 14. Ad quem textum D. Andr. Osiander in margine hæc verba annotat: *Non improbat Christus officium Magistratus, sed discernit officium Ecclesiasticum à politico:* & ut in terminis Criminalibus maneamus, ne quidem foemina in adulterio deprehensæ, & coram se à Scribis & Phariseis accusatæ iudex Salvator esse voluit, inquiens; *Nec ego te condemnabo; vade, & jam amplius noli peccare,* Joh. 8. v. 11. Et Confessarius juxta hanc D. Meyfarti regulam acta Criminalia à iudice petat, ea cum Veneficorum confessionibus contendat, ut pro veneficis contra Iudices suum interponat iudicium! Nisi beatus esset hic celebris famæ Theologus, ausim dubitare, num, cum hanc regulam traderet, fuerit rationis compos: Et hoc quidem eò magis, quia ipse in hoc vehementi suo libro imprimis cap. 8. pag. 58. concionatores, qui Magistratus suos ad veneficia punienda adhortantur, hoc ipso nomine, quod intra cancellos sui officii sese non contineant, acerrimè perstringit, ut verba scurrilia pigeat allegare; quibus vel tandem subjungit: *Ach/ was soll ich sagen und klagen? die Prediger haben ja das Recht nicht studirt/ und darumb haben sie keinen vollen Verstand in Sachen. Wann sie nicht in ihren Schrancken bleiben/ wie hefftig versündigen sie sich:* nunc autem regulam tradit, juxta quam Confessarius etiam in acta iudicis inquirat, ut inter iudicem & reos causam cognoscat, & de causâ cognitâ sententiam ferat! Annon manifestus andabatismus hic est?

quanquam nec hac solummodò in regulâ tradendâ, sed etiam infra cap. 35. pag. 254. sui oblitus, consilium det, ut Concionatores sedeant in ipso iudicio criminali, & vota ad sententiam ferendam conferant, dum scribit; **Wäre es nicht sicherer / wann zu solchem peinlichen Senat nicht nur Politische / sondern auch Geistliche Personen gezogen würden?** Quid autem ibi agant, si causas criminales non intelligunt? **Wann sie in Sachen keinen vollen Verstand haben?**

Octava tandem regula jubet Confessarios, ut *animos reorum promissionibus, obligationibus, attestatignibus lucrentur, nocentiam & innocentiam hoc pacto à reis expiscantur.* Atqui quid hoc aliud esset, quàm reos seducere, ut gloriam, quam confitendo Deo dederunt, negando Deo iterum auferrent? quò confusionis vel tandem progressura esset Respublica Christiana, si in iudicata tribunalium concederetur Confessariis inquisitio, an iudicata rectè sese habeant, nec ne? nocentes an innocentes damnati sint, nec ne? Annon hoc pacto introducerentur scrutinia causarum forensium Jesuitica? Retia, quibus Confessarius reorum animos aucupetur, alia non sunt, quàm Evangelica, in quibus non Confessariorum, sed ipsius Dei continentur promissiones, contestationes & obligationes, de peccatoribus etiam maximis, si convertantur, in gratiam recipiendis, in quibus retibus tendendis Confessarius equidem affabilitati erga hos miserrimos candidatos mortis studeat.

Et hæc quidem de partibus Ministerii Ecclesiastici circa veneficos & veneficas, quibus sententia mortis est denunciata, nihilque reliquum est, quàm supplicium.

Sed quia principiis est obstandum, & contra *μεθόδον* Diaboli serò medicina paratur, qui plerumque venit *ἐν τῷ κατὰ φύσιν τῶν αἰσθημάτων*, Matth. 13. v. 25. & laqueos nobis tendit, quos citra saluum conductum angelorum impossibile est declinare, ut Augustinus Soliloq. c. 16. de iis scribit: *Ecce tetendit ante pedes nostros laqueos infinitos; & omnes vias nostras variis replevit decipulis, & quis effugiet? laqueos posuit in divitiis, laqueos posuit in paupertate; laqueos tetendit in cibo, in potu, in voluptate, in somno, in vigilia &c.* quod lugubris experientia, & criminales processus contra veneficos & veneficas (proh dolor) verò veriùs testantur; quid reliquum est, quàm ut imprimis Ecclesiarum Ministri contra hunc rugientem leonem officium suum quoquo modo vi-

gilan-

gilando faciant ? Ut vigilant, ovibus suis pericula ab hoc infernali Spiritu passim structa, ob oculos ponendo, dum *quasi leo rugiens circumit, quarens, quem devoret*; 1. Petr. 5. v. 8. *Vigilent*, fraudes, insidias & deceptiones nebulonis infernalis, donec miseras animas in nasam trahit, detegendo; inquietes cum Apostolo: *ὅτι ἀγνοοῦμεν αὐτῶν τὰ νοήματα*, 2. Cor. 2. v. 11. *quia*, dicente Fulgentio, Epist. 4. ad Probam, *non est aliquod vite tempus, in quo non hominibus muscipulam tendat inimicus*: *Vigilent*, Ecclesiis suis funestissima exempla eorum remonstrando, quos ob veneficia, instinctu Diaboli patrata, jam cum horrore absumpserunt supplicia: *Vigilent*, jam ab hoc maligno hospite seductos, sed adhuc dum sub senticeto latentes dehortando, & argumentis ex verbo Dei desumptis instando, ut resignatâ Diabolo suâ fide revertantur, ac monstratâ viâ, quæ foro soli equidem non spreto, in conversionis tamen tramite non attento, tempore gratiæ resipiscen-
 tibus ad Salvatorem adhuc patet: *Vigilent*, Disciplinam Ecclesiasticam paternâ severitate urgendo, sibi quæ & toti gregi attendendo, imprimis *concupiscentiis carnis & oculorum, ac superbia vana*, 1. Johan. 2. v. 16. ebrietati, chorearum levitati, amorisque juvenum & juvenularum inordinati procacitati sese opponendo; quia dici non potest, quot volucres infernalis auceps decipiat, si hæc fistulæ dulce canunt, & ab iis, qui eas ex officio frangere deberent, non franguntur: *Vigilent*, magistratus suos ex verbo Dei modestè adhortando, ut his Diaboli cuniculis, per quos totæ myriades animarum in æternum exitium præcipitantur, eo, quo par est, Zelo sese opponant, deprehensa, & in apri-
 cum ducta maleficia puniant, hocque pacto securitati societatis humanæ consulant; spretis dictariis, quibus, si hoc pacto vigilant, à D. Meyfarto attrectari videntur, ac si *rosarum ferrum stercore equino adornarent*, & exinde titivillitium caperent, **daß sie sich einmal in der Kirch können loben und aufkollern**; qualia in tract. sæpius allegato cap. 8. pag. 58. item c. 18. p. 158. ipsis objiciuntur: *Vigilent* auditores suos ad vigilantiam & preces contra maleficum hoc genus hominum excitando, sicut Christus hæc duo prophylactica, *vigilate & orate*, Matt. 26. v. 41. tentationibus opponere jubet; quia exemplis constat, veneficas proximo multoties damna inferre non potuisse, nisi precibus matutinis negligenti, quemadmodum M. Waldschmid in *Pythonsß. Endor. Conc.* II. p. 244. ex Herberg. part. 8. Magnal. exemplum ali-
 cujus

cujus Pastoris refert, qui noluit credere, quòd veneficæ homini quicquam nocere possint, donec venefica quædam interyentu singularis stratagematis ei ita nocuit, ut fidei documentum cum dolore in proprio corpore habuerit: Imprimis etiam *vigilent*, Sadducæos nostros redivivos, qui & Sagas, & Spiritus, Sagas seducentes, esse pernegant, refutando, eisque Diaboli ungues, ex quibus infernalem Leonem discant, in his veneficorum & veneficarum horrendis facinoribus monstrando; de quibus suprà pag. 52. conclusionem *ex Religione Medici*, hos Sadducæos *atheos* arguentis, approbavimus; quamvis qui refutentur, vix habeantur digni, ob argumenta à posteriori tam evidentia, ut Solis meridiani lumen æquiparent; inter quæ imprimis numeranda est hominum à loco in remotissima loca momentanea deportatio, & per aërem transvectio; quemadmodum exemplum cujusdam juvenis, Diabolo non fœderati, & tamen è loco propè Eslingam fere in momento temporis usque in fines, si rectè memini, Colonienfis agri deportati, in promptu est, quod Patrum nostrorum memoriâ contigit, & cum circumstantiis cognitum, atque in acta relatum Eslingæ in Archigrammatei registratura extat, dignissimum, quod ad obturandam Sadducæorum & Atheorum nostri temporis buccam in lucem publicam emittatur.

Haftenus de quæstione prima, nempe; *An modus maleficos & sagas per tormenta quærendi sit legitimus, nec ne?* sequitur quæstio altera,

*Quo supplicii genere malefici & veneficæ
sint afficienda?*

Dixi in Oratione pag. II. *Si Erythraa hodie viveret, eam pro lamia habitum, & secundum Carolinam, imò Mosaicam Constitutionem igni adjudicatum & combustum iri.* Limitavi suprà in his notis sub lit. Qq. pag. 55. hoc effatum ex mente *Frid. Martinij*, Canonum apud Friburgens. Professoris, qui lamias etiam sine veneficio Diabolo fœderatas ultimo supplicio, & quidem igni adjudicat: Limito id ulterius, tanquam adhuc liberaliùs, etiam de Mosaica Constitutione dictum, quia Mosaica Constitutio de genere supplicii lamiarum nihil definit, excepto, quòd earum poena sit ultimum judicium; *Maleficos* (juxta Hebraicam veritatem, *Maleficam*) *non patieris vivere*, *Exod. 22. v. 9.* Ubi notandum,

andum, in orig. textu extare participium nominale מַשְׁפִּיר, per quod nonnulli talem veneficam intelligi putant, quæ in perniciem hominum & pecudum veneficia exercet; Sed quos *Delrio* *Disq. Magic.* l. 1. c. 2. pag. 11. refutat, inquit; hac voce *Magorum ludibriorum* genus omne contineri: quamvis etiam *Carolina Constitutio* cap. 109. Diabolo sine maleficio foederatos ab ultimo supplicio eximere videatur, juxta verba c. 109.: **Wo aber jemand Zauberey gebraucht/und damit niemand Schaden gethan hätte/soll sonst gesstrafft werden nach Belegenheit der Sachen / darinnen die Brötheller Raths gebrauchen sollen / wie vom Rathsuchen hernach geschrieben steht.** Quicquid sit, *Maleficos, sive Maleficam*, inquit *lex divina, non patiaris vivere.* De supplicii genere in præsens quaestio est, quam *Carolina Constitutio* l. c. definit esse vivicomburium: **So jemand den Leuten durch Zauberey Schaden oder Nachtheil zugefüget/soll man ihn straffen vom Leben zum Tod/ und man soll solche Straff mit dem Feuer thun.** Ex quo evincitur, Veneficos & Magos in Imperio Romano regulariter flammis comburendos esse. Quanquam autem à me procul abesse velim omnem sugillationem hujus Constitutionis; quâ hæc execranda Diaboli mancipia ad ignem sibi in debitam poenam, & aliis in terrorem condemnantur; ingenuè tamen fateor, me ob hoc supplicium damnatis propter cruciatus, qui infernalibus vix inferiores esse videntur, semper condoluisse, veritumque fuisse, ne patientia illorum ob tormenta vehementissimi elementi in desperationem verteret, & Confessarii in erigendis eorundem animabus oleum & operam perderent, si vitæ finem, ut metuentium, excipiat desperatio; quam ob causam crediderim, Inquisitoribus Hæreticæ Pravitatis regni pontificis à Spiritu non alio, quam qui homicida est, adversus confessores veritatis inspiratum esse vivicomburium, scilicet ut in Scyllam desperationis per flammarum cruciatus inciderent, qui apostasiæ Charybdin per spiritum constantiæ evitarunt; in quorum tamen infirmitate virtus Dei perficitur, 2. Cor. 12. v. 9. ut nulla creatura, consequenter nec violentissimum ignis elementum, eos à charitate Dei separare possit, Rom. 8. v. 39. sicut exempla martyrum *Ioh. Husi, Hieronymi Pragensis*, & myriadum aliorum testantur. Quod autem hoc supplicium omnium sit crudelissimum, vel minima flammula, saltem extremitatem minimi digituli contingens, id negantem docere potest; ut

jure merito pro *severissima pœna* à Carpzovio part. 1. Criminal. quæst. XLIX. n. 5. habeatur; contra, quàm *Andr. Rivetus* Exercit. CLIII. in c. 38. Genes. fol. 745. sentit, lapidationem supplicio ignis non minus gravem fuisse, *quia ignis celerius suffocaverit, lapidati autem sæpe multum languerint, pluribus ictibus, priusquam expirarent.* Quid enim centum ictus lapidum ad unum saltem momentum temporis, quo homo vivus miserandum in modum totus ardet & crematur? Scribo de hoc supplicio tanquam *αυτόπτης*, cum Eslingæ adhuc *ὡς ὁ τῶν Δακόνων ἐλάχιςτος* veneficos bis ad rogum comitarer, atque jam ardentibus acclamarem solatia, ipsique Carnifici accurrenti ad me, & quòd flamma ardentes citius non suffocaret, conquesto, darem consilium, ut tantum non deserpantes in igne prominente unci cuspide per pectora transfigeret, & palo affigeret; qui dicto facto tormentis finem imposuit? Quod spectaculum tam profundè subiit meum animum, ut dubitare inceperim de sententia interpretum Legis Mosaicæ, quæ Levit. 24. v. 9. præcipit, *ut Sacerdotis filia fornicans comburatur*, utrum lex hæc intelligenda sit de vivicomburio, ut quidem litera Legis id innuere videtur: Si enim hanc legem excipiamus, nec vola nec vestigium de hoc supplicio extat in populo Dei usurpato? Nam quod Juda de nuru sua Thamar, cum audiret eam fornicatam fuisse, dixit; *Produce eam, ut comburatur*, Genes. 38. v. 24. est extra lineam, quia sententiam præcipitatem & crudelem fuisse, omnes circumstantiæ textus evincunt; ut taceam, tum temporis in populis illis, inter quos Patriarchæ tunc vixerunt, adhuc omnia confusa fuisse, non exacta ad certam juris regulam, quæ postea in populo Dei, lege divinâ latâ, obtinuit. Nec sententia Josuæ tam horrendo supplicio patrociniū præstat, utut litera textus præstare videatur; quando inquit: *Quicumque ille in hoc facinore fueris deprehensus, comburetur igni, cum omni substantiâ suâ*, Jos. 7. v. 15. quia versus 25. in hoc ipso capite clarè evincit, hanc combustionem non se vivicomburium Achanī, quam præcessit sacrilegi furis lapidatio, ut habent verba textus ad hebraicam veritatem exacta: *combusserunt eos igni; etenim lapidaverant eos lapidibus.* Quibus consideratis, utique analogia administratæ justitiæ urgere videtur, ut hanc legem de Sacerdotis filiâ ob fornicationem igni adjudicandâ, non tam de vivicomburio, quàm de combustionem prius lapidatâ intelligamus? quia non tantum præter hanc, in juveniculam facili persuasum ad lapsum pronam, latam, aliud

aliud exemplum in lege Mosaica non extat, verum etiam propter hanc rationem, quia poenæ semper debent commensurari delicto, *l. perspicendum. 11. l. hodie 13. ff. de poenis*; e contra delicta longè graviora, ipsum nempe adulterium, non vivicomburio, sed lapidatione puniebantur, Deut. 22. v. 22. 24. Sed ut ad Veneficarum & Sagarum redeamus supplicium, quia lex divina nihil de eo determinat, consentaneum est, lapidatas eas fuisse, quia eadem lapidationis poena earum complicibus, nempe *divinatoribus, hariolis, blasphemis, & Idololatriis* fuit dictata, sicut Levit. 20. v. 27. c. 24. v. 16. Deut. 13. v. 10. & c. 17. v. 2. 3. 5. est videre. Ex quo consequens est, eas, sicut & cæteros homicidas, hodie omninò posse, imò flagitante justitiâ, debere necari, corporibus eorum post supplicium igne consumptis, ne de membris, quæ in patratiss sceleribus Diaboli erant organa, in rerum natura præter cinerem quicquam reliquum maneat. Sed quia eorum homicidium non homicidium simplex est, apertâ violentiâ commissum, uno atque altero ictu mortalitatis lumen extinguens; sed homicidium plerumque lentum, iis cruciatibus cumulatum, qui sæpè sunt intolerabiles; homicidium ut plurimum sub amicitie prætextu, vel halitu, vel affatu, vel tactu & popismate, tanquam vehiculis penetrantissimi veneni Diabolici commissum; adeoque homicidium tam fraudulentum, tam fucatum & tectum, ut nemo sit, qui id, nisi Deus maleficos cohibeat, animadvertere & evitare possit, etiamsi tam acutum videat, quàm aquila, aut Epidaurius serpens; imò homicidium, cujus immediatus ἐπὶ τοῦ δαιμονίου est Diabolus, aliis insuper horrendis sceleribus, Sodomîâ, mutisque peccatis, incestu, & abominandis incantationibus onustum; ideo mirum non est, si contra hoc abominandum genus hominum Cæsarea Majestas excanduit, & extremitati scelerum extremitatem supplicii, nempe *Vivicomburium* in Constitutione Criminali dictavit. Si tamen resipiscentibus, & misericordiam à Deo consecutis his reis etiam iudex, penes quem in mitigandis suppliciis aggratiandi jus residet, misericordiam exhibet, & loco flammæ gladium aut laqueum eorum gutturi decernit, etiam forcipibus candentibus, si scelera abominanda sunt, eorum membris, dum ad supplicium educuntur, ustulatis, qui cruciatus utut exquisitissimus sit, tamen quia momentaneus est, periculo desperationis caret, hoc, inquam, misericordie cum justitia moderamen si iudex miseris reis exhibet, geminam pro simplici laudis palmam reportat, unam *justitiæ*, alteram

miser cordia; quæ utraque inclytæ Reipubl. Eßlingensis Magistratui jure merito debetur, qui anno proximè dilapso viginti duos veneficii reos, veneficos & lamias, ultimo supplicio adjudicavit, tantùm duobus eorum, quorum scelera sine exemplo infanda erant, *Vivicomburio* punitis, duorum item dexteris prius abscissis, & lamiâ unicâ, itidem ob atrocitatem facinororum forcipibus candentibus apprehensâ aut laceratâ, cæteris omnibus prius decollatis, corporumque eorum truncis rogo impositis, & in favillas redactis.

Fuit longa fatis, & ampla de salebrosâ veneficii materiâ *διέξοδος*: pergendum jam ad annotanda, quæ restant.

(Rr. pag. 12.) Dico hæc, non ut Eusebii canos vellicem; in cuius cineres mingere nobis religio sit. Agnosco, quemadmodum longè flagrantior erga religionem fuit pia Antiquitas, quàm fert tepor nostrorum temporum: Ita præ fervore amoris erga Christum, in amplexandis documentis fidei, longè majorem fuisse Ejus, dicamne *credulitatem*, an *credendi simplicitatem*, donec hæreticus furor piis, & eruditione profundis patribus oculos magis aperuit, & vexatio majorem intellectum eis dedit. Jam autem mirum non sit, nobis innotuisse ea, quæ tempore, ut innotescerent, opus habuerunt. Libet integra adscribere verba Eusebii ex *λόγῳ βασιλικῷ* jam suprâ allegato, ubi de Erythræa scribit: *illam Φάσκεισαν ἑαυτὴν ἱερεῖον ἑ Αἰπόλωνος, dicentem fuisse se Sacerdotem Apollinis*: addito; *diadema ex aquo unâ cum Deo, cui serviebat, gestare: & statim subjuncto; quod appropinquantibus ad se abjecerit propter dementiam parentum, qui eam τοιαυτῇ λατρείᾳ, tali cultui tradiderint, δι' ἣν ἀρχήμονες θυμοὶ, καὶ ἔθεν σερμὸν ὀπιγίνεται, per quam etiam dedecorosa furia, & nihil venerabile superveniat.* Quid contempnitus de hujus Phœbadis Sacerdotio dici aut scribi posset? ut etiam τῆς ἀκαίρης ἡσιδαμονίας ἀεραχθεΐσαν, importunâ superstitione agitâtam, sed è vestigio simul Θεϊας ἐπινοίας ὀνίως γενομένην μεσῆν, divinâ inspiratione reverâ refertam carminibus futura de Deo vaticinatam esse addat. Hæc, inquam, quomodo cohæreant, non video; Apollinis, hoc est, *Dæmonis sacerdotem esse, eo cultui propter dementiam parentum consecratam esse, in quo dedecorosa furia, & nihil venerabile est, & importunâ superstitione occupatam*; Et tamen, *divinâ inspiratione refertam esse*: Tandemque recensito ejus, ut putatur, carmine, addit: *Et hæc virgo perspicuè vaticinari potuit: hanc ego quidem beatam judico, quam Salva-*

per providentia sua erga nos ratem reliquit : Quæ, inquam, pietati intentionis, cujus scopus fuerunt ethnici ex propriis suis Prophetis refutandi, adscribenda sunt, superbâ exagitatione tanti luminis Ecclesiæ procul habitâ. Utinam Neocritici quidam, quibus erudito hoc nostro seculo ferè nihil placet, quod suum non est, tam ferventer essent νήπιοι in amplectendâ veritate Evangelii, ac suo tempore erudissimus fuit Eusebius; quantâ æquanimitate censoriam eorum virgulam, etiam ubi nodum in scirpo quærunt, admitteremus.

(Ss. pag. 12.) vide Genes. 3. v. 4. 5.

(Tr. pag. 12.) vide Johannis 8. v. 44. 45.

(Vu. pag. 12.) Vitam Sibyllarum impudicam & profligatam fuisse, non contemnenda, aut digito exucta argumenta in medio sunt. Ex virginibus primùm electas fuisse, Boissardus, alioquin in amplectendis earum oraculis ferè justo facilior, Tract. posth. c. 2. p. 4. ex autoribus refert, quæ præ cæteris objectis fœminini generis delicatus bolus immundorum Spirituum sunt. Licet enim Spiritus cum hominibus rem veneram exercere posse Chrysost. Homil. l. 22. in Genes. pro fabula habeat, quia Spiritus carne & sanguine carent; cui sententiæ etiam Cyrillus l. 9. contra Jul. calculum adjicit; experientia tamen testatur, Diabolum virginibus non secus, ac lupum ovibus insidiari, etiam pudicitiam earum tentando, corpore vel assumpto, vel ficto, aut per fascinationem simulato; ita tamen, ut nullibi ulla generatio accidat. Quid impuritatis ab hirco infernali cum his Phœbadibus in abdytis & antris, in quibus ecstases & furorem eis immiserat, non exercitum fuisse putemus? Quid multis? Ream confitentem habemus Pythiam, quæ secundum & septimum librum Oraculorum Sibyllinorum sibi, tanquam autori, adscribit, & scortum adeò impudicum se fuisse fatetur, ut juxta infandam scortationem etiam cum patre incestum se commisisse dicat: lubet adscribere ejus verba, quibus septimo oraculorum libro finis imponitur, quæ ita habent:

Ὡς ἐμὲ τὴν λυγρὴν. Ὅσα γὰρ κακὰ πρόσθεν ἔρεξα,
Εἰδὼν, ἀλλὰ τε πολλὰ κακῶς ἐπόνησ' ἀμελῶσα;
Μυρία μὲν μοι λέκτρα, γάμος δ' ἔδεις ἐμελήθη.
Πᾶσι δ' ἐγὼ πάναπυστος ἐπήγαγον ἄγχιον ὄρκον.
Λαομένους ἀπέκλεισα, καὶ ἐν προμολῇσιν ἵστα,
Ἰκελὸν εἰς αὐλῶνα, θεῶν φάτιν οὐκ ἐνόησα.

Τένεκα πῦρ μ' ἔφαγν, καὶ βρώσεως ἔδω γ' αὐτῇ
 Ζήσομαι, ἀλλ' ὀλέσται με κακὸς χρόνος, ἔνθα τάφον μοι
 Ἄνθρωποι πύξουσιν, ἐπανερχόμενοι με θαλάσῃ,
 Καὶ με λίθοις ὀλέσουσιν. Ἐπὶ μοι γ' πατὴρ λαλῶσα,
 ὅτι Φίλον μετέδωκε. Βάλοίτε με, βάλλετε πάντες.
 Οὕτω γ' Ζήσω, καὶ ἐς ἔρανον ὄμματα πῆξω.

Hoc est, ut ligata horum Oraculorum habet versio:
*Vt sceleratam me. Nam quæ scelera ante patravi
 Prudens, & studio peccandi perdita feci?
 Mille mihi lecti, connubia nulla fuerunt,
 Iureq; jurando quosvis perjura ligavi.
 Exclusi tenues, & permollissima rura
 Quoslibet admisi, magni securæ Tonantis:
 Propterea igni sum consumpta, & uox, re ipsa
 Vivam, sed perdet durum me tempus, ibique
 Constituent homines bustum mihi, posteri & undis,
 Me periment saxis.**

Nota, translator verba,

- - - Ἐπὶ μοι γὰρ πατὴρ λαλῶσα
 ὅτι Φίλον μετέδωκε:

Forſan ob caſtas aures & oculos Caſtaliſio non vertit, quia proſtigatiſſi-
 mæ pudicitix beſtia in iis fatetur, ſe ſuum genitorem ad inceſtuolum ſtu-
 prum moviſſe, & ex hoc inceſtu ei filium peperiſſe: cætera ita conti-
 nuantur;

- - - *Me cædite, cædite cuncti,*

Sic etenim vivam, atque in cælum lumina figam.

Per has ne Phœbades, per hæc inceſtuola proſtibula Spiritum Sanctum,
 cujus ſapientia in animam malevolam non intrat, nec in corpore peccatis
 ſubdito habitat, Sap. i. v. 6. immediatè locutum eſſe putemus? ſi qua-
 liacunque vel tandem ſint, etiam, ne fucus appareat, diviniſſima eſſe vi-
 deantur, quæ malignus Spiritus per iſtos fraudulentix tubos deducit,
 qualis erat illa ex obſeſſis, de Chriſto Jeſu, eſſe enim filium Dei, acclamata
 confeſſio, & ne maligni confeſſores ante tempus torquerentur, anxia de-
 precatio, Matth. 8, v. 29. ut quis ſpurciſſimos deaſtros, qualem ob in-
 ceſtuolaſam *δρσενομανίαν* Apollinem fuiſſe ſuprà audivimus, quorum Sa-

ēērdotes hāc impiæ Phœbades erant, digna opercula his patellis merito appellaret.

(Xx pag. 12.) De hac oraculorum, à Prophetis & Sibyllis proditorum differentia, scribit *Polydorus Virgilius* de Invent. Rer. l. i. c. XXIII. Esse divinandi genus naturā, quod nonnunquam vaticinantibus per furorem contingit, ut accidisse legimus *Sibyllæ Erythraæ*, & sacerdotibus nonnullis; ejus generis oracula etiam habenda erant, qualia fuerant oracula *Apollinis*, aut *Ammonis*, aut reliquorum, in quibus homines crebro illudebantur, veluti quæ arte demonum, humanæque fraude reddebantur. Verum Prophetæ, qui divino spiritu, non furore lymphatico afflati erant, nunquam fallebant.

(Ty. pag. 12.) vide Epist. 2. ad Corinth. cap. 11. v. 16. item 2. Corinth. 2. v. 11.

(Zz. pag. 12.) vide 1. Cor. 1. v. 23.

(α. pag. 13.) Psal. 14. v. 1. Jac. 2. v. 19.

(β pag. 13.) 1. Pet. 1. v. 19. 2. Tim. 1. v. 12.

(γ. pag. 13.) Notanda sunt hīc verba *Clementis Alex.* de horum Oraculorum expiratione, quæ libro contra gentes in hunc modum habent: Ultimo silentio *Castalius* & *Colophonius* fontes, ceteraq; fluentia, quæ vim divinandi habere videbantur, extincta cum suis fabulis defluerunt: totiusq; vinationis potius, quàm divinationis nefanda mysteria ceciderunt. *Siles Delphicus*, *Pythius*, *Didymus*, *Amphiaræus*, *Amphilochus*, *Tacent Aruspices*, *Augures*, *somniorum interpretes*, & qui *farinā* & *hordeo* vaticinabantur. *Boissardus* Tract. Posth. f. 96. sub finem de *Hammon*e ita scribit: Certum est, hac omnia *Demonum* oracula, paulò ante adventum *Christi* servatoris obmutuisse: vel frigida admodum visa hominibus, qui horum vanitatem jam incipiebant perspicere, quodq; *Christo* in hunc mundum veniente tenebras illas densas, quibus mortale genus tot seculis involutum fuerat, ortā luce oportebat discuti. Nam *Lactantius* libro de origine erroris c. 17. de *Demonibus* loquens, ait: In oraculis autem vel maxime fallunt quorum prestigias profani intelligere non possunt. Post *Christum* sanè non legimus apud *Autores*, tantam fuisse *Deorum* fatidicorum autoritatem, quæ facile subversa est, paulatim licet, prædicatione *Evangelij* per totum orbem publicatā: *Apostolis* & sanctis *Episcopis* *Demoniorum* os solo jussu prohibentibus & obturantibus: Quod ipsi maligni spiritus sapissime facti & conquesti sunt per suos *Prophetas*: Et incitaverunt profanos & superstitionem.

stitiosos Principes ad persecutiones excitandas in Christiana religionis sectatores, quos acerrimè accusabant, tanquam omnis pietatis pertinacissimos ocores, & religionum, quas universus orbis sacrosanctas colebat, eversores, ut Deorum antiquorum loco sectam Iudaicam substituerent, & Christum novum Deum adorandum populis proponerent. Inde tot & tam atroces cædes & supplicia statuta in Christianos, quæ trecentis & ultra annis per totum Imperium Romanum excitata sunt: donec sub Constantino Magno paulatim mitescere cæperunt Romani, & furorem remittere. & pii Episcopi & sacerdotes ardenti Zelo & contentione, posthabito periculorum metu, doctrinam sanctam Evangelij inculcarunt, in mentibus hominum idololatriam conculcata, & Daemoniorum cultibus subversis. Verba lætu dignissima, quæ analogiam temporum post Christum natum exactè exprimunt. In hunc eundem sensum idem scribit lib. cit. fol. 122, sub finem de Apolline Pythio; ubi verba ita habent; Sed paulò ante Christi adventum tacere cæperant impostorum demonum fallacia responsa; quamvis eorum fraudes multi magni viri non ignorarent, sed metu supersticiosorum Principum & populorum, qui ab his fascinati ad insaniam usq; furebant, non ausi sunt suas opiniones publicare. Cicero l. 2. Divin, inquit: Sed jam ad te venio, ô sancte Apollo, qui umbilicum terrarum certum obsides, unde superstitionosa primum evasit vox vera. Tuis enim oraculis Chrysippus totum volumen implevit, partim falsis, ut ego opinor, partim casu veris, flexiloquis, & obscuris, ut interpretes indigeat interprete, & fors ipsa referenda sit ad sortem. Imò, inquit Boissardus porro, ipsi Dæmones senserunt, hanc fatidicam, quam Deus altissimus illis tot antea sæculis indulserat, propter idolomaniam hominum, adventu Christi Servatoris sublatam fuisse, vel admodum imminutam. Nam ferè ubiq; oracula cessarunt, entusiasmo debili, & frigido correpti Prophetæ, Sacerdotes, & Phæbades carmine verba demonum exprimere cessarunt, postea rarò responsa dare: quandoq; item fateri, se ignorare, quæ interrogarentur; Cælius Calpagninus in tractatu de Oraculis adducit hunc versum Apollinis sæpius repetitum:

Quid frustra petitis? non nostrum est scire futura,

(d. pag. 14.) 1. Joh. 3. v. 4.

(e. pag. 14.) vide Coloss. 2. v. 15.

(f. pag. 14.) vid. Apoc. 12. v. 10. 11.

*Conclusio de Usu ex his annotationibus & ipsâ
Oratione percipiendo.*

Restat, ut vela contraham, & ex dictis colligam, quosdam suo iudicio de Sibyllarum Oraculis peccare in defectu, quosdam in excessu; In defectu, qui Sibyllas aut nunquam fuisse ajunt, ut Socinus Antitrinitarius; aut earum oracula tantum à Judæis mutuata autumant, ut Boxhornius; aut penitus ignorari statuunt, ut Bæclerus, Patresq; in his admit- tendis nimium faciles, ut Casaubonus, imò ineptos, ut Boxhornius, fuisse argutantur: In excessu peccant, qui ea pro divinitus inspiratis habent, ut superioribus seculis, imò etiam seculo nostro, communis ferè, etiam ma- gnorum virorum fuit sententia, qui his oraculis Θεῶν τι adscribendum esse censuerunt; nixi autoritate Patrum Antiquissimorum, Iustini Martyris, Clementis Alexandrini, Athenagora, Eusebii, quibus Mon- tani hæretica τέχνη, quæ tam clarorum de Christo oraculorum inven- trix arguitur, imposuisse videtur. Hæc sententiarum divortia annon commodè declinantur, si quod res est, dicamus: Hæc scil. oracula, quotquot eorum adhuc extant, & non sunt ψευδείς, neq; ex nu- da hominum traditione, neq; ex immediata Spiritus S. illuminatione, sed ex Diaboli inspiratione profluxisse, qui pro suâ, quâ pollet, ἀρχαία ea longè facilius ex præsuppositâ revelatione divinâ, sanctis Dei homini- bus, Prophetis puta, factâ concludere potuit, quàm acutissimus Ari- stoteles, nedum ulla fœmina, quæ ἀδελφές ποιν σκῆνος est, per ul- las consequentias elicere posset. Hoc pacto etiam reliqui usus, quos in Oratione expressimus, sibi constant: Quomodo autem is usus si- bi constet, quem clariss. Bæclerus in suâ Dissertatione infert, siqui- dem ejus de Bucolici Virgiliani sensu sententia stare debeat, videre non possumus. Virgilium, inquit p. 16. Dissert. neq; inspiratu divino (quis n. auderet fingere?) nec Sibyllinis ex oraculis, eo modo, quo Constantino, & Christianis aliis visum est, hoc carmen de Christo Salvatore mox venturo cecinisse. Modum igitur adversus Ethnicos ratiocinandi mutatione ali- quâ opus habere. Illud forte non intempestivè potuisse illis ingeri: Ecce quæ Poëta vestri canunt, aut nuper cecinerunt, de instauratione aliquâ fe- licitatis publicæ, de novo beatoq; seculo, vos quidem ad Augustum vestrum prahitis: & esto, trahatis: Sed hæc Philosophia aliis erigere debet vestros animos, ut revera in cælum oculos attollatis, & divina ab origine repeta-

tis illa munera, quæ Augusteis temporibus contigerant: idest, ab illo rege,
 quem è cælo venisse, natumq; ex homine, ut homo idem, ac Deus esset, pro-
 stemur ac monstramus. Hujus beneficio de Principibus vestris dici potest,
 quod ipsi proprium est, & perpetuum: Retinete Poëtæ vestri verba & spiri-
 tum, & cognoscite, quanto rectius & validius de Servatore nostro illa dicantur.
 Et quandoquidem oraculis tantopere intenditis, quàm pronum est
 credere, etiam vestra oracula, quibus Poëtæ sua carmina adornant, hoc
 tempus, hunc Regem designasse, quem nos colimus? Robur, addit porro, ac-
 cessisset huic orationi ex eo genere argumentandi, quo Eusebius, & ante
 eum Iustinus, Clemens Alexandr. & alij usi sunt, ex sacris literis, idest, ex
 fontibus Christianorum præcipua secretioris Philosophiæ Ethnicæ momen-
 ta promanasse, hocque discursu Dissertationem clarissimus Vir concludit;
 cum cujus pace dictum sit, nos videre non posse, quomodo hæc cohæ-
 reant. Si enim Virgilius hanc Eclogam non ex carmine Sibyllæ Cumææ,
 quæ de Christo vaticinata esse præsupponitur, desumpsit; Imò si carmen
 hoc Cumæum non Cumææ, sed Hesiodi carmen est, ut supra ex Suida
 probare velle fuit visus, quâ consequentiâ ethnicis ex eo persuaderi po-
 tuit, ut Regem crederent venisse de cælo, qui idem homo ac Deus est, in
 quem Christiani credebant, cui proprium & præcipuum sit, quod de Au-
 gusto Virgilius hac Ecloga prædicavit? quomodo ex retento Poëtæ
 spiritu potuerunt credere, rectius & validius de Christo prædicari, quod
 de Augusto Virgilius prædicavit? Sicut ex regno de hoc mundo re-
 gnum Christi colligi non potest, ita nec ex Rege hujus Mundi Rex gra-
 tiæ, aut ex Augusto Christus Rex gloriæ ab infidelibus colligi potuit;
 quia quæ sunt de hoc mundo, ab iis, quæ de Regno gratiæ & gloriæ sunt,
 in contraria omnia abeunt: Quomodo ergò ex ἡγεμονικῶν statu Augu-
 stei seculi Regnum gratiæ, & ex Augusto Christus Θεάνθρωπος ab Ethni-
 cis colligi, atq; ut in Christum Θεάνθρωπον crederent, argumenta ex hac
 Topica depromi potuerunt? Quod de sacris literis additur, extra li-
 neam quæstionis est, quia de Sibyllarum Oraculis differimus, annon
 gentilibus, ut Christum pro vero Deo & Servatore amplecterentur, ex
 illis primitus persuaderi potuerit? Quod tum fieri potuisse putamus, si
 gentiles crediderunt, hæc oracula Sibyllis à Deo fuisse inspirata, quæ ipsis
 inspiravit Diabolus; secus, si nihil Θεῶν iis inesse putarunt, ex quibus
 consequenter nihil, quod divinum est, concludere
 potuerunt.

Epilogus apologeticus.

Concludo vel tandem has Annotationes, in quas præter intentionem Orationis habitæ incidi; quam cum haberem, & in Acrostichide ab Eusebio Erythrææ adscriptâ, ut & in Cumæo Carmine producendo versarer, inter perorandum observavi, à non nemine Auditorum agitari aliquid seriò, ut, si cathedram tunc primùm conscendissem, ferè mihi accidisset, quod aliquando Oratoriæ studioso accidisse ferunt, qui postquam coram statuis perorando privatim sese exercuisset, tandemque in panegyri publicâ verba faciens, Auditorum capita motitari videret, attonitus substitit, inquitendo: *Hæc simulachra se movent*! putans, se adhuc coram statuis, in quas intrarint animæ, verba facere. Cum autem post intelligerem, quos in scopulos Orationis meæ scapha uni vel alteri videretur impegisse, extemplò in eam, ut se daturæ essent materiarum occasiones, inquirere constitui, ut quid de singulis, quæ posthabitis phaleris simplici stylo proposueram, denuò videretur, ingenuè promerem; quod tantâ, sed intra modestiæ cancellos se cohibente libertate præstiti, ut nonnullibi mihi met ipsi, sicut ex lectione patet, non pepercerim, memor illius divini, quod de cælo descendit, *ὡς δὲ σεαυτὸν*; quo nomine, ut spero, excusatus habebor, si maximè à clarissimis viris hinc inde amicè dissideam, quia conscientia mihi testis est, me vitiligandi studio nihil movisse, sed motis ita respondisse, ut ubi intacta manet religio, cuilibet liberum sit, per rationes etiam dissidere à me, sicut ego dissideo ab aliis, quorum sententias exosculabor, sicubi meis sentimentis vero fuerint propiores: Interim ingenuitas in rebus aliter, quàm fert sententia, edisserere non potuit, nec etiam, ut opinor, debuit; si modò sentire licet, ut omninò liceat, quæ velimus, & quæ sentimus, aperte dicere.

Syllabus,
Rerum præcipuarum in hac Inquisitione
occurrentium.

A.

*Acrostichis Erythræ adscripta; pro authentica habita, p. 46. 47.
propropseudepigraphâ, p. 47. 48.*

Arctinus suspectus libri de tribus impostoribus Autor, p. 24.

Arius oppugnator natalium Christi, p. 1. ejus blasphemia, p. 15.

Artheisticus liber de nullitate religionis Christianæ, p. 24.

*Augusti Imperatoris vigilantia in custodiendis libris Sibyllarum,
p. 8.*

B.

*Baronius & Bellarminus Sibyllarum libros pro Θεωνεύσεως ha-
bent, p. 26. Bellarminus divinitatem Christi ex iis probat, p. 9.*

*Bernhardus Ochinus suspectus autor libri de tribus impostori-
bus, p. 23.*

Blasphematores Majestatum, p. 15.

*Bœcleri sententia de Ecloga IV. Virgilij, examinata, p. 38. & seqq.
usque ad p. 45.*

Boxhornius de principio Oraculorum Sibyllarum, p. 53.

C.

Calovius de Acrostichide Erythræ adscriptâ, p. 49.

*Calvinianorum & Jesuitarum sententia cum Nestorij sententia
de nativitate Christi examussim eadem, p. 1. 16. 17. 18. 19. 20.
21. 22.*

Casauboni de Sibyllis sententia, p. 30. 31. 50. &c.

*Caroli V. Constitutio de Tortura, p. 67. item de supplicio Saga-
rum, p. 83.*

Cicero de expiratione miraculorum & oraculorum, p. 50.

Clementis Alexandrini sententia de Sibyllis, p. 9. 49.

Cumææ, ut & Erythræ inspirata à Diabolo oracula, 11. 33. 88. &c.

*Cumææ carmina partim combusta, partim Tarquinio vendita,
p. 5.*

D.

Dei Judicium solum infallibile, p. 65.

*Diabolus inspirator Sibyllarum, pag. 10. ejus inspirationis furor;
ibid. ἀγχινοία in arguendis oraculis de Christo ex Prophetarum
vati-*

Syllabus Rerum.

Vaticiniis, p. 11. *Simia Dei*, p. 10. 11. *ejus admiranda potestas in homines, nisi à Deo cohibeatur*, p. 53. 53. *etiam cum prodesse videtur, nocet*, pag. 12. *ejus scopus & finis in inspirandis oraculis, etiam veris de Christo*, pag. 53.

E.

Epicureorum & atheorum impietas, p. 2. 24. *ex Sibyllis, ut ut à Diabolo inspiratis, possunt confundi*, p. 15.

Erasmi Schmidii argumenta pro authenticâ Sibyllarum oraculorum de Christo, cum eorum solutione, à pag. 32. ad 36.

Erythrææ adscripta acrostichis de Christo, p. 8. *Demonis sacerdos, ergò lamia*, p. 11. *ejus sacerdotium Apollini prostitutum*, p. 86. 87.

Errores circa oracula Sibyllar. in defectu, p. 101. *in excessu*, 101. 102.

Efslingensis Reipublicæ zelus providè inquirendi, & justâ moderatione animadvertendi in lamias & veneficos, p. 69. 88.

Eusebius de Christianorum diligentia in libros Sibyllinos, p. 26. *ejus laus, quam Erythræa tribuit*, p. 80. *credendi facilitas in æstimandâ Erythræâ & Cumæâ*, p. 86. 87.

F.

Forerus Iesuita Nestorianismi convictus, p. 17. 18. 19. 20.

D. Franzii opinio de Sibyllis, p. 27.

G.

D. Gerhardi opinio de Sibyllis, p. 27.

H.

Historiæ fides ob diversam à diversis factam descriptionem, nullitatem historiæ non statim arguit, p. 25.

I.

D. Jacobi Martini de Sibyllis opinio, p. 27.

Jesuitæ & Calviniani convicti Nestorianismi, p. 17. 18. 19. 20.

Judæi conducti blasphematores partus virginæ, p. 1. *eorum blasphemia contra Christum*, p. 23.

K.

Kabala vox nihil commune habet cum voce Sibylla, p. 3.

L.

Leonis X. Pontificis dictum, ut fertur, blasphemum de Evangelio

Syllabus Rerum.

lio, quod sit fabula de Christo, p. 2.

Levinus Nicolaus Molkius *Scholiastes Religionis Medici, p. 23.*

Lutherus *de Torturâ p. 57. (67.) 62. 63.*

M.

Magnatum de genethliacis mota quæstio *Majestatis reatum sapit, p. 1.*

Magistratus officium in examinandis & puniendis veneficis & sagis, à pag. 60. ad usque p. 76. imprimis p. 69. 70. 71.

Maresius frustra conatur à se amoliri Nestorianismum, p. 21. 22. 23. ejus sententia de Ecloga Virgilij IV. an ad imitationem Carminis Cumææ Sibyllæ sit scripta, p. 45.

Mayfartus contra Torturam p. 52. (62) 53. (63) 55. (65. 59. (69) &c.

Melancholicarum foeminarum exempla, quæ falsò putarunt, se egisse cum Diabolo, p. 71.

Ministerii Ecclesiastici officium erga reos, imprimis veneficos & lamas ad supplicium condemnatas, p. 76. 77. Regula de hoc officio, p. 77. 78. 79. 80.

Ministrorum vigilantia imprimis propter Diaboli malitiam in Ecclesia summe necessaria, p. 81. 82.

Montanus hæreticus Oracula Sibyllarum de Christo confinxisse arguitur, p. 38. (40)

Monarchiarum numerus quaternarius, p. 49.

Morale à Ceremoniali, res ab ipso modo rei etiam in Lege Moysis forensis distinguenda, p. 56. (66)

N.

Nestorii error ex Concilio Ephesino genuinè descriptus, pag. 16. 17. Iesuitis & Calvinianis communis, p. 17. & seqq.

O.

Oracula Sibyllarum an sint authentica, eorum expiratio, nato Christo, p. 13. 51. Oraculi responsum, Imperatori Augusto, de Successore sciscitanti datum, p. 13.

Oldekop de injustè tortis, p. 63.

P.

Photinianorum blasphemia ultimus Diaboli conatus, p. 16.

Plu.

Syllabus Rerum:

Plutarchi de origine Oraculorum absurda sententia, p. 10.

Poggius Florentinus suspectus libri de de tribus impostoribus, 23.

Prophetiæ & ecstasiæ differentia p. 53.

Q.

Quæstio de Quæstione, communiter Tortura appellata, à p. 60.
usque ad 76. vide etiam in lit. T.

R.

Religio Medici; libellus de Religione ita dictus, p. 23.

S.

Sagæ, Sagas esse, qui negant, atheismi suspectos esse, p. 52. eas corporaliter à Diabolo per aërem deportari, p. 71. triplicis generis Saga, p. 60. An ob nudam apostasiam à Deo, sint supplicio afficienda? p. 71. earum perpetrata scelera & illata damna horrenda, inter quæ homicidia miserrima, p. 57. supplicium horrendum, p. 82. 83. 84. 85. 86.

Scriptura Sacra sola Θεόπνευστος, hinc sola divina, p. 10.

Sibyllæ. Earum Oracula speciem divinitatis præferentia, p. 2. vocis Sibyllæ etymon, p. 2. 3. vocabulum generale, p. 3. 24. fuisse Sibyllas, p. 3. 24. 25. de numero earum, p. 4. Quæstio: An Oracula earum sint authentica? à pag. 25. ad p. 36. in utramq. partem disputata, Affirmativè, à pag. 25. ad p. 28. Negativè, à pag. 28. ad p. 36. decisa, à pag. 37. ad pag. 38. Oracula earum non ex Spiritus Sancti, sed Dæmonis inspiratione, pag. 7. 35. 54. 87. 88. &c. Sibyllarum vita impudica, supplicio digna, ibid. fuisse lamias, p. 11.

T.

Tacitus de Sibyllis, pag. 8. 9.

Tiberii vigilantia in recipiendis libris Sibyllarum, ibid.

Thomas Broune autor libelli, cujus titulus; Religio Medici, 23.

Tortura. An ea modus sit legitimus maleficos & sagas examinandi? à pag. 60. usque ad p. 76. Status quæstionis de eâ per ἄποιν & Θεῶν formatus, à pag. 60. usque ad 65. argumenta pro affirmativâ, à pag. 55. (65) ad 58. (68) solutio argumentorum, Zepperi, & aliorum, contra torturam, à pag. 58. (68) ad p. 76. Torturæ

Syllabus Rerum.

necessitas, p. 57. (67) *torturam ad leges exactam non esse tyrannidem*, p. 58. (68) 59. (69) *multò minus diabolicam*, p. 60. (70.) *de tortura Augustinus*, p. 61. *iniq. tortorum exempla*, 62. 63. &c.

De Tribus Summis Impostoribus liber flammis comburendus, p. 2. V.

Veneficorum horrenda delicta, p. 57 58.

Verbum Dei lymphatica oracula extinguens, p. 13.

Virgilius. An Sibylla Cumææ oraculum in IV. Ecloga fuerit imitatus? p. 5. 6. 7. 38. 39. 40. 41. 42. 43. 44.

Vivicomburium; supplicium omnium crudelissimum, cum desperationis periculo conjunctum, p. 83. 84. *An ex sacris ejus exemplum dari possit*, p. 84. 85.

Usus & utilitas ex oraculis à Diabolo πρὸς ἄνθρωπον, *ibid.*

Z.

Zepperi argumenta contra torturam soluta à pag. 58. continuo tractu usque ad pag. 76.

ERRATA.

*Pag. 3. lin. 13. lege Christianis. p. ead. l. 22. pro αὐτῶν lege ψεύδης. p. 10. l. 29. lege immediatè. p. 14. l. 11. lege αὐθις. p. 15. l. 10. lege τολμηλαί. p. 17. l. 21. lege Arida. p. 18. l. 16. 17. lege ὑπερψῶσι. p. 22. l. 4. lege ὠδὴ - l. 6. lege Christi. p. 24. l. 6. lege obitetricante. l. 19. lege. veteres philolo- p. 25. l. 20. lege γεοματεία. l. 26. lege authentica. p. 31. l. 27. lege Διαρρήδω. p. 32. l. 2. pro arctis - lege ob arctis - p. ead. l. 18. lege ἄ. viratum. p. 32. l. 18. lege δηλαδὴ. item περικυρήζω. p. 36. l. 25. lege yaticinia. p. ead. l. 28. pro non hubent, lege locum non habent. p. 39. l. 10. lege Ασσουρίη. p. 43. l. 21. 22. lege soluturo, *ibid.* lege Virgilius. p. 47. l. 24. lege dubitant. item retexunt. p. 53. l. 14. lege verbo. *ibid.* l. 32. lege κισθόηλοις. p. 54. l. 29. lege calculum. p. 51. (57) l. 1. pro Deo, lege, abnegant Deum, & Diabolo. p. 60. l. 17. 18. lege debita. p. 64. l. 30. pro se lege fuisse. p. 66. l. 7. lege erant. p. 67. l. 21. lege multi. p. 72. l. 12. lege transfodisset. p. 81. l. 35. pro negligenti lege neglectis.*

F I N I S.

Wagner, Tobias

Inquisitio in oracula Sibyllarum de Christo

Tubinga 1664

4 Diss. 460#Beibd.6

urn:nbn:de:bvb:12-bsb10654060-4

VD17 12:172572D